

蘇萃錄

光緒甲辰
澄蘭室石印

C. T. LOO & CO.
41 EAST 57th STREET
NEW YORK, N. Y.

NO. 536
HGT. 6 vols.
LENG. _____

MADE IN CHINA

THE GETTY CENTER
LIBRARY

澄蘭室古緣萃錄卷十六

古虞 邵 松 輯

國朝

瑤華道人山水軸

紙本設色十二開高六寸七分濶七寸六分
第一開春山明媚花柳盈溪臺榭參差筆意秀潤右上題

桃花流水隔漁津小榭清談世故新或是武陵人又至雲峰烟

景自春

擬鷗波筆

一如 僊 屋

第二開峯巒葱鬱蹊徑侵雲松影滿山氣韵蒼渾左上題

松坪雲罨畫高寺峰插天境深人跡罕太古日如年 擬一峰

古緣萃錄

馬十六

一

澄蘭室



老人筆意

竹譜

第三開烟嵐渾厚水竹清幽臺榭臨流風致秀麗左上題

竹泉春雨

擬董文敏畫法

雪

第四開遠岫參差清溪曲折楓林疎落竹篠深幽左上題

一庭竹樹蕭騷雨籬外殘英剩幾多共把一編勤討論想應經

營園九歌

擬雲西老人筆意

僊謫

第五開危峰對峙竹木迴環一亭中開遠山清絕題中偏左

山容排闥水垂簾掩靄虛亭竹墅寬秋光暗上遠林端 醉迂

筆

瑤華
倚人

第六開秋山紅樹竹塢蘆溪水榭臨流扁舟持釣右角上題

釣絲風軟葭露淒林端霜葉曉烏啼何人閣子臨溪瀨幽夢泉

聲笑凍美 暮秋點筆戲題以句

瑤華

第七開層巒排列匹練空垂樹色青葱水廊清絕左上題

武夷九曲烟波裏寫入毫端當卧游 恕齋

冷然
求音

第八開重岩蔥翠溪水環流林木陰濃虛亭坡上左上題

一瀑靜懸林木外孤亭幽對水雲間秋光淡隔村橋路茅屋琴

聲第幾灣 甲寅暮秋娛清書屋作 恕齋

第九開烟巒高聳溪澗縈迴松柏清蒼山居幽絕右上題

誅茆構精舍林峰日俯仰只聞流水聲未傳人語響 醉迂

醉墨軒

第十開一峰中峙竹木周遭屋據山坡門臨溪水左上題

霜林敞書屋竹樹戰秋聲雲鎖昨宵雨天開破曉晴此中幽興
者詩酒慰平生 立冬前十日雨霽遣興

孫華道人

第十一開林巒深厚溪水澄清野屋深藏遠山競出左上題

古木斜坡 擬燕文貴筆

端居室 孫華道人

第十二開峯頭疊起結屋山根松竹清幽梅鶴占共右上題

妻梅子鶴心清貌癯孤山風韻得如是乎 甲寅立冬前三日

作 瑶華道人

瑶華道人

齋

瑶華道人花卉冊

紙本設色十二開高七寸潤七寸九分

第一開桃奔右角下公言印

第二開繡毬海棠左角下口口梅花印

第三開蝴蝶花一未詳左角下娛清書屋印

第四開黃薔薇左角下筆研精良印

第五開榴花艾葉左角下醉迂印

第六開紅白荷花右角下千里魚印

第七開玉簪珠蘭左角下夢入郎嬛印

第八開巨石一拳細草紫綠黃花未詳右角下四時佳興印

第九開菊花扁豆右角下菊池秋水印

第十開紅白紫芙蓉三種右角下一如居士印

第十一開水仙松枝左角下松風荷露印

第十二開山茶黃梅左角下靜壽印左上題款

庚戌新春摹沈石田本

瑤華道人

瑤華書

二開繡球三開小花五開艾葉六開蓮房水草七開玉簪八
開石九開菊花十一開松俱參用水墨弼覺淡雅設色處亦
饒古豔非近代寫生家所能及也余得之以配山水冊可稱
合璧

詒晉齋臨米襄陽書冊

紙本八開高八寸六分濶一尺九分大行書六行六字臨
米書唐李紳過吳門二十四韻詩後款三行又題四行

辛亥三月廿四日 皇十一子書

皇十一子 詒晉齋印

此余初學米時作也故神氣消沮憶其時尚是石刻中伎倆即
於此年得見墨跡數種後乃稍展拓

詒晉齋臨米襄陽書札冊

紙本八開高八寸九分潤一尺八分行草書六行字不等臨
米三札後題三行圓勁飛動不落傾欹一派有米臨右軍書
札風味

此三帖刻停雲館中米之極縱逸者也為六姪臨因記

詒晉齋

詒晉齋書峴山亭記冊

紙本八開半計十七頁每高六寸八分闊四寸一分逢寸楷
書三行行八字清挺圓轉歐趙之遺後款

丙辰春三月既望 成親王書

成親王

詒晉齋印

詒晉齋書白香山詩屏

紙本雜色四幅每高五尺五分闊一尺二寸烏絲直界五行
行廿餘字楷書香山和微之詩五十韵排律書法瘦勁清挺
得道因圭峯之意為多後款

白香山和元微之詩 成親王

詔晉
齋印

鐵冶亭詩翰冊

紙本九開計十八頁每高七寸五分闊四寸烏絲直界四行
字不等行書寫自詩書法厚實凝重詩多佳白錄之首頁有
孩道人翰林參贊二印

出關途中雜詩 萬里巖疆事遠游玉門關外此淹留塞山不
及征夫健才見秋風已白頭 平原千里路茫茫積雪連天入
大荒坦々王程砂磧遠始知塞外是康莊 小住村寮落日昏
飢驅百里下高原巴童報到午炊熟自割黃羊帶血吞 撿得
山柴帶雪烘巖風搜壁燭搖紅燒殘楮拙烟難盡身在黃梁烟

霧中 孤村草 解征驂暫息塵勞苦 六甘忽聽塞垣懊惱曲
曉風殘月憶江南 藥裹盈箱自護持 枯燈土竈坐忘疲羸軀
自信無他病 二豎何須萬里隨

閒居做放翁體二首 楚尾吳頭路杳冥 蕭騷華髮駐邊庭 不

成一事適花甲 剩有餘年作白丁 未必青山能補過 那堪皓首
更研經 杖藜獨步東郊外 又見祁連塞草青 頽唐老眼謝時

髦 鍵戶懸車興更豪 欲却睡魔耽白戰 為醫臂痛挽烏號 廢書
我已忘孤癖 健飯人應笑老饕 如此溪山容小駐 敢將身命等
鴻毛

對殘花作 罌粟花開五色披輪臺佳種見應奇明年馬首知
何處且對殘葩坐少時

庚午除夕感懷 臘尾春頭序又更一般守歲駐邊城身經患
難閑愁少人到衰頽客感輕不必斟盤能獻歲暫拋班管笑談
兵明朝花甲初週日莫為頽唐悞酒盟 又逢初 試燈前落
拓名場六十年肘後應無醫老術囊中休問買山錢未除慧業
難成佛再識機心可證仙從古文章與經濟儒林傳有幾人傳
書懷二首 抱影空齋寂枯禪對令辰家書疎似夢天氣冷於
人久客親詩卷閒官計俸緡出關頻度歲風景又從新 老矣

年華晚明朝花甲週功名成白首身世等浮鷗萬里巖疆重三
春獨客愁瓜期應有待歸夢幾時休

回俗過年日口占 紀期三百六十日每到秋來歲籥新未必

黃楊能紀閏不須綵仗更迎春爭看新月如鉤上不覺流光似

水頻

回人把齋後見
新月即過年

我到履端酬令節一年人是兩年人

出關後心境怡然每作小詩自遣都不收拾錄而存之他日風
前月下偶一展觀覺此時景况宛如目前亦足浮一大白也辛
未冬月廿八日書於徠甯節署 鐵保時年六十

鐵冶亭臨東坡書冊

紙本十一開計廿一頁每高七寸七分闊四寸六分
一開至六開烏絲直界每頁五行字不等行書臨東坡養生
論後跋五行

東坡自跋云以嵇叔夜養生論頗中予病故手寫數本余常臨
舊刻是全文此則截錄是數本亦非一律也甲戌五月吉林小
寓藉臨友人晚香堂刻 鐵保時年六十有三 隸

七開至九開烏絲直界每頁四行行十字行楷臨東坡春帖
子詞五言六首七言三首後跋三行

東坡春帖子書法溫和平端重生平不多作亦生平少此佳日也

梅翁臨 鐵保

十開十一開每頁三行大行書臨東坡自我來黃州五古一
首後跋

因臨東坡養生論餘墨臨此是日雨後又書

梅翁

錄事

關晉軒山水卷

紙本水墨高八寸九分長三尺六寸九分巖岫參差樓閣壯麗松陰錯落溪水空明畫法全師東山皴擦乾燥印壑渾融惟筆力氣韻稍遜耳卷末下角款

臣關槐恭畫

臣槐

王樹畦仿大癡山水卷

紙本設色高七寸五分長四尺林巒蔥翠雲水蒼茫筆墨渾含渲染滋潤樹畦山水有時不免豪放此其最緊嚴者卷後上角題款卷前又題一段題首意在筆先四篆字江沅書有沅印幾庵二印前下角鴻爪後下角物中畫口印首甲戌人

大癡淺絳法獨擅諸家之勝石師道人一生學之得其神髓其

得訣處總在蒼率二字耳 嘉慶辛未立夏後四日倣於吳門

花步之寒碧山莊

王學浩印

不使一寔筆不使一呆筆學大癡者得力全在鬆活二字此帝

光潤頗能得手

樹畦王學浩又題

王學浩印

樹畦

脫手林巒墨尚新倍緣渾厚見精神直教董巨傳心法六百年來無此人 易道人鴻壽走筆題句 錫

我昔愛詩兼愛山芒鞋踏破勞躋攀而今愛山兼愛畫窅底風雲起光怪尋詩瘦盡如鶴癯吟髭撚斷吟骨枯山崔嵬子苦登陟老態頽唐仗筇策既無坡公買山萬貫之青錢又無阮生幾兩之蠟屐神丁不許愚公移仙掌徒傳巨靈擘安得畫師畫作蓬萊圖頃刻烟雲滿四壁易畫主人毋乃狂錫鑿研自誇丹青妙手厓谷胷中藏能令湖山千里縮咫尺搖筆驅使山靈忙元氣淋漓得真宰乘興濃墨神飛揚能畫眼前隨意之邱壑能畫懸厓峭嶺萬仞之傑閣他若太華匡廬赤

城元圃黃山白嶽空堂瞥見羣峰超怪底青蒼撲簾幙盪胸
烟霞光有無刺眼岳巒勢剗削老樹蟠奇挺鬼臂野藤果熟
奔猿攫陰霾黝鬱寒生棲猶魅時防睨窮谷壁間突作洪濤
聲天紳一落千丈猶龍行跳珠漱玉側耳愴恍空中鳴千奇
萬詭不可寫劃然長啸天為驚泛今夕愁腰脚懶快得此畫
懸柴荆洪崖仙翁若招手我欲遍尋十洲三島浮海遠跨青
蓮鯨君不見赤松子丹邱生何為一去不復返我獨何時脫
却泥滓食黃精王君王君笑我不得入畫裏我當飲盡一大
斗我便北窗高卧夢若飛僊輕 壬午八月偕頻伽外舅雲
伯先生宿半樹齋中小蓮姻丈出樹畦卷索題舅生先生已
有一絕在先小子曷敢僉行爰題長歌一首深自哂也 詞
仲夏寶晉 仲詞

此景塵難到扁舟自往還樹濃藏老屋石淨濺秋泉遠派宗
疑董詩情寫任天啓爾時一賞令我意浩然 今春購得林
畦先生畫卷有舅老題句舊為戈君小蓮所藏爰重付裝潢
更加題詠藉以結一重翰墨緣也 調生葉廷琯 擬

山色淨于沐夕陽度釣磯漁歌隨水遠樵擔帶雲歸葉密鳥
驚夢苔荒魚褪衣誰人工寫此妙手世應稀 癸卯重九苔

生先生出示樹畦卷屬題率賦律白呈正 覺阿觀曉
官眷山園黃一峰耕烟煙客王司農三四粉本閱眼界孟養

此卷得其蹤 黃大癡富春山園真蹟粵客何某曾携至京
師以重值力不能舉後歸山左陳壽卿太史處復見烟客石

谷南田臨本於海王村寶名齋李姓獲臯後三卷不知所歸
三軸皆似臨麓臺所臨短卷在小雲太常處小雲與余至交

獨此卷數、展視昔西廬老人謂湘碧曰學子久者思翁得
其神得其形者余不敢多讓若形神俱得者其吾孫乎此語

可為司農定評後百餘年樹畦以六法正傳負盛名余觀其
筆墨多粗豪染白石翁晚年習氣然在意之作自妙也此卷

皴法渲染雅靜濃厚兼而有之所謂士夫之畫有在筆墨外
者與前賢可抗顏生平傑作也購得後率題四語推許雖亟

在先生此卷足以當之矣 光緒辛未七月秋日吳興張
度題于京師宣武城南接葉亭 憲張度

王樹畦仿白陽山人花鳥卷 瓶麓齋舊藏

紙本設色高一尺四分長二丈一尺二分紙三接花則梅花
山茶海棠玉蘭牡丹紫藤蝴蝶薔薇罌粟石榴梔子萱荷紅

蓼野菊竹葉梅俗名茉莉蕙桂芙蓉秋葵牽牛秋海棠菊花水仙黃梅果則佛手柑天竺草則萍藻荇葦篠竹靈芝烏則壽帶鸛鵒等九種不可盡識獸則兔子蟲則蜂蝶蜻蛉螳螂鱗則游魚介則螃蟹尚有艸及蟲一二種不得其名其間牡丹白荷花佛手相菊花則參用墨筆展卷諦玩但見其設色古豔寫生欲活自是白石白陽之遺尾後題款印首王生

曾於寒碧山莊見白陽山人花鳥畫卷簡淡中不失蒼古之趣

技癢仿之略有合處 丙子春三月樹畦王學浩

林浩印

王樹畦仿古山水冊

紙本洒金八開高七寸一分闊一尺一寸七分首頁右角下石仙偶藏

第一開水墨峯陀平迤一片溪青筆意老橫無匹款偏右左角下畫中詩餘全

仿巨然法 樹畦浩學

第二開設色翠巘楓林筆氣蒼率右上題

仿趙鷗波青綠法 學浩

畦耕

第三開水墨林巒濃厚邱壘渾成右上題

仿梅華庵墨法 樹畦

浩學

第四開設色丹厓橫互綠樹陰濃右上題

仿北苑法 學浩

畦耕

第五開水墨米家雲山居中題

仿米高法 樹畦浩

浩學

第六開設色峭壁直上崑阜橫拖林木蒼黃筆意荒率右上題

仿荆關法 樹畦學

第七開水墨層巒疊嶂樹色迷離右上題

仿大癡墨法 學浩樹畦

第八開設色溪山積雪林木餘青右上題

仿營邱法 丙戌四月為麋叔三兄仿宋元各家法于山南老

屋之易畫軒 樹畦浩學樹畦

麋林仁兄出示樹畦仿古八幀沈渾秀逸無美不具非与古人鏖戰數十年未易臻此當是晚年得意作展讀竟日顯
戊子秋七月七日錢杜杜

王樹畦仿梅道人山水軸

紙本設色高三尺七寸六分闊八寸六分峯巒高峻樹木離披筆勢縱橫豪邁直欲俯視一切微嫌蘊藉不足耳右角上題左角下鴻印

梅花道人純用秃筆故點多擢法惟江貫道有之仿於山南老

屋之易畫軒

學浩

王學浩印

姓林

張雪鴻花鳥屏

紙本設色高四尺三分闊一尺三寸一分一幅柳雀一幅葵菊鴿子一幅芙蓉鴨未幅柏鵲筆意蒼潤寫生靈活題款

乾隆辛卯臘月廿二日坐棣韓軒圍爐小酌微醉乘興作四幅

覺幽逸蒼秀各得其趣矣

芷沅張敬

張敬印信

雪鴻書畫

張船山詩翰軸

紙本描金高三尺七寸八分闊一尺七寸八分行楷書七絕一首三行款一行

閉門隻占小園林松竹無多望已深一朵么紅一蝴蝶閑緣相

寄寫秋心 丙寅長夏依竹堂對雨書

船山

張潤山陶印

張船山詩翰軸

紙本高二尺三寸濶八寸五分行楷書七律一首四行

可為國官免治生心源慙媿在山清高林遮院綠無縫小硯點

書紅有情酒誠中年憑毅力詩狂何日懺虛名當關莫更通賓

判讓我看雲待雨聲

船山

葉州太守

張船山晚涼洗馬軸

紙本高三尺八分闊一尺五分淡設色平坡遠岫中隔一溪
一人牽馬立水中一人在溪邊兩手作掬水勢款右上

崔汀大兄屬船山畫馬時乙丑中秋

張問
陶印 船山

張船山硃砂鍾進士軸

紙本高一尺五寸五分闊六寸五分硃砂畫鍾進士騎一山
魑在雲端一鬼立後執一壺俱有兇狠狀題上面墨筆印首
游戲右角下同進士

九天携酒跨山魑脚底風雷萬里遙笑問人間新進士可能騎
馬上雲霄 乙卯午日戲用丹砂寫鍾進士變相博蓮西先生

一笑 船山張問陶并題

問陶

吳山尊山水軸

紙本設色高三尺二分潤八寸五分峯巒重疊林木杈柯筆意與員照仿大癡設色為近尤與員照溪山秋淨一卷極相似題款右上右邊山尊甲子年以後畫

十載青山入夢遲忍教猿鶴費相思丁姑祠外鄮平湖水不作

漁師亦釣師

丁姑事見搜神記吾鄉人

庚午長夏仿樗仙筆奉坦園老前

輩清鑒

晚吳鼎

鼎

黃穀原山水軸

絹本設色高二尺三寸九分闊七寸六分溪山層折點綴清幽筆意蒼潤有黃尊古之法司農遺範也題款右上

溪山晴翠圖

庚子秋日仿黃雀山人筆意 黃均

黃均印

此軸原為屏只餘二幀市賈改裝二小軸其一仿雲林頗澹淡逸之致余留此幀其一不知歸于何所後先生畫頗見重

古緣萃錄

馬六

十二

澄蘭室

于時一冊十幀六值百十金矣

王鉄夫書札冊

紙本十八開計三十六頁共廿一札第一兩頁有芭孫惕甫印印首鉄夫第二五頁有芭孫真州山長及印首鉄夫印第三寫樗園海棠九月復華七律一首一頁款惕甫印鉄夫第四二頁第五六各一頁皆無印第七二頁有惕甫及印首鉄夫印第八一頁有真州山長鉄夫印首印第九一頁有惕甫印第十一頁有惕甫及印首漚波印第十一三頁有王芭孫惕甫及鉄夫印首均素印第十二二頁有王芭孫惕甫印首鉄夫印第十三一頁無印第十四一頁有樗園客隱及鉄夫印首印第十五二頁論厲太鴻事第十六二頁有惕甫印首鉄夫印第十七三頁十八一頁俱無印第十九二頁有老鉄晚年書惕甫印首鉄夫印第二十一頁有樗園客隱印第二十一頁無印皆与菴田孝廉者讀各札詞意殆先生弟子而居揚州者冊為白蘭岩所藏有其題識未錄

王鉄夫詩翰条

紙本兩方第一方高五寸九分濶一尺二分第二方高六寸八分濶一尺三寸俱小楷書前方印首惕甫後方懷古生

何蘭士同年枉贈嘉篇並以所著方雪齋詩集見示輒作四詩奉酬 文章一微塵萬古悲淚海詩緣發憤作易有憂患在神聽轉和平不是寫魂魄士以文載心於中寫真宰見心不見字字々獻神采古今旦暮耳繇渺若相待 自非讀書多何以實

其腹妙處不闕書無書苦磽确典墳丐津潤糞養出嘉穀心苗心苗時怒生百怪困役服鴻通破拘攣精神見雄獨獨者衆所歸九流貫一轂 言中苟無物憍氣非堅蒼絃外苟無音虛響

甯久長詩為六藝一騷雅相翱翔魏、千載客炯、十目張務
將觀其裏底蘊深可量小心事古人倂矩工弗良 君詩不著
紙清雄更超逸不謂太行西落此一枝筆贈言極綢繆獎與過
其實倒篋出新篇相要作評隲敢不誦所聞臚陳對師乙我好
攻君瑕君宜指我失 辛亥十月望予既和梧門先生淨業湖
待月六詩燈下復作此詩輒并寫似先生商定之 芭孫呈稿

夫鉄

終風竟不已快雪適自晴夜讀梧門詩見跋燭換藥精想出生
瘦別梅勞經營如游薜蘿林孤鶴時一鳴霜鐘和松吹流作空

際聲此散從何來。官自性地生。求詩莫於詩。稱性開奧閤。公當窮其大。鯨駕滄瀾橫。公當窮其變。虎帥牖戶驚。相思歲云久。一見肝膈傾。為公致商榷。公亦披中誠。點勘事粗了。街櫟打四更。不勝徂年悲。迫此歲暮情。賈島儻祭詩。薦以寒泉清。吾生但直諒。豈敢居多聞。世人觀其表。誤謂通典墳。尺寸互短長。所賴公識真。自年十五六。登場好言文。蚊欲負泰山。不知有鷗鵬。為學務討源。導江必於岷。生平厚自待。因以期諸人。人或弗之納。不悔不逡巡。後世誰相知。此語傷子雲。公懷自淵谷。孰不以藝陳國家於蒙古。恩養無比倫。篤生熊羆士。喬木仰世臣。欲為文。

苑傳落：星嚮晨此詩吾所定當繼夢公麟 辛亥冬承時帆

先生見示存素堂詩集屬為勘校誦味之餘輒作二詩以呈鑒

正并祈和之是歲嘉平十日燈下芑孫錄稿

芑孫

此幅二条一為李錯詩翰共三方末方下有盤陰老樵印未錄

湯敦甫大楷書屏

紙本四幅高四尺九寸四分濶一尺三寸二行行八字楷書
曲禮毋不敬至樂不可極二十八字詩經相在爾室至不可
射思三十十字筆力堅卓氣魄沈雄末款二行

道光戊申湯金釗年七十有七

湯金釗

參知政事

陳曼生花卉冊

紙本設色十二開高六寸五分闊九寸二分寓意多白陽法
第一開杏花右下題

牧童睡起朦朧眼錯認桃花欲放牛
略似元人辛貢畫法

曼生
錫

第二開辛夷左上題

一自夢遺湘管儘教塗抹陽春
陳鴻壽
錫

第三開芍藥左邊上題

意在白陽山人終以唐突為過
曼生
陳
墨

第四開芭蕉略觀一枝小紅葉右邊上題

展綠天無暑催詩而有聲
西子湖上漁者
錫

第五開榴花石頭左上題

越桃香裏若榴紅乍試生衣款午風轉瞬年華成一笑豔新節

物又天中

鴻壽

老晏詩
書畫印

第六開荷花左邊上題

清漪者泉靜妙者蓮為君子壽日利大年 晏生 漫

第七開萱花左邊上題

獨無憂

擬張守忠畫法

鴻壽

曼

第八開桂花右上橫題

家玉几先生逸筆桂花高冷如其人品舊藏一幀惜為人持去

迄今耿々銚下蕝興戲擬其意曼生并記

陳鴻壽印

第九開菊石左邊上題

學石田翁而結構失之

陳鴻壽

陳

第十開松芝左上題

此等畫法亦以簡勝然失之薄

子恭

陳鴻壽印

第十一開花未詳直荃紅花無葉江南人土名不一山徑田塍間常有之八九月開色甚豔左上題

疎叢簇荒畦十日紅不改曉涼籬落間笑看兒童採 曼生

鴻壽之印

第十二開紅葉左邊上題

霜葉紅于二月花 嘉慶壬申三月畫於桑連理館 陳鴻壽

隸

伊墨卿隸書行書橫幅

紙本高一尺一寸闊三尺五寸隸書建忠弼謨四大字下書
坐位帖才為世出至不亦可乎六行末款二行印首拓湖

衣聞大人同年誨正 嘉慶十六年十一月朔伊秉綬臨本

墨卿 伊秉綬印

墨卿先生隸法俊偉個儻不羣余留意搜羅殊少真品僅購
得楹聯兩付及此一幀已矣在京師購得虞仲翔祠碑底本
徑寸隸書筆力遒勁歎為僅見今夏季弟歸里以并九女侄
學隸無所取法持以北上擬付之石印以廣其傳寫萃錄
至此不能憶其尺寸開數附記于此後當補入也

李梅生畫對

紙本高三尺八寸潤八寸三分
一幅畫鷹立石上展翅欲下石旁紅梅方華題右上

天風浪、海山蒼、真力彌滿萬象在旁

梅生作

梅生詩畫

一幅畫松鼠倒蟠筍上勾點綴竹石荊枝左上題

時辛丑春三月寫為甸安老弟大人雅正

梅生李育畫

揚州李育

余秋室雙美携琴圖軸

紙本設色工筆高二尺三寸八分闊一尺一寸八分
雙美女抱一琴衣摺花紋極工麗面目淡雅異于改七薌費曉樓精
能一派題在左上

雙、姊妹似英皇綠綺携來古錦裝何事不彈江上曲只將琴

趣學業桑

乙亥冬日秋室寫

余集

展也

吳穀人行楷書軸

紙本高三尺六寸三分闊八寸三分洒金箋烏絲八行行楷
圓勁極似成邸早年書下角韻湖珍藏

岑然窈窕空明間到眼似涌千髻鬟烟霏霧結各殊態隱々元
氣中迴環夢禪昨夢落何處腕底收得江南山香光一派沿北
苑意取古淡神蕭閒流雲分勢移樹頂野外合影通漁灣幾家
破屋高位置松風吹入門猶闕吟聲彷彿林外度欲與溪語爭
幽潺過橋曳杖者誰子想當讀畫山中還此中猿鳥未忘我富
春三載甯緣慳桃花笑人約屢誤出山那得辭憂患朝來濕薪

如爆竹但聞說餅先開顏浮嵐暖翠在胸臆一椽有願終茅管
巖梯冥踐草鞋熟去々不愁腰脚頑 瑛夢禪畫山水歌錄奉

石士先生正之 穀人吳錫麒藁
吳錫麒印 穀人

張子駿臨唐楷屏

紙本四幅描金粉箋烏絲方格高四尺八寸七分闊九寸六分

一幅臨虞永興廟堂碑五行行二十六字大唐撫運至永宣
金石一百二十字末題印首小瑯嬛福地下三幅全

臨虞永興廟堂碑
張岳崧印 太史

二幅臨率更醴泉銘五行々廿六字於是斷雕為樸至聖心
懷之不忘一百十四字末題

臨歐陽率更醴泉銘
張岳崧印 駿子

三幅臨魯公書告行字全勅國儲為天下之本至光我王度
一百十字末題

臨顏魯公書告

張岳崧印 駢子

四幅臨褚聖教序行字全譬夫桂生高嶺至与乾坤而永大
一百二字末一行題

臨褚登善聖教序

儉宜齋使大人雅鑒

定安張岳崧

張岳崧印 氏

姚伯昂浮烟遠岫軸

紙本水墨高二尺六寸五分濶一尺四寸三分溪山平曠蓊
樹茅亭一舟蕩漾波間筆致疎秀靜氣迎人所謂士夫之畫
也左上四隸書題款五行左角下南齋舊史

浮烟遠岫

巨公一笑留真蹟妙筆超然不惹塵借問傳燈誰

拾得染香庵主是前身

丁亥孟夏仿巨然筆意

竹葉亭生

姚元之作并題

元之書畫

姚氏伯昂書畫

姚伯昂真行篆隸屏

紙本八幅印花邊高三尺七寸六分闊八寸四分
一幅摹鐘鼎文四行末題

號村大林鐘

史臣姚元之章

竹葉亭長

姚氏麋青

一幅烏絲方格三行行十六字臨漢碑德襲爵銀艾至
揚威聲而風布四十一字元之小印丙申年生伯昂學隸三

印

一幅烏絲方格四行行廿一字臨漢陳寔碑先生諱寔至不

遜貳以臨下八十字元之一印

一幅烏絲方格三行十六字臨漢景君碑伏惟明府至微

弱蒙恩四十字黃柏山樵七世孫元之與修國史三印

一幅烏絲方格二行行十五字臨漢百石碑春秋饗禮至郭

玄辭對廿九字末題一直行

嘉慶十有一年四月廿一日臨百石碑廿九字

伯昂 龍 西清 侍直

一幅烏絲直界三行書道德經載營魄抱一至是謂玄德七十字楷書後題小字長短三行

道德經石刻久無善本余舊藏此帖頗為希見偶臨一章六長

夏樂事 嘉慶十有一年孟夏芒種前一日臨於小紅鵝館之

北窗時天氣微涼小風欲雨適有嘉客長話口畲手書

元 翰林

一幅臨松雪蘭亭跋與丙舍帖相似十二字一行又臨春事

將畫一札二行姚元之印姚氏伯昂二印
一幅臨桓山頌獻之銘六字又大令廿九日昨遂不奉別一
帖合兩行末款一行

景峯九兄大人屬廬青姚元之作小屏八幅即請鑒正

姚元 鵲 之印

改七薌芝仙園軸

紙本水墨高三尺四寸二分闊一尺一寸九分石笋一笏竹
篠一竿下植水仙芝草題款左上角下那伽定右角上七薌
詩畫雲陽二印

道光壬午十一月朔吉仿元人畫芝僊圖 玉壺外史改琦

改伯
齋甫

顧南雅小楷金剛經冊

紙本二十四開高五寸五分闊六寸一分前一開畫佛像雲
巢張貞敬寫印鉄居士末一開畫韋馱像印張鼎經文得廿
二開、十四行、十七字後款三行跋廿五行

嘉慶二十有三年青龍在戊寅十月望日庚辰講官侍讀吳縣

顧純敬書時以養病寓居於揚州之樗園年五十有四

顧南
雅

古緣萃錄

馬六

二

澄蘭室

余二十七歲與詩僧杲堂交好於其案頭見此經甚好之每暇輒書寫持誦後宦於京師始輟業焉然余厯遭困苦未嘗戚於心於衆所爭趨爭避者皆淡然忘之未始非得力于此或謂儒者克己復禮自不爲外物所攸何必是余謂吾儒求理於實釋教觀性於空泛實克欲難從空去妄易譬諸人居於窮鄉僻壤耳目未廣則嗜好必寡及至城市有所誘有所移矣又如孩提之童知識未開則好惡不顯及其既長有所接有所著矣故儒者入其途而不染釋者慮其染而不履其途吾輩既不絕婚宦固已履其途矣不能去之而姑淡之此既得病者欲復元氣

暫借藥力以輔之其效差速耳比年来余以喪子之故此心忽
不能自持且自念生平不知何時何事得罪于鬼神因疑或即
此經所謂先世罪業蓋此經謂先世即俗所言前世事也然既
有果報何不報于當世且如來累世脩行而為歌利王割截身
體在如來慧定固不以此為苦自世法論之果報安在此又余
所不解者將俟大知識參焉余書此經不下數十本俱為人取
去今留此本時：展開冀有頓悟之時破茲煩惱云尔十一月

十日裝潢竟純又識

顧純之印

南

息廬居士受持此經云何思子明鏡惹塵如來截身瞋恨不
生何況我子已非我身如我所說相有我人此非真詮汝勿

諦聽佛說六如其義惟精我願居士信受奉行 陶賡題于
春風廬

陶賡

余嘗規南雅書欠一和字此冊筆意參用褚法視平日臨歐
之作較和矣近日拙書又太乏骨氣筠樹之言良然 己卯
春二月廿有六日李福跋 仞

顧南雅墨梅橫幅

紙本高二尺二寸濶四尺八寸四分筆力縱橫花幹厯落右
上題

開時識天心未解媚春日庶逢鉄石腸能賦冰雪質 十年前

曾見文衡山畫冊有梅一幅絕佳仿此應春湖大前輩大人命

後學顧莼

顧莼

之印

雅

丁亥

郭蘭石臨米各種書卷

紙本高八寸六分長一丈八寸三分帝十一接類冊改裝當是隨意之筆集成者次第惜未釐定書法以臨米為勝第一
段書杜老風急天高猿嘯哀七律一首行書十行郭尚先印
蘭石二印二段書若過武夷山下看六行三段臨米閑堂養
月一札十八行缺首二行四段臨米介至蒙教一札七行五
段臨米一年復官一札二十二行六段書懷在江東震澤州
一則十一行七段臨米比恣：附書一札二十行缺尾目紙
竟即報郭氏蘭石臣尚先印二印 按此与應將臨米四札
表于前書詩三段附于後方為得之

郭蘭石臨磚塔銘冊

紙本三開計六頁每高七寸六分闊三寸六分五行行十一
字臨磚塔銘全文勁挺秀逸能得其形神末題五月十六日

無印

郭蘭石先生臨本極多此本獨善余友楊翠巖分惠謹當奉
以學楷 晉三藏時維乙酉巧月十三日

郭蘭石小楷書譜冊

紙本原條改翦裝冊十二開計廿四頁高六寸五分濶三寸四分烏絲方格七行行十七字夫自古之善書者至尤宜慎諸都一百六十五行二千七百九十八字後款二行

敬占四兄同年正 弟尚先

尚先私印 蘭石

蘭石先生書得醴泉之骨力兼韞塔之丰神圓潤挺秀猷出冠時此冊寫書譜又參以河南之風度益覺鋒發韻流翩可愛

郭蘭石書千文冊

紙本十三開烏絲方格每開十行行八字劬寸楷書雖云臨褚寶貝埒塔銘衛景武碑之勝後款二行

乙酉春分臨登善書為湘颿大兄清鑒 弟郭尚先

郭氏子口

郭蘭石臨爭坐位帖冊

紙本七開每十二行字不等臨坐位帖全文帝為高麗髮牋
堅潔宜墨至今光彩如新末款

雅林五兄屬 尚先

郭尚先印 蘭石

郭蘭石行楷屏

紙本四幅高三尺八寸三分潤八寸七分行書二行字不等
書舊稱劉松年畫不滿十幅一則末款

郭尚先

郭尚先章 蘭石

蘭石先生以楷書為精小楷尤妙行書次之過大則不免由
膝于骨有轉不圓畫不足之病所以然者未能操脫館閣之
體也近來精書法者亦罕有其匹矣

郭蘭石諸家書屏

紙本洒金箋四幅高三尺六寸八分濶八寸三分
一幅郭蘭石行楷三行

樂毅論縱橫馳騁不似小字瘞鶴銘法度森嚴不似大字此後
世作者所以仰望不能及也此可為知者道耳 吟樵三兄大

人正 郭尚先

郭尚先印 蘭石

一幅林少穆行書三行款一行

萬事不如杯在手一年幾見月當頭文徵仲嘗寫此詩意又樊
川翁南陵水面漫悠々風緊雲繁欲變秋趙千里亦圖之 吟

樵三兄先生雅屬

少穆林則徐

林則徐印 少穆

一幅陳玉方楷書三行款一行

法筵等供仄塞於郊垌頌香花喧填於晝夜非夫美政涸深
德恩汪濊則何能感人若斯其甚者乎若不垂諸將來則記事
者奚述 臨為吟樵三兄雅鑒 玉方陳希祖

陳希祖
壺

一幅王冊楷書四行款一行

登臨萬仞攀俯首視塵寰落日烘遼海邊闕枕角山風塵霜月

盡心事酒盃閒筆墨荒蕪甚零星稿未刪

庚寅冬日登
渝水之首山

石道

甚蹉跎風塵鬪酒魔槁橫落獅子寺僻失頭陀流水自南去夕

陽何處多愁心共雲似片段翦秋羅

潞河
道上

丙子初夏率錄舊

作二律以應吟樵三兄先生雅屬即希兩正之 燕山小摩詰

王冊

臣冊

燕小

前身應是明月
幾生修到梅花

湯雨生諸名家書畫冊

紙本十二開高六寸二分濶八寸題首華陽新筑園五隸字
戊子夏四月題奉桂舫二表兄大人正隸甯州顧縈
一開嚴寅篆書九行秦始皇刻石
二開袁少迂設色山水右上題

道光戊子初夏臨耕烟散人秋山紅樹草堂圖意 少迂袁沛

三開汪寶崧詩七律三首楷書十行後款

戊子秋九月書華陽新筑詩後即呈桂舫太姻伯大人教 汪

寶崧

四開蔣俊花卉草蟲右下題

戊子夏五摹孫雪居草蟲法 恬菴蔣俊

五開潘順之詩七律二首楷書九行後款

桂舫老伯大人命題即請誨正 姻愚姪潘遵祁呈稿

六開湯雨生設色山水傑閣依岩長松掩映左上題右角留
心學到古人難

戊子秋月桂舫年長先生正 貽汾

治

七開顧蕙設色牡丹筆致韶秀妍麗非常左上題

咏花愧乏玉溪才為寫名園錦繡堆
洽隱當年舊枝葉何須移
自洛陽來 戊子夏五奉和桂翁老先生新居牡丹原韻并為
花寫照即請訓正 畹芳女史顧蕙

八開郭轍詩七律一首行楷八行後款

戊子秋日白呈桂舲表兄大人正 郭轍

九開夏翬墨菊左上題右角下簞中風謝

仿白陽山人筆意 夏翬

十開張辰詩五律二首楷書八行後款

小詩奉和桂舲世村大人正 眉山張辰

十一開錢村美梅花水墨淡逸丰韵尤佳題上偏左

羅浮香影 戊子秋日請桂舲尚書 村美錢杜

錢杜私印

十二開顧翔雲詩七律二首楷書十行後款

戊子冬初奉桂舫大司寇表舫大人命題恭呈誨正 表姪顧

翔雲初稿

近百年中書畫家戴文節最著者也餘若湯雨生錢舫美兩先生筆墨亦頗見重于時此冊得而先生作當為一時增重惟首葉題華陽新築圖詩畫中又不盡此意恐已殘缺或藉斯冊隨意著墨亦未可知

華堯民羅漢屏

瓶麓齋舊藏

絹本工筆十二方每高七寸五分潤七寸三分每幅三方畫法工細設色精潔所繪各獸尤蒙茸欲活曾見一摹本亦精緻對勘則無生氣矣堯民不見記載以畫論之當是嘉道間人款在末一方左角下右角有何遽盒二印

堯民華子宥繪

堯民畫

戴石坪山水軸

瓶麓齋舊藏

絹本水墨高二尺八寸五分濶一尺五寸三分巖壑渾成筆墨清潤畫山水之正宗也右上題

法營邱筆意為映雪老弟雅正

石坪戴鑑

戴鑑石坪

瓶麓齋尚藏有一冊畫法蒼老意欲仿蓬心晚年之作然不能無枯禿之病矣

戴醇士仿華亭山水軸

紙本水墨高四尺一寸七分濶二尺二寸七分峯巒深厚筆墨淋漓皴法樹法一氣揮洒具見大家風範不獨章法綽綽有餘氣韻生動其魄力非人所能及也左上款右又題右角下但熙肯畫寬作程左角下潞河李韵湖鑑藏真蹟

咸豐七年丁巳十二月畫為問樵仁兄屬

戴熙題記

醇士 与汪餘河陽郭同名

重規疊矩又翻新灑墨如飛筆有神一代正宗游戲得香光畢

竟是天人

仿董文敏偶題

醇士

戴熙 鹿林詩畫

戴醇士山居圖山水軸

紙本水墨高四尺五分闊二尺二寸六分林巒森秀筆墨華滋其氣韻之淡逸位置之謹嚴與前幀異曲同工尺寸略同可稱文節準璧左上題右角下但熙肯畫寬作程

空山少人蹤却有數間屋炊烟雜雲霧牕戶隔林木惟聞讀書聲時時間飛瀑非無入山路溪橋不容轂 戊午冬日寫山居

圖并題惺齋七兄屬

醇士戴熙呵凍

醇士戴熙

戴醇士山水軸

紙本水墨高三尺五寸二分闊一尺七寸七分溪山清曠林木森秀坡上一人扶筇眺望溪外橋橫遙山層折風景絕勝左上題右角下忍俊不禁

閉門擁褐撲爐灰倚病貪眠閣酒盃忽見春山新膏沐微吟不

覺過溪來

丙辰正月墨緣二兄屬

醇士戴熙并題

戴熙并題

醇士先生以文章氣節重於時山水點染深厚魄力沈雄雖相傳師法耕烟而大幅氣勢沈鬱疑耕烟尚有所不及近時偽迹甚多購之者值幾與四王等其筆墨之真贋固一望可決也余得三幅間樵墨緣二軸皆潞河李氏進款先生著意之作昨錢雅蘭示一冊乃與其尋人仲謙先生畫者淡逸蕭疎亦非近人所可到錄存寓目錄中

吳讓之篆書家人卦屏

紙本洒金箋四幅每高三尺七寸一分潤八寸九分烏絲方格四行十三字篆書師完白而筆意疎落後款

曩見完白山人篆此卦

儀徵吳熙載仿之

吳熙載

讓之書畫頗有名于時篆刻尤工大約篆師完白畫法篆象石刻仿漢而不能出石如範圍皆有書氣少俗韻近時人之

傑出者篆刻尤為趙撝未所推撝辨狂士不輕許可人獨于讓之有詩云浙冕兩宗可數人丁黃鄧蔣巴胡陳揚州尚存吳熙載窮客南中年老大其造詣可知撝未亦善畫余未得其寸幅吾師芟生先生藏數幀能不落小家數

何子貞書札詩翰冊 瓶簾齋舊藏

二冊一三十五開一三十三開內奏摺小楷三開詩十八開臨蘇等六開書札三十五開又半附弟紹京紹祺紹業書札五開皆與龍石漱芸兩先生者書法不拘一格大都縱橫跌宕詞翰復絕絕無晚年習氣亦鉅觀也

子貞先生天才超邁詩翰皆工其學書懸肘迴腕用法而不為法傳外舅嘗謂先生書無一筆無來歷論至當也惟恃才傲物不為時容嘗為先生惜之晚年僑寓蘇臺賣書自給應酬之作率多潦草而作偽者亦遂摹擬幾不成字故論先生書者當以中年為極則與龍石漱芸為金石至交故得其手蹟最夥

何子貞跋瘞鶴銘詩冊 瓶簾齋舊藏

紙本二開小楷極精詩六起邁

我昔渡江冬揚舲笠戴大雪拓鶴銘登山瞻之疑有靈雪色石
氣交晶熒以手捫拂如天星指皴欲墮挽不停凍字蛻出神勝
形瀰虜汗漫藏娉婷大似水拓字脫零至今尚帶江濤腥泊游
吳門舟一萍遇龍石安啓鐫扁有十許字懸苑廳是真水拓留
古馨從此吾目辨渭涇瀏覽甄錄識典型夢樓覃谿如尹邢考
圖索證亦足聽課虛求實殊畦町欺誣時復伴惺々龍安此別
春七經欽風跂道雜醉醒賴有尺素通丁甯時遘古墨逢新硯
輒語我詳聞其冥今茲季春舒一簟滄江虹月照吾庭蒺絨彷彿

拂浮中冷卧彼倒瞰石腹青華陽真逸神亭、不知其紀胎禽

齡四字七字珍玲玳如龍銜珠鳳粲翎今宵飛栖吾障屏來書

滾、水瀉瓶更致慙曲煩鵲鵲要我題記鐘撞筵作速寄歸急

如霆先生懷抱涵岳溟今來古往風中螢弥勒同龕聽墻鈴靜

觀萬象真蟪蛄此何長物愛所丁未免滓礫淆淵渟此似諧語

非不經古光萬丈辭疏櫺懷哉彼美歌榛苓 穀雨日鐙下

好

龍石老兄寄示鶴銘有華陽真逸四字及不知其紀也五不全

字此尚在張力臣作圀之前乃水拓中之至古者有松齊印三

處知為退谷藏本題簽瘞鶴銘三字即退谷書後有義門朱書

小字引證鶴銘者夾置帖中益足見當日傳賞撫摹一段妙緣也嗣歸毛氏意香令乃為龍石所得不遠數千里送令弟漱芸孝廉處寄我索跋又囑云跋好即寄賸古福奇趣老而彌篤如此余於此銘曾三次手拓最先為道光壬辰冬仲冒雪打碑致為得意旋晤龍兄見示水拓片幅歎為希有嗣後得見王夢樓宋芝山翁覃谿各藏本大約俱相類頗此本出則前所見者皆其後鳳芝麟求信為瑰珍歎詫何能以已龍兄所獲佳拓往寄贈今於此帖亦似有息壤在彼之意愛我如此不辭何緣展卷懷人神思飛越草成一詩聊寫心曲雖相望二千里不啻

一室一几一壺一鐙掀髯討論又疑焦山放艇重尋墮水石蹤
不顧江濤迸飛恠鶴爭警也 乙巳季春道州年小弟何紹基

并記

何紹基
貞子

先君索貞丈題詩後即以此帖寄贈而留此題貞它日當覓
水拓本同裝以補此一段墨緣也同治庚午冬十月慶麟識
于梁園學署之二芝軒

何子貞地節漢石跋幅

瓶麓齋舊藏

紙本行楷高二尺三寸八分潤九寸一分都十行

此碑初出頗有疑其偽者以班書地理志有巴郡無巴州也豈
知州郡古人注、通稱即如地理志稱武帝南置交趾北置朔

方之州而交趾朔方固皆郡名也雄本傳云楊氏遡江上處巴
江州江州為巴郡首邑此所云巴州即江州矣雄傳又云楊季
官至廬江太守元鼎間避仇復遡江上處嶠山之陽曰郛自季
至雄五世而傳一子此稱巴州楊量似當在未徙郛前而紀年
書地節則實在徙郛後巴州者本其初言之不稱楚巫山者據
近也龍石老兄家吳中又何時自蜀徙來乎聞此石亦已由蜀
至淞石雖壽能保不遷移哉十鼓可載數橐駝韓公語且成詩
識矧此片石耶君家妙斲自楊氏三碑孟文石門頌蜀侍中闕
外惟楊紹買冢地蒔及此耳而年世則無先於此者龍兄每得

佳蠟墨輒不遠數千里寄來近復將舊藏前拓見貽何割愛至是也屬題此拓請益祝金石大壽無竟 東洲居士何紹基貞

何子貞大行書橫幅 瓶麓齋舊藏

紙本高二尺七寸四分濶四尺九寸一分行書八行

余舊不喜曹洞言句常懷涇渭不同流之意今日偶味此文皆吾家日用事乃知此老百姓被天寒有用也 漱芸世仁弟屬

何紹基

何紹基印 貞

楊龍石書札冊

四冊一十六開一十七開一十九開一十四開共四十三札皆與沈琴齋者琴齋未詳其外舅任粵藩有沈少笙者始

古緣萃錄

馬六

世

澄蘭室

琴齋之族曰書中有与琴齋通財事裝成四冊送至粵欲貸千金外舅有所酬而歸其冊迨庚辰至蘇送外舅蔡少笙復持是冊來乃購回龍石先生筆墨篆刻頗為吳下所重余所藏扇頭數種及跋帖各迹甚多錄此四冊以誌欽仰

瓶麓齋臨秋盦山水冊

紙本水墨每高四寸二分潤六分都十開
一開隼巖對峙平坡中坳松矗重巖波澄萬頃左上題

韜光絕頂之園小松寫

振甫臨古

二開峯陀橫峙溪水周環數木蕭疏一山遙露左上題

向晚山光青更青重疊有雲生看雲莫道奇峰好不著斜

陽畫不成 夏日侍何夫子望臨平山曰口占即寫其意

振甫臨古

三開層岩倒插數屋中嵌松影參差溪天空曠左上題

石磴縈紆似篆紋來牛去馬各紛々回頭自覺山中屋四面樓

臺起白雲

庚寅三月游靈巖寺短句

秋盦題識

振甫
臨古

四開山峽急流清溪平曠舟橫谷口草長波心石上題

游武夷歸宿放鶴洲早炊未熟舫窗寫此大似廿年前楚中境

會書此以誌今昔之感云耳

小松黃易

振甫
臨古

五開罽纈崇厚林木槎枒山屋阜高井亭泉溜石上題

楚雁書來俗眼青急張幽榻豁沈冥絕憐裴李專詞翰益信江
山助性靈殘雪編瀾知石泐輕煤婉孌識苔馨元郎佳句真堪

賞滿壁蛟龍動古廳

題武昌怡亭

振甫
臨古

六開青山一角萬頃波平一塔孤懸遠峰兩點右上題

南屏山色正蒼然隱隱鐘聲墮水圓山月漸高風漸急湖心尚

有未歸船 小松寫并題

振甫
臨古

七開岩石磊砢溪水淪漪一屋山巔數椽坡上右上題

山徑深々點碧苔門扉白石幾時開龍泓秘笈陽冰篆它日還

期問字來 過龍泓丈山館并捐李陽冰龍溪碑 秋盒

振甫
臨古

八開江天空廓數點峯青林屋迷茫風帆隱約右下題

待渡望金焦之圖 小松擬大滌子筆

振甫
臨古

九開溪山平遠渚岸參差樹木清疎人家約略左邊題

窈碧湖光潑研光自拈班管自焚香朝來風雨宵來月無此人
間六月涼 此余廿年前領略江湖趣味歸自潯陽留江村者
十日因寫此幅以貌江山却似故人相晤對良可慨已 立秋
後三日寫於漱山草閣小松并題志

振甫
臨古

十開兩山夾峙一水中流舟影彎迴檣帆一簇左上題

烟波回首松陵道巒翠侵衣京口城打槳能來：及早一江春
水正新生 自京陵歸杭舟次石城舫窗岑寂寫此江山以志
余浮沈之踪耳

振甫
臨甫

庚午十月偶見小松司馬南游寓目圈小冊愛其詩畫準絕對

臨一過燈下草略未能得其髣髴也振甫楊慶麟寫於梁園

學署之二芝軒

慶麟
私印

瓶麓齋豫游寓目圖冊

紙本水墨十六開每高四寸濶四寸六分題在對幅上
一開寫龍亭左角下慶麟振甫氏二印

大梁省城東北隅土阜隆然上有古殿傳是良嶽遺址其下積
潦成潭可以泛舟居然有烟波浩渺之趣 振甫麟

慶麟

二開寫吹臺右角下振甫画印

府城外吹臺即繁臺也屢經其下而未獲一登因其大略如是

三開羊角山右角下楊振甫圓印

羊角山在陝州城西隅上有小閣可以憑眺俯瞰黃流縈繞如帶西望中條山色如在几席間亦奇觀也

麟慶

四開風穴山左角下振甫畫印

汝州風穴寺即古香積寺也寺在山腰遷迤而上古柏夾道翠影侵裾泉聲洗耳步入勝令人應接不暇

麟慶

五開龍門香山左角下慶麟振甫氏

己巳九月過龍門重宿賓陽洞與諸同人散步岩下瞻禮古佛皆大歡喜伊水清漣蹇裳可涉因時晚不及復游香山香山一

峰正以對眺為妙振甫麟識

麟慶
甫振

六開蘇門百泉

己巳四月試畢衛郡道出輝縣宿蒙泉堂堂下流泉百道匯成
方池所謂百門泉是也池中央有閣曰清暉有亭四曰湧金曰
靈源曰放魚曰洗心堂之對面即蘇門山更初月上步月至山
頂登孫公嘯臺飄然有凌雲之想循麓而下窺靈源井汲泉
煮茗與諸同人清談至夜半倦而就枕松風泉籟一洗勞塵

振甫

麟慶

七開鉄門寨左角下楊慶麟印小印

自洛至陝經鉄門寨寨外孤峰屹立有一夫當關之勢

甫振

八開吳季子挂劍處左角下敬士父印

吳季子挂劍處古木荒祠動人懷想

甫振

徐君好劍尋常事季子高風世所傾故國一坏無覓處却留遺迹在襄城荒祠古木勢槎枒向晚驅車落照斜莫恠按國無索處低空時有斷雲遮季子挂劍處應在徐州予乘軺三載無所遇乙未南還道出襄城無意得之蓋後人附會之說或以襄城屬許州古許地將徐誤許留此古迹亦可哂也是冊子均有題白此頁稍有論辨因附錄之

九開二陵左角下敬士父印

過穀陵風雨適至景與古會不可無畫

振甫

甫振

十開著草臺左角下慶麟振甫氏

陳州府著草臺面城臨水入夏荷花萬柄景極清幽

慶麟
振甫

十一開臥龍岡左角下振甫畫印

臥龍岡離南陽府城不數里武侯祠踞岡之脊正殿為艸廬再
後為甯遠樓之東有三顧堂岡不甚峻而蜿蜒複互莫窮其

起伏之際甯前有地數畝平如掌相傳即武侯躬耕處

慶麟
振甫

十二開扳倒井光武祠右角下振甫畫印

裕州三十里扳倒井為漢光武遺跡井旁有光武祠祠有小園
園有堂曰玉照庭有婆提樹一株枝幹扶疏數百年物也

石鼓
硯齋

十三開虎牢關左角下慶麟振甫氏

虎牢關形勝如是壁間土穴皆民居也

慶麟甫

十四開淇澳右角下慶麟振甫氏

曉行淇澳風景清絕特未見猗猗菴竹耳

振甫

十五開清化鎮左角下慶麟振甫氏

淇園菴竹乃在清化一鎮碧雲弥望如展萬竿烟雨園

慶麟

十六開沁水右角下慶麟振甫氏

經沁水道中得此佳境

振甫楊慶麟

慶麟甫

余於同治丁卯典學中州乘輜三載凡兩河名勝處十沙六七暇日追寫成圖共得十六幀惜未一登嵩少訪石闕漢畫為冊

中增勝耳 庚午十月望前三日振甫手志

振甫

瓶麓齋臨天瓶梅花冊

紙本十二開高一寸一分潤九寸三分天瓶原冊題白見前
余頗愛之因乞臨此冊各頁有振甫臨古印一開有趙古印
四開有瓶麓齋印

張文敏梅花詩畫冊光緒乙亥夏日振甫為伯英對臨一過

慶
麟
甫
振

瓶麓齋臨南田山水軸

紙本水墨高一尺四寸潤九寸四分一峯屹立荒城一角浮
屠中峙松林外環意境極為幽奇左上款

偶見南田此本對臨一過略存形似時光緒丁丑八月七日振

甫麟并識

振甫
畫印

麟

瓶麓齋臨麓臺山水屏

紙本六幅每高二尺五寸二分濶九寸九分
一幅仿松雪設色青綠翠巘雲橫清溪路遠叢林茂布水榭
深藏右上題左角下無憂樹下印

仿趙松雪松溪僊館

此天下春
歸之肺腑

一幅仿房山設色雲峯渾厚樹木華滋蒼潤之氣蓬勃帝上
右上題左角上長題右角下敬士

仿高尚書雲山

畫道筆法機趣至元人發露已極高彥敬趙松雪暨黃王吳倪
四家共為元季六大家此皆得董巨精髓傳其衣鉢者也余苦

心三十餘年終未夢見茲就臆見仿各家大意以自驗其所得

未知境詣如何

如瓶室

一幅仿子處設色峯巒濃鬱魄力雄渾筆氣崢嶸局勢開拓
左上題右角下澄秋樓

倣黃大癡筆意

不瀉

一幅仿梅道人水墨層巒起伏叢木高低筆墨沈雄氣息深
厚左上題右角下信天

倣梅道人筆

煙舍

一幅仿黃鶴山樵水墨巒稠疊草木深濃筆墨淋漓氣韻
古厚右上題左角下松陵楊氏子振甫信印

倣黃鶴山樵丹臺春曉筆

業楷于勤

意在丹邱黃雀青藤白石之間

一幅仿雲林子設色溪山一角竹木數株設色古淡用筆大方
右左上題印首五岳起方寸左上自題識下角前身應畫師

倣倪高士設色平遠 康熙癸未清和月上旬麓臺王原祁筆

中
印
臺

偶從友人處見王司農仿元六大家真蹟借歸臨寫匝月而成
筆端金剛杵固非淺學所能髣髴存此以誌一時眼福云尔

咸豐丁巳八月振甫楊慶麟識

慶
麟

振甫
書畫

外舅山水天資極高出筆即與司農相近故生平極嗜麓臺
畫偶有所作一意臨摹惜畫不多作大幅尤少應酬之筆大
半花卉忍後人不待見也余所藏數種俱係精品而臨司農
六幀乃中年用功之作生平無二尚有扇頭數頁花卉山水
亦稱精妙另裝一冊茲不具錄偶檢所藏龍石先生刻印一
方曰振甫畫印上鐫長歌附載于後以見此錄終此非同阿
好而先生付託書畫心亦藉以稍慰云

婁東畫學司農王南宗赤幟一軍張跨越有明三百載直登

元代房山堂樵拾造化叢毫楮橫埽筆陣孰敢當善戰斂鋒
不逞強點苔皴石泯痕迹墨花庚子起豪芒渾厚峯嵐雲蓮
勃華滋草木氣光昌暗泉無聲石蒸韻古樹有風帝生香遠
希高士石田沈近挹西湖奚九岡時史雖衆何足數士夫不
与匠輩行可惜世鮮明眼人願子自愛善刀藏振甫昔在
未冠入小學時即喜塗抹作畫余見之知其天付斯筆彼時
以舉業功課為要務不勸其旁及繪事也庚戌舉進士旋入
翰林今冬假省南歸聚晤一室袖出山水一卷專師王司農
兼得沈石田吳仲圭法諦玩為之神王古人所云特健藥信
非虛語也漫題七古一章誌喜壬子仲冬之月

是編錄竟承 陳芟師見昇書畫精品數種並記于後以誌

不忘

查梅壑古木寒鴉軸

紙本水墨高三尺四寸一分潤一尺一寸四分枯木三株寒
鴉撩亂筆簡而老墨淡而腴款左上

古木寒鴉 梅壑老人戲筆

查士 梅壑氏
標印 字三瞻

王石谷仿高尚書山水軸

紙本設色高二尺八分闊八寸九分邱壑渾成林巒清潤山
居一簇飛泉下瀉溪光雲影俱在筆墨之外石谷畫中最為
深厚之作右角下來青閣印款左上印首上下千年

膏雨初晴 癸巳小春仿高房山筆意 耕煙散人王翬

王翬
之印

石谷
子

王石谷仿柯丹邱山水軸

紙本水墨尺寸全上巨石高下竹樹蕭疏溪水空澄遙山一
片筆意淡遠而極蒼潤石谷逸品也左角下來青閣印款左
上印首上下千年二幀當是畫屏散佚者

清泉白石古樹修篁 癸巳小春仿柯九思筆 耕烟散人王

翬

王翬之印

石谷子

董東山秋山疎樹軸

紙本水墨高三尺七寸闊一尺六寸九分中豎一峯遠山競出疏林夾水臺榭參差筆墨鬆秀而蒼老較異平日之作左角下徐衡審定金石文字圖書款左上

擬張貞居秋山疎樹 七十二叟董邦達作

邦達私印

澹

華秋岳山水軸

紙本羅紋高三尺六寸五分闊一尺七寸二分山石突兀溪水平鋪坡樹丹青雲峰香靄一人扶杖背立看泉筆墨滋潤迴異恆溪布衣生山水之精品也款右上

布衣生寓於研香書舍

布衣生

陳老蓮花鳥屏

綾本設色高五尺八寸五分闊一尺三寸四分
一幀玉蘭一樹上息一鳥石邊牡丹一朵羣雀結團飛噪款

右上

谿山老蓮洪綬寫

蓮子 侯章

一幀秋葵菊栽植于石畔葵花生二鳥石根下二雞雌雄各
一雞四又雞冠花二莖所謂加冠也款左上

老蓮洪綬寫于深柳讀書堂

蓮子 侯章 陳洪綬

一幀芙蓉滿花一鳥立其上石邊上一鳥一類壽帶鴛鴦浮
于水面翎毛蒙茸花草豔麗款右上

丙戌上元洪綬畫於定香橋畔

陳洪綬

一幀花類紫荊鳥類鳬鷺一鳥飛翔尤斑斕可愛款右上

丁亥清和畫于山陰誨堂 洪綬 綬 章

一幀柏樹一株下綴翠竹幽蘭一鷹立樹幹一鷹在上反瞰
淡墨渲染古雅絕倫款左上

洪綬 蓮子

一幀高松蟠曲二鶴集其上根生芝草二本松釵細密鶴羽
翩跹款左上

老蓮洪綬寫 綬 章

張桂岩花卉屏

紙本設色高五尺五分濶一尺三寸五分
一幀玉蘭一株牡丹二朵石邊草長紛披款左上

玉堂春富貴 仿大滌先生筆意 張桂岩 賜章

一幀新荷出水花蓋參差款左上

風定池蓮自在香 仿清湘道人筆 張桂岩製

賜宣
圖章

一幀丹桂滿樹幽蘭一叢開于石上款左上

蘭桂偕芳 張桂岩畫

賜宣
圖章

一幀菊花黃蕊二種雁來紅一莖皆依石畔款右上

寫秋菊有佳色詩意于十三峯草堂 滄洲張桂岩

賜宣
圖章

一幀石壁倒垂芙蓉數本觀以蘆花款左上

芙蓉生在秋江上 仿大滌先生法 張賜宣製

桂
岩

一幀黃梅竹石畫法淡雅款左上

竹外一枝斜更好 擬白陽山人法 張桂岩

賜盜
圖章

劉石庵詩翰橫幅

紙本高九寸五分長四尺四寸四分一接行楷書首行題讀
秦中游草和韻第一二首不密廟滁州五律二首滁州下註
非題所有誤入三函谷關四潼關俱七律五郭汾陽故宅七
言絕句六韓蘄王故里七律共詩六首題下東武大印鈐縫
東武長圓印上有石仙偶藏印下有愚蓀珍藏印此幅筆意
虛和仍有古拙之趣相國經意之作也下款一行

東屏大人正 弟劉墉稿 庵石

甲辰正月松年補錄



澄蘭室古緣萃錄卷十七

古虞 邵松年輯

碑帖上

漢魯相乙瑛請置孔廟百石卒史碑 明拓本

漢隸不著名氏碑在曲阜縣孔子廟同文門西側洪氏隸續碑式云碑十八行行四十字兩元嘉三年及永興元年皆平闕司徒司空府及讚曰六平闕第八行制曰可高出一字司徒公司空公題名在制曰可雒陽宮兩行之下与碑之下一字齊此拓紙墨甚舊与錢樸漢縮臨漢碑本校之首行除原缺三字又缺末一繫字藝孔子作春秋五字缺其半勉秋經演易五字微泐二行缺末卒史一三字事無常置百石六字微泐三行缺末故事辟雍禮末六字對字微泐四行原缺二字又缺豕雞二字監南尹牛均微泐給羊泐大半五行原缺二字又缺吏備二字聖象用衆四字微泐泐牲長欲字泐大半

六行缺出王家錢給犬六字敬相二字微泐七行故事下悞
空二字第一首字聞字微泐八行三字司徒公題名泐存河
季高三全字九行題名上六字均泐小半存字意伯三全字
十行缺選其半卅以上六字壬寅下字皆微泐十一行宗字
泐歸泐其半十二行缺壇叩頭死四字長史散言四字微泐
十三行缺以上經通一五字人器卅藝雜五字微泐十四行
缺孔曹史孔覽等六字書孔憲均有泐十五行缺惶恐叩三
字經奉除蘇補狀牒頭死均微泐十六行三字十七行缺屯
人矩三字政字微泐十八行始字下原缺一字孫麟二字泐
其半石口泐存一點共裝十五開又半每六行行六字葉跋
半開第一開有王任堂父鑒藏石刻之章葉汝蘭舊王致望
三世寶藏蘇隣鑒藏四印四開有王鯤世寶一印七開有金
農之印壽門二印八開王楠之印任堂父二印印間存半古
字審是三行故事之故泐其半悞裝于此又任堂三十年精
力所聚一印十開有王任堂所藏一印十四開有王壬澤印
一印十五開有勾山鑒定一印末半開有鄒江李氏文房宗
本王致望寶藏三印前題簽隸書漢孔龢碑道光三年十月
張廷濟張未未印

右魯相乙瑛置孔廟百石卒史碑紙墨甚舊下字搨一等為
翠墨中無上神品隸法以漢碑為極馴而各碑皆出式奇莫
有同者如曹全之清超韓勅之變化史晨之謹嚴而此則以
雄古勝觀其開闔動盪處全以神行有游龍戲海黃鵠摩天
之致噫觀止矣蔑以加矣道光壬辰中秋與靜石先生譚款
於西城百花庵王氏因出盛澤旭樓尊丈所藏諸碑見示相
賞竟日幾同山陰道上應接不暇書此誌之

壬申冬秀水杜文瀾借校一過楮墨甚古明拓無疑敬誌眼

福話兩樓碑帖目錄尚載有龍石先生一跋冊內失之補錄于

後辨犬字蒙以為極當也

右漢孔廟置百石卒史孔龢碑古搨最精本也為王氏話雨

樓中世藏漢碑傳至近時多滂漶難讀此碑完好僅剝損數

字因在曲阜孔廟得人護持非深山曠野厯敲大礪角之
剗者可比翁學士兩漢金石記詮釋文中給犬酒直犬字謂
即龢字省龢為友又省友為犬云未免穿鑿古者牲牢犬豕
並用禮記士無故不殺犬豕此用犬之明證也碑文又云給
牛羊豕雞上文給犬酒直亦是順筆成句其用犬字原作牲

字解耳此學士偶然意見之偏後生不敢承順也道光庚寅
小暑後二日

來齋金石刻考略云碑後小刻楷書云後漢鍾太尉書字嘉
祐七年張穉圭按國題記永興桓帝號也鍾太尉獻帝初始
為黃門侍郎距永興且四十年非太尉書明甚不知穉圭所
按何國也按此冊此題小字已失去

予於城南君實觀察處得見此碑舊拓携歸對校一行繫字
存上半二行末有一字三行辟禮末三字存小半四行豕字
微泐五行備字尚可辨六行出字上半存七行略同八行下
題名字字泐上半九行下題名多一都字十行冊字左上微
泐十二行壇叩頭死雖泐皆存末之字亦可辨十三行以上
經通四字僅微泐一字尚可辨十四行曹史等三字微泐上
孔字下覽字均可辨十五行惶恐叩三字存恐字泐較甚十
七行屯人二字泐屯較甚十八行始字口下尚有微墨第一
行孔字左下尚未泐完兩冊俞本當略前而拓不及此冊裱
上略損然此冊之缺字非全無是裱帖者不知因其模糊翦
去以致三行半故字悞裝八行題名之下故得舊拓碑片付
裝時必須屬其將無字處裝入以便考證若短碑誌石以不

不翦整託為尤妙也

漢魯相韓勅造孔廟禮器碑 明捐本

隸書不著書撰姓氏碑在曲阜縣孔廟同文門西側牛氏金石圖云碑正面十六行行三十六字第八行皇戲統華胥高出一字前十三行是碑正文後三行則韓相名氏暨出錢諸人名氏與碑套碑側相連屬者也碑套十七行：皆三列碑側左右各四行右側四列左側三列陰與側皆有增書名氏故參錯不齊此拓與棣溪縮臨本對校首行末一字原缺永壽二三字俱泐大半惟大古三字微泐二行孔俱兩道字泐大半聖自莫思時五字微泐三行宜字泐聖親所民并茲均有泐處四行聖道于是四字有泐處食粮二字墨濕尚可辨五行觴作二字泐大半廟字月僅少泐六行下字上泐痕頗大奢字筆細僅可辨七行風字下半泐共字泐大半德尊二字旁均泐之思之字末泐處極細八行制字泐上一制字及大王二字皆有泐九行獲麟以來四字頗細未乾載三字均微泐十行三氏族連越絕禮均半泐陽侯知與於穆六字

已細十一行更四二字泐甚朝字泐其右半餘字多細十二
行紫存一筆上半行字皆細十三行運字已泐刊字第二赫
字泐其半十四行至十六行皆題名三列以上正面十六行
裝十六開每六行行六字惟第八行皇字剪去陰側題名共
裝十九開首頁上有仲英所藏吳恆印信中英父之口珍藏
老九五印下頁有華亭長一印七開上有仲英朱文印十六
開有仲英白文印廿八開有梅花老屋印未開有曾在吳仲
英處一印後跋一開楊題在副頁上帖面為紫檀廂老枿製
極精上刻漢魯相韓勅造孔廟禮器碑隸書下摹玉和氏金
峯山莊二印

乾隆甲辰秋八月上旬泰日潘奕隽觀于京廬之蘧廬
予見孔羨不下數十本近復于琉璃廠得江南顧南原藏本

皆不及此本之舊可寶可玩

翻如室印

甲辰七月以予舊藏本并昨新得馬半槎本与此細對無豪

髮異皆舊拓也

公簡

味辛齋中韓勅孔羨二碑並與遊齋所藏相侶北平翁方綱

識

韋小蓬
雞閣

崔翁先有舊拓韓勅碑正碑贈沈仲復中丞陰側贈予今又

得小蓬萊閣全本何碑緣之深邪聞此與孔羨碑同藏一家
故潘翁兩跋及之惜未同購然已得龍頭不問鱗爪矣癸巳
五月楊峴題

齋

漢郃陽令曹全碑

國初捐本

瓶麓齋舊藏

隸書不著書撰姓氏碑在郃陽縣明萬厯間出土正面二十
行行四十五字金石存云碑銘辭後空二三行許然後書年
月一行又復書于行末今捐工惜紙別捐年月一行不知當
置何所予見舊拓未斷全本乃知其式如是金石記云碑初
出時止缺一回字後乃中有斷裂又後乃乾字中日有穿連
之直畫矣今日得乾字未穿者為舊本又咸曰君哉咸字咸
內口上一畫是彎曲倒折之筆今石泐而其旁一小直畫不
見遂成二小橫畫矣此冊已中斷因字尚存左一角乾字未
穿咸字隱隱可見彎曲之迹字雖間有泐處而拓法精良神
氣完足誠善本也裝十八開每八行六行首葉上有龍石
所藏印末葉有吳江楊海金石妙品楚航逸民三印又岳飛
一印乃舊印隨意鈐上者碑套題名裝六開兩拓配成帙色

不同

曹景完碑陰共五列處士河東皮氏岐茂孝才二百為頂上
左角獨標題漢世最重處士也拓碑工匠每惜帑從二列
起處士一行多缺失焉此冊余集湊至四五年之久得配成
完本道光十六年丙申六月十九日未刻北牖稍有涼風校
閱一過第三列為潢匠所誤裝者注明空處隨識數語以適
一時之興云

枯楊子龍石

楊

右余庚戌冬跋尾越二年再至京師從慈仁寺市買此碑石
已中斷完好者且漫漶矣更歷數十年必又艱此碑為難得
以上錄朱竹垞太史續題曹全碑後語按太史年誼康熙十
一年壬子四十四歲跋中所云庚戌是前二年也据此則碑
斷在康熙九年之後矣此本雖已經斷後之拓而字尚無漶
漫墨色精銳亦屬難得之品余從故家買得今夏又配完碑
陰允稱心賞丙申七月望日展閱一過既錄朱跋復記數言
並考準碑斷之年

楊

漢曹全碑出于郃陽之莘里村明萬厯中得之其石完好止
缺一因字無書撰人姓名俗謂蔡中郎者以其文格似漢又
為八分體也碑陰有市掾曹史督郵嗇夫三老將軍令史門

下祭酒諸人醵錢鑒石蓋亦去思遺製 右錄鈕玉樵觚觶
一則 戊申七月廿一日病叟 舒

道光三年癸未夏仲有故家以此曹景完碑出售審之為明
末清初搨本第廿二字乾之左半尚未鑿通遂得而藏之原
無碑陰嗣後寓郡垣適見碑陰而仍未全續又配全付裝工
附之乃為完碑弄置篋中甲辰孟冬病中風歸家遂不復出
門一步迄今五年病日劇而精神益衰秋暑無以遣悶檢篋
中見脫漿零落力疾粘連又可支持四五載厥後重裝望諸
後人余不待而見矣 戊申七月廿三日記龍老人
咸豐元年辛亥四月廿七日晴霽耀目暎風入裛展閱一過
識之衰憊已甚未知更有幾回寓目也 七十一老人解楚
此碑新拓者漫漶已甚似此初斷舊墨本殊不易覲同治己
巳夏在汴梁得見一本楮墨尚精好索值六廉曰幕友劉容
伯愛不忍釋遂讓其購得 壬申暮春展閱偶識振甫
余收漢碑極少瓶麓齋六無多蓋近廿餘年來都中如盛伯
西王蓮生諸君子竭力撙羅每得一舊拓動輒百數十金甚
至一明拓婁壽碑需直三百金力亦不能兼購也所藏各種
類多嘉道間拓本惟此三冊較舊錄之以冠焉首

唐歐陽率更九成宮醴泉銘 宋拓本

率更醴泉銘。虞舟先生稱其風骨內柔神明外朗清和秀潤風韻絕人。自右軍來未有能及之者。而醴泉銘乃奉詔所作。尤是絕用意者。比於邕師塔銘。肅括處同。而此更朗暢矣。此冊淨自鉄嶺李氏勤伯缺七十字。濡脫精良筆畫肥潤的為南宗精神。拓惟字畫泐處間有描損之病。不無可疵。然完好之字精神異常。誠佳本也。裝廿七開。每六行行七字。第一開上有儉德齋珍賞印。李慎審定。廷尹家藏。農山過眼。下筆如有神。五印末一開上有沈周寶玩。白石翁虎林諸仲思鑑定。石刻白下馬菊邨鑒賞。柏蓀清貺。李氏收藏。金石文字子孫保之。鉄嶺李氏家藏共八印。前副頁兩開題楷法第一四大篆。光緒丙子秋七月既望。題于青門郡齋李慎款。嘗論初唐人書多有北魏風格。如褚河南伊闕三龕碑。歐陽信本醴泉銘。魄力沈雄。篆隸遺法尚未盡泯。少陵詩云。書貴瘦硬方通神。此開元天寶時風氣證之。古法未為確論也。惜醴泉銘椎拓日久。僅存駁骨不絕如綫。肥本殊不易覲。勤伯都轉西藏。宋拓本雖有缺字。而神采宛然。與當世所傳瘳本。

判若天淵洵可寶貴 光緒丙子人日吳縣吳大澂獲觀于
長安旅舍 吳

予嘗論歐陽信本書如節制之師快劍長戟步武森嚴凜然
有不可犯之色勤伯詞宗得醴泉銘舊拓命題益信前言之
不謬趙子固推為唐楷第一有以也原石久毀此本尤為僅
見而窗展玩如觀八陣圖雖殘石數堆而風雲常為呵護令
人慨念武鄉侯不置也光緒建元晃北宮爾鐸書 龔墨
宋趙子固評率更醴泉銘為楷法第一語極允當王弼州謂
此帖為道勁婉潤孫月峯謂為整潤多姿二君之意蓋以灑
之一字不足以盡歐陽之能事也然剛健端莊法也何那流
麗亦法也惟神明于法之中斯變化於法之外率更此帖姿
態橫生而有不可犯之色兼人所難獨臻其妙此其所以為
楷法第一款予獲此舊拓於關中裴既竟因以子固語書於
端 光緒丙子秋銖嶺李慎記 李慎伯

唐歐陽率更九成宮醴泉銘 宋搨本

楮墨濃厚鋒穎宛然惟蟬蝕描摹殘損將半予既得之粘連
補綴始付裱池完好之字約得十之三四其摸不成字暨覆

刻所補或以原石舊拓別行之字補于此帖所缺者悉校出
附裱于後譬之岐陽石鼓剝蝕不完就其完好之字骨月傳
勻筆畫斬截實是北字精拓千百年後得見率更真面者賴
此耳裝得二十四開每八行行六字附二開末一開有長洲
小宗珍藏圖書天官家藏愚亭曾觀蔡嘉賜硯齋宋氏葯洲
收藏方亭書畫壽圖南真神注共十印後跋十七錄八
此九成宮歐字榻本宋佳見者咸嘖嘖稱道不置但筆力古
勁峭拔後人學之無從下筆率更書所以學者甚少予罷官
里下靜息齋閣爰披斯帖潄擬臨池而荒無畔口摩娑竟日
逡巡輒止因口笑還自愧也遂援筆志之 康熙四十九年

九月立冬後慢亭宋大業

國初好尚歐書此銘已推竭後有形似而神氣久已索然見
之者常以拘方而却步昔雞林遣使求書率更名重如此顧
千百年後忽有愛憎取舍之殊豈書有幸不幸歟亦無善本
故也前年見小山嘗言廣平家藏此稱羨不已今果得之特
遣人隔江示余初視其墨色韜藏蟬痕錯落一種古香入髓
知為宋物無疑再視之筆畫具全肥瘦弗失險勁之中有渾
融虛靈已極故縹緲所以盤結分布者真精神真意態無不

具存又知其非北宗無此善本及反覆不已恍若神游貞觀
而用筆遲澀峻疾之妙如或見之且此一家書實鎔力於篆
隸章草然後得之宜乎論之者謂羊欣薄紹之以後略無勃
敵其子通亦有所未及也吾恐見此者將摩肩爭席以前彼
厭其拘方而却走者誰乎至誦魏文貞序銘詔含規諫因歎
古君臣之相得抑何盛歟余愛未忍釋第量其珍如拱璧未
敢久留書其後以歸小山印可 乙巳歲九月廿一日山陰

潘宣識

中

歐書九成宮佳榻存人間者日少國初購一本值五十千與
推竭後形似相去懸絕蓋經兵火銷亡蟲魚蝕爛年代漸遠
典型漸疎生我後者尤難覲面可慨也此本吳門葑洲宗伯
宗公所藏南衡兄以余姊舅之戚庶肯借觀余昔見之宗伯
案頭撫玩不已茲得摩挲三載朝夕相對如蘭馨一室臭味
逼人惟是資鈍筆拙臨摹不得其萬一若其精理貫注神味
虛靈益知此書方中見圓之妙斯亦變化善相者矣乙巳冬
南老自湖南寄書來索是帖予故不忍捨幾有米顛淚滴蟾
蜍之嘆意在于奪而不敢明言乃次東坡仇池石詩韻二首
寄之其年臘底過毗陵忽於某家獲見善本售之且易較廣

平本紙墨稍遜而鈎勒字畫完缺按之無不脗合噫得此其有神助耶凡人精神到極摯處好之不已固有不求而自至者物聚於所好自古皆然予既獲善本且喜且誇再次坡公仇池石詩韵二首寄南衡于京師蓋悔前詩之失而取信於吾友也今年丙午九月吾友自京師暫還吳門過京口與余相見甚歡問帖何在因取兩家藏本較閱竟日南衡曰世間好物原是流轉茲帖之守非爾非我毋論歲月遞相傳玩可乎斯言也即坡公詩云定心無一物法樂勝五欲之謂也君何見道之深耶於其返旆北上聊誌借閱始末以歸之幸勿為有力者作蕭翼故事耳

愚亭同學弟蔣宗元拜識

宗元之印

跋語曰帖後紙尾不足故敢書于前頁後跋乃山陰潘仲宣退翁所書其人閎博君子也渠老於金石之學与余交十數年八法貫穿篆隸精通其於碑版自歐趙錄外參考詁據却有卓識固亦寶愛廣陵藏本矣曩白下為余題化度帖舊本引劉後村此生凡事不須忙之句蓋以余為篤好歐書者書至晉唐石刻其鋒鏃不大磨滅即是至寶何必宋拓近秦人有携售昭陵十餘種殘碑并嵩山龍門所捐元魏北齊諸帖新奇可喜少擴見聞退翁又贈余梁始興碑是六朝人書開

盛唐風氣之先字多刊減其全者風神頓挫絕可寶愛奈予
塵役牽挽心志昏耗既鹵莽於學業母能網羅金石之文搜
奇剔怪以樂餘年手披是帖適增余愧

識

蔣宗元印

思山

小山居士宗元再

長句奉題南蘅同學藏字榻九成宮帖兼送之入都請正
書法守駿莫如跋東坡老人言非誣正書險勁率更令迴勒
勢緩何容愉金丹換骨豈其癯天機所觸清而腴要從筆底
羅珊瑚長安爭軌波斯胡石墨注探玄珠先民典型守勿
替乃君三折意象殊清齋畫蔭茗與鑪銀鉤璽紙腕力枯試
寫萬遍傳萬口練裙由此耀通都

宗元藁

宗元

吾家大父行皆善鑒古所收古書畫甲於吳中今僅百年散
失殆盡此帖元之已寶之六世宋氏之澤長矣茲將之官於
楚出以見示余想其豪奪巧取也惟屬元之以自立而已豈
獨為一帖計哉

道光九年四月願莼書於宣南坊之仁壽

硯齋

南雅

已丑歲作

銘詞追六代楷隸重初唐剝蝕存真本摩挲出古香不禁儀
翠墨弥願守青箱送尔江湖濶還須什襲藏

右宗拓醴泉

銘自閣學公傳至元之姪已六世非在澤之貽何能守此珍

異元之將赴官于楚瀕行為志此詩并贈其行也己丑二月
翔鳳謹識

字氏
于庭

道光己丑春元之表兄出示家藏宋拓醴泉銘諦觀之險峭
中有渾厚氣象古色古香真可寶貴注歲商邱陳氏曾示所
咸宋拓定武蘭亭神采如生人間罕覩今復觀此書精神完
好不下定武可云獲絕然潁川所藏已更它主而廣平獨能
世守勿墜尤可敬也爰跋數語於後
平江吳鍾駿敬觀
道光辛卯六月觀於鄂城廬次之看山讀畫樓
黃均

錄

唐歐陽率更九成宮醴泉銘

宋搨本

此拓予得之最晚而六宸完与前西冊校又最早仿明庫裝
得十四開有半每十行行八字惟已泐之字皆翦去是
一疵曰無題跋頗有疑之者或有謂為宋翻宋拓者不知何所
據而云然審其紙墨之古厚精神之完足實駕前兩本而上
之予笑時輩無真眼力專以耳為目或以多題跋為貴不知
題跋原可憑真本心自有不可磨滅處予故屢題之以為
是帖吐氣今盡附錄於左首頁上有韓霖韓氏兩公二印末
半頁上有高鎧之印介夫二印

此碑橫泐紋凡三中一條宋拓尚隱約不顯上一條自首行醴字至末行弗字橫斜三四分或六七分不等惜所見宋本非割裂即墨涂每苦不得其真下條首行勅字至末行持字北宋細南宋漸肥然其紋尚不連明初本則貫穿矣此本循麗等字雖略有墨潤之迹而固懷懷字一絲不泐以余所見宋本惟宋氏本末泐毛氏本記憶不清餘無不泐者則此為北宋本無疑也

古帖描摹最屬恨事然細思商盤周鼎歷數千年剝蝕磨滅不可辨識而嗜古者得一招本說為奇珍無他以其難獲也漢唐碑版一紙留貽將七八百年而欲其一無殘損豈易得哉松雪云昔人得古刻數行專心揣摩古人用筆度畫金針而必嗤其諸拓就其完好者悉心揣摩古人用筆度畫金針而必嗤其描摹誠其殘缺此直市估之見將以定所值之幾何而非士夫所宜計較也凡余所收古拓書後必痛詆其描損之失所以告將來而不惜重值以購之者所以重古墨若珍新拓而於古墨之稍有傷失者眎為無足重輕此謂不知古此謂不知書質之賞鑒家當不河漢予言

拓帝侶麋而極受墨此冊心与之同
骨董客過書畫古帖之有名賢題跋者注：割去另作贗本

置之於後以紿人余所藏諸名迹中每有之且有真蹟而蓋
名家收藏偽印者有迹真而跋偽者若非另具隻眼將盡顛
倒于市僧之手而貽笑大方故鑒古極難言也此帖初見時
人頗咎其無題跋者余細審紙墨決為北宋無疑特不應描
潤為此帖之玷耳嘗慨人抱負非凡終身不遇而求才者專
以人之品題採取虛聲實則未必真才也古物何獨不然能
必其盡遇乎果皆為精鑒家弄藏當不至墨損若是也且安
知非有跋而割去耶余於此帖轉以無多惡印為佳

醴泉銘字本余約見十本最早為宋雪颿侍郎本矣景流金
四字章谿先生指為唐榻者也後歸沈仲復中丞毛文達本
高勉之前輩段出照得影本帝墨不甚融洽未能如宋氏本
之淨今聞歸徐頌閣尚書袁文誠本南宋水墨拓不甚精采
翁松禪師本曾一見不甚記憶若王蓮生前輩所得景劍泉
閣學本頗少墀所藏缺首尾本黃董腴師所藏半本端午橋
藏本各有勝處然皆在宋毛二本下余之三冊李儉德齋本
極肥宋大業本與此略同而多蠹食傷不稱完璧當以此本

為最而又不免墨潤之迹甚矣古帖之難求全也若以懷字未泐論此本當在諸本之上若以蠶蠟之精論此本在宋之下毛之上餘皆瞠乎其後矣

宋氏本拓雖精而不免攙補之字矣景流金四字黑白分明翁之目為唐拓亦正不知何所據而云然也大凡古帖得名人攷据題識最足為是帖增重而是帖之不過名人賞鑒殆亦有數存乎其間予非海內大賞鑒家題識累增重耶唐突耶吾不及知姑以俟後之尚論者

宋拓醴泉銘世皆以肥本為貴此特年久碑口圓渾所致若北宋精拓固未嘗肥也然校之已經重磨之本則以肥者拓在先故儉德齋本予定為南宋此冊為北宋懷字未泐又其一驗也

昔人論宋拓者皆曰蠶蠟蓋以帑布石上濡濕以蠶蠟打則紙深入字裏待燥上蠟一層然後施墨則字銳鍛畢見雖細筆不受墨漬北宋精拓未有不用此法者試取宋拓剝泐露紙處或硃或墨點之隨以水滌去硃墨一絲不入此用蠟之明證也南宋拓則不盡然明榻極精者間亦有之蓋用此法也

光武光字四周白線或曰宋拓無之此大不然余所見宋拓
無不有其無白線者轉是覆本蓋沿宋本無之之說也此白
線非後人所加疑當時刻碑或因字誤或係石不受刻另以
石嵌補入初猶弥縫不見後漸露出至宋時已然矣此說曾
於前人跋語中見之至謂為金時所鈎者則無所稽也
胼胝胼字予所藏儉德齋南宋本并字第二畫中斷此本實
是一筆向嘗索解不得後與王蓮生所藏景氏本校亦是一
筆乃知儉德本之中斷乃墨污也且此字原作并省作并亦
無如此并寫法不必以此一筆聚訟也
吾弟驥膺得一本南宋水墨本字畫極肥而墨清太多精神較
遜在儉德齋本之下若袁文誠本向曾見之侶亦不及儉德
本文誠沒後曾為合肥張藹卿借觀携至王可莊前輩處頗
有攘得之意後不知歸于何處
近頗有并千金購宋拓醴泉銘者不可得予乃以此冊眎之
以無前賢題識為言知其為葉公之好也亟索歸什襲深慮
明珠之暗投耳戊戌長至

唐歐陽率更皇甫府君碑 宋榻本

石墨鐫華曰碑舊在鳴犢鎮今在西安府學戊子余君房督學作亭覆之丙申亭圯墜碑中斷碑故剝二十餘字至是又亡其五十餘字潛研堂金石跋尾云石已中斷損四十餘字下方剝落一片又失九十餘字銘辭漫漶不可識者又五六十字按金石萃編錄全文共闕八十一字乃據已斷本所稱三監本是也此冊未斷自首行碑字至八行匡救二字僅有一線泐紋故又謂之線斷嘗與裴刻本相校大略皆同惟銘辭上段裴刻筆畫細而皆可識此則滂漶有莫辨之字則此拓僅下裴刻祖本一等耳仿明庫藏十六開每十行行十字已泐之字都未翦去原為山右柳惺庵太史所得跋謂裴裱失神尚不甚覺或原裝極精米痛恨之至不無已甚之詞也首頁紙邊上有玄賞堂印帖上一印王字尚可辨末頁上有陽寶堯氏印又柳肇書印味舟二印王跋在後另頁柳書小字在帖尾餘帑上金書

按史稱歐陽詢於貞觀初拜太子率更令弘文館學士封渤海男此碑但稱銀青光祿大夫不書率更令當是高祖時所書而碑不書年者以皇甫誕為隨人其子無逸顯於唐隔代而追為之碑也古人下筆具有深意又史載歐陽詢卒於貞

觀間年八十五計其入唐已五十有餘此碑書於高祖之世
正其盛年之作清和秀潤丰姿絕世拓本雖有漫滅百十餘
字然蠶蠟精良古雅煥發正自有目共仰璫璣貴之矣
乾隆丁未嘉平月既望素園王游呵凍書後

王游呵

是帖務字未壞為線斷致佳本乃為工人裝裱失神殊堪痛
恨然即此亦屬吉光片羽矣洵可寶也甲戌夏日惺庵誌

唐歐陽率更皇甫府君碑

宋拓本

此本亦李氏儉德齋所藏有勤伯題簽曰宋拓皇甫府君碑
裝手極佳神采奕奕計廿四開每八行行八字銘辭末行已
泐之字剪去存永鏞二字機務二字未泐与前一本同首副
頁有中涵手裱印末頁上季口錢永紳珍藏一印無題誌予
綴一跋于後

壬午秋得山右柳氏所藏明公碑未斷本係仿明庫本裝書
案不便展開已丑之春復得此冊紙墨無異而此特精彩蓋
柳本重裝時為惡工所傷已稍失神矣攷此碑在陝西鳴犢
鎮後移西安府學萬厯戊子提學余君房作亭覆之丙申亭
圯壓碑中斷世稱線斷本當即丙申後拓本此固未嘗斷也

其碑字上一線泐紋原石本有故經亭壓即於此斷耳相傳未斷本參綜機務務字未泐者損尤先特不知務字係何時泐也虛舟先生謂此碑肥不臃肉瘦不臃骨觀于斯拓信然光緒辛卯九月四日

余在京師三十年見未斷本余得其二一為王廉生前輩購去丁酉八月展閱此冊目識

唐歐陽率更皇甫府君碑 明拓本

此所謂三監本也余藏三監本凡四以此本為家計裝廿六開又半每八行行七字校未斷本少五十字即中斷一條所泐者此五十字是斷後全泐抑漸次泐去者無可攷但所見拓本多如此當是同時泐失也洎後漸次剝落碑下段又失數十字三監等字六泐故謂此為三監本即金石文跋尾所稱中斷損四十餘字者蓋其中尚有存半字者故約略言之也若以萃編所錄全文所缺之字而論較三監本中段數行之字又似較完或所泐僅一二字猶可想見焉碑既斷于明季三監本之佳拓自皆出于明此前未斷本二帖或竟為明初所拓亦未可知特未見有再前者故悉題為宋拓今仍之

唐虞永興夫子廟堂碑 明拓本

原刻廟堂碑不可見得王彥超覆刻舊拓亦可想見永興風度此冊題為元拓當是明拓佳本也計裝廿三開每十行行九字雖永宣金石等字已泐而帝墨甚舊精神完足殆猶勝于李春湖先生所摹唐拓本

唐刻廟堂碑久亡五代王彥超所刻者為陝本所謂西廟堂是也出于定陶樹于城武學宮者為城武本所謂東廟堂是也城武本曾見一舊拓有韋谿先生攷證謂與康里氏唐石本細校三句以價昂難致因用殊于另本內略誌異同而錄存翁跋以備異日攷證此陝本之極舊者辛卯之春得于都門雖退谷侍御云不過存其郭廓然原拓不可見所藉以留永興規度者正賴有此二刻耳 光緒丙申清明後一日附錄翁跋城武本

此舊拓城武本也城武本見于雲勝伯集云定陶河決出此碑是也勝伯此文作于至正廿六年至明洪武十年以定陶併入城武縣勝伯所謂樹于學宮者即今山東曹州府城武縣學宮也方綱嘗手自摸拓此碑前後陰側無重勒年月然

詳攷之其所從來之原石本實在王彥超所刻陝本之前其摹勒入石雖不著年月而確係宋代所翻刻元代出河決沙泥中惜其石僅厚畫痕本細瘦今則更淺細矣嘗得舊拓數本尚皆不及此本此蓋元末明初所拓凡今所缺處尚皆不缺而其中又多殘失裝冊時用陝本補之然亦是二百年前舊拓之陝本陝刻一味圓腴而城武之清挺穩重却有足正陝本之處此所以有明吳下諸賢皆負精鑒見此本方穩有異于陝刻而城武此石世所罕見故此諸跋皆直以為唐刻原石本也唐本世所久湮雖嗜古博聞者亦未得親見愚今年春始得見元康里氏所藏唐刻石之原本古雅潤穆迥非陝刻城武刻所能企及既合二本細對唐石逐字校審詳疏其合離得失撰廟堂碑攷一卷矣適又獲見三百餘年舊拓城武本實亦近今罕觀爰為備記其中湊補之處俾觀者得曉然于城武石本可以彷彿問津唐石之遺意而又必須以愚所撰考校正之乃知陝刻与城武刻各有合處各有不合處此則是舊拓城武之為功非細正不必冒指為唐本而不得得見唐本耳

嘉慶十二年歲在丁卯秋九月廿有二日

北平翁方綱

此城武本舊拓初元西末明人王壽之壽之嘗臨顧汝和
許元復復碑文五峯張伯起起帖伯和校閱王百穀六跋三百年

前拓本二百年前題蹟雖極破損不可褫裝嘉慶丁卯秋
在翁方綱蘇齋旬月今年正撰此碑考信墨緣也

予題此帖之後七年復得借此與唐石本細對月餘此本與
唐本皆前後在予几案間數月之久與吾自藏何異信乎有

宿緣也何義門每憾城武本枯硬此特習見陝本圓腴未嘗
見唐石本耳今以唐本對之乃知陝刻太過彎圓且多尖纖

僵滯實不及此城武本方穩合度若就此本體格而講求用
墨再沃澤以潤穆之光即唐本宛然在目矣從此得由永興

神理以上追山陰斐几之秘是惟樂毅論元祐秘閣本猶存
真意而黃庭畫讚傳撫多已失之勿謂蕭羊以上風格去人

甚遠也嘉慶甲戌閏二月六日北平翁方綱時年八十有
二

唐虞永興汝南公主墓誌銘

宋拓本

此銘明萬厯間章氏摹刻于墨池堂帖中余見墨池覆本筆
畫與此無豪髮異其原拓未之見也此本名家題識皆曰宋

拓豈即墨池之祖本歟或有疑為米臨者然南宮書法本出
永興即曰米臨千百載後留此妙迹亦希世珍也帖缺首尾
方加起至天道祐止共得一百五字裱兩開每六行行七八
九字不等後跋五開有半帖前後鈐縫有張璪不設寒具張
璪所藏羨湖四雨莊四印前副頁上有張璪私印印極大又
竹葉篆中雲煙過眼之物張璪秘玩四雨莊小迦陵私印鷗
盟軒五印又四五百竿竹二三千卷書大方印帖上有孔繼
涑記前後二印跋上有張璪張圓印記珠軒墨妙小茅山人
審定孔繼涑鑒定章散直怡情張璪審定書畫神品之章張
商言書畫記永寶用昇元墨妙之軒珍藏共十印又重竹葉
篆一印板面上鐫宋榻汝南墓銘殘本一百五字十二隸書
下四兩莊珍藏小隸字五張璪四雨收藏二印此銘非唐石
列于廟堂碑之次援金石萃編例也

洞仙歌一首東吳張璪題

青山貞珉伴黃腸秘匣刻火宣

和受喧雜聽羶駝上已金暗陳倉如補綴行院老僧破衲
長眠緣底事歷歷珠襦點點魚鐙照封蠟絲素布芳猷擊鉢

儀刑初無奈沈憂奄溘便居士長鯨傲王維永一縷真香也
難報答

闕里孔繼涑書

繼涑

右虞永興書汝南公主墓銘內藝兼輦統輦字裝潢家強割作般革二字宗承議郎王寔藏右軍玉潤帖後有古跋令裝書人背剪却半跋皆唐若公也付理不可得匠人願陪四千知其竊真得金已多此輩債事今古同轍米老所以見法書名畫必手自背褫也庚寅七月秋暑甚熾揮汗識此

地三夜
吟此夜
東方白

備武列
王後

米顛書史記汝南公主墓銘起艸真蹟在故相張公孫直清處其後止貞觀十年十一月丁亥朔十六日旁小字注云赫、高門在裴丞相家是其銘等語此幅文但至半而止行下有空白紙猶空十一字此蓋卒日猶未言葬日安得便言赫赫高門元初在郭裕之處明時藏王元美家董思翁嘗及見之手撫二本無赫、字此真然之顛末也石刻不知始自何年文徵仲云元立嘗自言予臨汝南帖浙中好事者以為真刻石今觀此刻字勢長而肥頗類米筆又張氏本十六日下有闕文校之良是然無旁注小字雲烟過眼錄記郭本有米跋今亦不存蓋米喜臨晉唐書往、逼真而一時題記多略不錄況此帖世無別本必米蹟也今真然不知所存茲冊帝墨精好初榻無疑雖般革割裂可笑安知日後不與蘭亭敘

徐僧權押縫僧字誤作曾不知老之將至同一佳話也世修
又記李邕

汝南墓誌殘帖神采醇厚直似兩王迺永興得意書斷非米
顛所能攀躋蓋其筆力縱宕而又束以矩矱偏側取執處深
肖右軍瞻近帖神味而肥處直是智永千文永興在唐為第
一流人物茲帖又永興第一等翰墨也 乾隆乙未小春廿

有七日雪窗燈下書

永寬

南唐書

汝南公主志真跡在王弇州先生家往在京師友人以拓本
贈余遠過鬱岡傳雲諸刻然玩其筆法大似米老疑不能明
也後見米氏書史乃知果是米老所臨始信前鑒之不謬此
榻圓明如珠溫潤似玉展玩再四如與米老語語也 雍正

己酉夏四月廿有五日良常王澍

澍

米老書祖獻之其臨本與右軍相近者絕少汝南宮主墓銘
識者謂是海岳臨永興書靜潤矜貴酷似聖教序乃知古人

無不能也東坡書肥穠及再書醉翁亭碑瘦勁離奇一改舊
習所謂自成一家始逼真耳若隨人作計臨摹之伎又其餘

事甲中除日泊吳門張君瘦銅出此本示觀僅一百五字信
為米書則上義之高第矣何必補戈老子相許耶鉛山蔣士

銓書於竹葉庵

銘中裝池割顰字為般革二字陳跋引蘭亭壑縫僧字為喻
予偶記冷齋夜話洪駒父云款乃一聲山水綠本是顰靄誤
分為二字又清異錄南唐王建封不識文義族子有動植疏
俾吏錄之謬分鴈字為三變而為人日鳥矣建封人日開筵
必進此味二條特甚貼切題浣溪紗詞於左方古墨黝香
審永和細腰長脚可抄摩誰教劇斷玉山禾顰作兩開應似
此鴈分三截更如何胡盧一笑且由它 乾隆丁亥浴佛日

題甲午人日補書之

張翥山人

瘦銅舍人所藏宋榻汝南墓誌殘本裝潢者誤分般革為二
字後跋引蘭亭縫書僧字後人誤作曾為喻舍人自跋又引
昔人誤顰為款乃鴈為人日鳥二事而予又記一事此誌首
云公主隴西狄道人不知何時一本誤割公主隴西字遂沒
狄字讀起而鄭夾漈通志金石略遂直曰虞世南書狄道人
墓誌下云未詳此事更相類漫賦二小詩於後 第三可補
新書傳誰道紅綾幅未全筆髓一痕窓日影認來恐在米家
前 戈波有幾落塵寰成削虛無窈窕間何處道人真姓狄
玉扁金闕與仙山 大興翁方綱

公甫 正三一
古綱 字忠敘

吾邑舊有汝南墓銘一石相傳由真蹟摹入不知卽弇州家藏本否今石存嚴氏曾拓一帋字已細甚与此冊校規度大致無異金石錄補云近于常熟錢遵王處見宋拓銘文皆全叩碑題之次有諮議參軍柳顏言釋智果祕書監虞世南書三行又改添三字古本之妙如此然吾邑石刻實至十六日止並無銘文則是另為一本今者吾復携此帖歸來吾邑与公主抑何緣之深耶

金石萃編云文曰塩酪無𦣻字書無塩字說文𦣻嗟也廣韵𦣻嗟憂聲也集韵𦣻听笑也一曰啼不止諸說不同皆與塩酪文義不属禮雜記云功衰飲水漿無鹽酪不食食鹽酪可也此當是鹽酪二字書鹽為塩訛為塩也則𦣻疑是滋字之別體謂食鹽酪無滋味也正與上句繭繡不襲意相合遂戊傷生之性玩文義戊當是咸借為減字謂毀滅性也

唐王知敬衛景武公碑

明拓本

此碑無書撰人姓氏金石錄定為許敬宗撰王知敬書然碑之下截磨滅無可考相傳第四行金石二字未損者為舊拓

龍龕二字未殘者損尤先卅三行班劍卅人卅字完好者明
拓善本也多字無算此冊金石龍龕四字俱無損卅人卅字
殘失取後拓本所補較嘉道間拓本多二百餘字就楮墨完
字而論為明初拓本無疑後半殘百數字以後拓補完卅字
適在內少一證據可惜也帖衆廿七開每八行行八字首頁
汪直清蓮君父二印末頁顧烜印秋鑒氏二印又二印不甚
可辨角下有植青一印竊謂唐初諸碑皆有虞褚筆意此碑
尤秀勁有六朝遺法宜與磚塔銘共為學楷所寶重惜近今
泐字日多亦少精拓似此舊本殊不易親也
衛公碑在昭陵諸碑中書法最為韶秀磚塔銘外罕有能及
之者前代不甚重之故剝蝕極甚而舊拓亦少考據家亦不
能詳其殘泐之年月我朝應制多重小楷此碑勁挺娟秀
館閣諸賢每家置一冊得一金石無缺本已交相矜重此帖
為東河李別駕名寅所藏辛卯視中州學至汴梁知余嗜古
拓挽傳之範携示余求善價之範以不諧謝之李云第携觀
必不以謬妄責余乃損七十五緡得之顯為宋拓實不及明
初拓本無疑也余生平未見第二本

唐敬客王居士磚塔銘

國初拓本

龍石先生跋磚塔銘云石出土于明萬厯間在郃陽縣山中石質甚薄初出土時即碎其一角舊時聞藏郃陽官庫後不知何故移入郃陽城外康氏家中道光初元嘉興人沈名應形號味蔗宰郃陽從康氏捐數本每本酬以朱提四錢次年沈奉檄差出董姓者署令長從康氏檄取殘石仍存諸庫癸未歲回任郃陽則石在庫焉石次第破裂始碎其角繼斷為三又破為四最後作七塊近數十年又佚其二焉道光七年間因石湯漣已甚重加剝鑿骨格盡失其真矣據此本說磬以下文俱全雖缺徽猷吁其嗟等十字是殘佚非剝泐也當是斷為三出以後拓本不知前二出又何以不招相傳為說磬本以此耳帖裝三開每八行行八字未開止五行筆畫尚肥帝墨完好下全文一等先大夫得于新安

唐敬客王居士磚塔銘

國初拓本

此冊六說磬本予得于京師為靈石何氏所藏拓法用墨微淡精神完足六無缺字善本也獨怪此石碎後何以不置一

處致令拓其一而遺其二若謂裝時所失何以兩本皆缺其
前若謂石已佚去何以後拓五塊者雖佚其二又有前數行
中數殘字年湮無攷無從索解矣帖裝四開每六行行八字
按此銘十七行行十七字說聲前缺六行得十一行字一百
六十三剝泐者十有五都一百七十八字

敬客磚塔銘二十三行與大令十三行誠為殘帖中兩美稽

古竺主人書田題於武林學署
余家舊藏磚塔不全本去歲書室不戒于火藏書萬卷盡付
祝融此帖亦隨化去心常耿耿今見此本與余所藏帝墨神
采不差紫黍急以十三金購得閑窓展玩如故人久別偶尔
相逢其慶幸豈有既耶 己卯閏四月春民何熙續記於月
波舫

何熙
續印

此帖於歐雲褚薛外自樹一幟近時若郭蘭石林少穆諸公
皆學此筆法而挺秀之氣則十猶未得一也於此可見學書
之難 道光初元二月花朝春民重跋
說聲殘本為先伯春民公心賞後以畀宇迄今四十年矣其
原石在道光初為俗僧捶而為五僅存廿餘字此拓在嘉慶
末已屬無上妙品而今視之不啻球園洵非誣也同治六年

冬受山四弟歸里今將還京檢此帖付弟其珍藏之 同治七年端陽後三日福宇謹誌

瓶麓齋藏一冊計六塊靈芝製文一山存九字魏字少泐靈敬樂縷存數筆觀字僅存一鈎二山存四字敬字存大半三山存七字勤字少泐其剋二字存一二筆四山即說罄一大山存七十七字內之路二字微泐窟觀二字尚存小半五山存十五字內寢月吟潤于僅微泐精一方始悲存半字寶運存二三筆六山存十七字焉存小半欽字留起一二筆共存一百廿九字少泐者三字其存小半及二三筆者不計共泐一百三十二字較說罄本少四十六字內第三山字畫頗肥而說罄一山獨瘦疑後來配入者亦皆精拓不多泐之品也與舊拓唐造像殘石同裝拓亦甚舊

丁酉至蘇臺此裏太史出示未碎時所拓全本帝墨燥濕筆畫肥瘦與此本悉同歸來訪泐趙君堅處亦藏一全本迺惠甫先生舊泐亟注借歸對校則腴潤有餘而間有一二板滯之筆疑仍覆刻中之佳本也一塔銘耳真贗難出幾不可辨非見原石舊拓其何以別耶

唐沙門懷仁集右軍書聖教序碑 北宋拓本

宋搨聖教序自明以來為世所重王虛舟翁覃谿兩先生考證極詳此冊為郭允伯松談閣所藏跋見金石史後歸朱紫來先生續蠟精良流傳有緒前後諸跋多國初名人允伯先生校出移補十八字將軍之將訛孟蟾先生續校得移補八字忽見之忽重予既得之復陸續校出四十五字合之覃谿先生指示二字共移補七十一字更有以原處補原處如三開却而二字十二開未開昨製厚顏六字皆為原石宋拓非悉心體玩無以辨之久植勝緣字泐未及糸旁自是北宋精拓帖裝廿六開開八行字不計首開上有商邱宋華書畫府印米漢雯紫來素納孟蟾栖霞僊館珍藏覃谿審定蘇墨緣黃茂崇恩審定王篤私印李氏意西李慎審定共十三印又一印不辨帑邊上儉德齋李氏墨緣二印末開上有王鐸覺斯秦伯敦父張玉書素存氏圖書寶軸時開心一洒素納孟簷牛坤私印覃谿審定黃茂董洵吳榮光印少華王幼海審定韓城相國文端七孫殷壽彭印寶珊珍玩玉牒崇恩栖霞僊館珍藏李氏意西宮爾鐸印農山墨賞李慎宋定智

口共廿三印又一印僅輯一周字希邊上遼東李氏長宜子
孫二印十一開序文下有玉牒崇恩寶冊二印二十開述聖
記下有李氏柏孫李慎之印二印廿一開上有寶冊鑑賞長
白李慎勤伯氏鑑賞章二印廿四開上有彭城鼎新一印廿
五開上有少珊珍玩柏孫眼福二印跋前後並帖眉上皆有
茲略叙其次而錄之

余昔買聖教序未斷本於京師是朱女脩家所藏後有黎惟
敬題字朱黎皆善書名家鑒定佳本今觀伯所藏本尤勝
伯書法賞鑒都不在朱黎二君子下則此本可謂不失所歸
矣 崇禎十有六年春正月廿三日南居益書

南居益印

關中詩人郭脩伯擅風雅之譽者數十年有澗詞四卷極為
虞山宗伯所賞工漢隸故其所藏古碑刻最富鑒別亦最精
予猶及見其行笈所携是本尤其拱壁視之者近在京師見
其所藏九歌圖復從紫來先生齋中得見此本乃知郭氏澗
中書画近多散逸矣未斷碑予南北所見並此而三然皆不
若此本之完好紫來先生以無意得之洵可寶也 櫟下周

亮工題

伯安氏周
亮工私印

予入秦梅諸蹟于窮谷廢刹之中雖多所收閱然皆不及聖

教於時聖教業已非昔況今又三十年乎如此榻果係宋本
于碑洞舊拓已不相侔而他勿論矣予曩受經于仲詔吾師
易世而為吉士世兄又易世而為紫來世兄雖此本非君家
故物而如此尤異必歸紫來此亦仲詔師之啓後而默相之
也惟善寶是祝 鵝山皋記于豫章僧舍 香巖山樵
右軍傳世真蹟如農鮪袁生州民遠宦平安等帖余皆見之
大率出伯思元立殺猶伎倆及思陵臨本惟萬歲通天帖首
姨母數行為鍾紹京雙鉤不減虎賁之似乃知手蹟随烟雲
滅沒久矣懷仁聖教一石巋然獨存然世猶疑之以興福寺
諸碑為證集之與習未可定也丙午春于役晉陽紫來先生
出宋榻本見示神骨高秀灼動人跋尾所稱汝脩鴻臚藏
本今在余家汝修本勁如屈鐵與此微異當由拓手良楷遂
分劉柔恨未得挈之行笈与紫來互鑒之姑識以俟 攜李
曹溶 曹溶印

右宋榻懷仁聖教序舊在閩中郭庠伯家庠伯有漢華嶽碑
及不斷聖教序詫為鴻寶於懷仁序愛之尤篤謂其妙勝於
定武蘭亭余每恠懷仁序在宋時薄為院體趙子固諸人詆
之尤力及至明季見不斷本輒琬琰珠之物之顯晦抑有時

耶退谷孫承澤丙午夏六月

孫承澤印 谷退

世遠代湮金石易敝予屢見世本聖教帖遺失之肥重且皆斷缺昔人珍之不啻拱璧矣今見此本迴絕尋常少陵云書貴瘦硬其即此書之三昧耶延津神物必有遇合紫米季翁既獲寶此春宵秋夕恐為風雨所妬宜善秘之丁未三月一日安宜弟李藻先謹識

李藻先印

物之以好不以新尚矣顧何必以舊也今不逮古固然而代有異人人有實學恨二王無一法非過差之譚也馬既行千里矣而必以一毛一點謂古千里馬不若是不可也西施王嫱天下之所謂美人也今園西施王嫱至美矣而曰此非越之西子漢之昭君吾不知其何所見也蓋天地間真寶之混淆全壞於號為賞鑒家者欲矜其辨駁之精核注吹毛求疵于筆畫邪直細微節目之際以為博見聞知傳派而絕不解夫神光意象之外品愈好而論愈嚴而天地之真氣削色矣紫米先生博極天人其為經濟之與孰能皆神明內運不可窺測是故觀察宋先生風旨嘿契授此無疑其相得於神光意象之外者真可想像而不可言傳矣起得耽覽由日殆廢寢眠而終不得奉返自謂相得不啻如先生之于宋

先生矣倘真如杜先生所言有以不貪為寶者耶則吾其將遠取白居易也

毘陵龔雲起謹識

時雲部

昔歐文忠嘗言見唐碑不知名人書法多有極工者始知當時字學之盛非可易及也聖教序不斷本變動若鬼神馳縱

不定動不可留靜不可推骨不附墨神莫隱形与後之雙鉤廓填彷彿其槩者相去萬里此榻為紫米先生所什襲乙巳

冬月過晉陽出以示予予披閱久之深嘆此榻之得其藏也紫米瓌璋穎達而又倜儻博物觸類多能巨眼賞識力辨真

贗榻且以先生貴矣幸獲恣觀聊共欣賞因識數語於帖尾康熙乙巳嘉平月望日廣平王顯祚跋

王顯祚

識

余客夏游關中亟欲訪聖教舊刻未之見也有道士藏二本甚秘重不不甚佳目詣碑林摩娑石下久之適遇華陰王

山史出郭氏所珍華嶽碑既賞累日因言郭氏尚有宋拓聖教一冊為北平米進士所購比入都即注紫米先生所索觀

帝墨古雅風神秀拔真目中所未見又歎郭氏二寶雖一時散佚皆歸之異人而余奔走燕秦數千里皆無心遇之孰謂

非奇緣也丁未嘉平月沈荃漫識

沈荃

堂

聖教集右軍書而得蘭亭筆意為多北海南宮吳興皆嫡派

也近世學書者習成軟熟蓋繇未見舊搨耳米氏青箱傳世友石先生後復有紫米明府醉古齋竒尤精八法故得此善本于闐中郭氏當日勺園珍鑒未免遺散今觀此精采奕然大為書畫船添氣色

鍾陵朱徽謹識

微美

梁武帝萃右軍散字命周興嗣一夕編為千文後之書千文者多矣然當時王體之本何以不傳獨僧懷仁聖教序猶見

重於世以予所觀則無如郭氏藏本為善觀察宋荔裳購而得之即以贈紫翁父母宗之先有克廣兄弟源流既遠紫米

夙承仲詔先生家學而又能追踪元立臨池之際有同好焉昔蔡中郎歎王仲宣為異才以為吾家書籍盡當相與宋公

精于八法且能鑒別所得甯遽止此輟贈之意豈以為兢

南州杜果

杜果
之印
庵

明熹宗時一中貴盜出大內宋拓聖教序數本初不甚貴後董文敏覓之價遂騰起先文康曾得一本迄今在予弟介子

處墨光如古玉字畫瘦勁如鐵文敏跋云搨法墨法皆諸刻之冠余後遊潁川見劉典襄藏本与余家無異詢之果同時

重價購得者生平兩見舊拓非偶然也今歲入長安又見紫米明府此本神彩奕奕浮動紙上信是宋搨無疑中間姿勝

於骨較前二本似有剛柔之別曹秋岳先生以為搨手所致
誠精于鑒定者矣紫米明府書法為當今第一且賞鑒家精
其不以余言為謬否康熙壬子立秋日雪苑宋犖題
蘭亭繭紙入昭陵後得定武善本者珍若拱璧計稊帖止三
百二十四字未若懷仁集聖教數倍稊帖搨右軍法書之精
華得以經觀也第世代懸遠字畫剝蝕後秦中好事者多家
刻一石如耕教衣冠形兒雖似而神彩遠矣予在京師僅見
兩善本及今見紫米年兄此帙神理內含光華外映波折轉
運猶可想見右軍吮豪濡墨時山谷云字中有筆正謂此也
其為宋拓無疑予假觀累月不忍釋手奈終非己物因附數
語而歸之昔康熙壬戌二月京江張鵬識
張明 幸江張 氏室玩
此華下郭脩百先生藏本也往晤王孟津宗伯亟稱之今落
紫米太史手可為不失所歸矣滄桑迭變側理歸然又賞鑒
皆當代巨眼抑何奇乎書於此所以賀茲搨之遭不獨嘉茂
先識寶氣也辛酉重陽後三日同里弟房廷楨題
此宋拓之善者中間偶有數字移補慶實皆出于本帖亦實
是宋搨愈見尔日帝墨可以相證善鑒者幸勿疑也嘉慶
十二年丁卯夏五月十九日北平翁方綱以宋拓本對看題

此
漢碑

此本米紫來得于華下郭氏郭氏金石史詳載之可為確據
是秦中武閭皮紙簾紋堅柔入理郭允伯所謂指次然犀者
謂其用本帖字移補十八處皆宗時帝墨所見正与予同然
如四時無形即用四八之相分形分點句允伯所未及也又
如崇字精拓尤為諸本所不及此蘭亭之真鑒知者罕矣帖
有前人手跋点皆百年前真迹收藏家宜珍秘之 二十日
方綱又書

翁印
方綱

此聖教舊本曾在郭允伯米紫來齋有曹倦圃孫退谷周櫟
園沈繹堂宋牧仲諸公題識其間雖有移補之字而拓手極
精宗拓之善本也前歲自予同年徐樹峯中丞家售出留予
齋中數日為題於後是年秋方綱與樹峰同日蒙 聖恩晉
秩重宴鹿鳴話舊賦詩因語及此帖樹峯為之感歎良久今
對峯年八十有四予亦七十有七矣復得展翫此帖流連賞
鑒若重有夙緣者是以記吾同年一段情話於此樹峯名績
官山東巡撫宗人府丞帖內無其姓字記此使觀者知此中
有此人也六十年前老舉人惟方綱與樹峰并杭州梁山舟
耳聞山舟今歲北來恭祝 聖壽若得此老米蘇齋當再借

此帖未屬其手題也

平翁方綱

嘉慶十四年己巳夏四月十七日北

此未斷舊本也是武關構皮紙堅柔相得虛和受墨秦產也
簾紋如織隄廩如漆歲久入理第多補字為拈此無滋蘭亭
訟端其弘福寺福字間以蒼生罪而還福字補晉右將軍
將字以將日月而無窮將字補然則大教然字以然而天地
然字補晦影歸真字以受真教於上賢真字補智通無累
通字以通神句通字補非蓮性自潔非字以習俗而是非
字補桂質本貞字以幼懷貞敏貞字補將日月而無窮日
字誤以即說呪曰字補斯福遐數斯字以為斯記斯字補
皇帝在春宮皇字以我皇福臻皇字補赴感應身感字以感
懇誠感字補重昏之夜重字以誠重勞輕重字補大宅之朝
火字以火宅之乾餽火字補幽闇而恆明而字以日月而恆
明而字補忽見未書忽字以忽得未書忽字補度一切苦
字以除一切苦字補無意識界無無明第二無字以六無
無明下無字補苦集滅道滅字誤以不增不滅字補共割
補十八字一指次頗極然犀至於斷文三十三反無一闕
者六奇矣余生平所見舊榻數十本惟仲宗王孫先世所藏

為第一余曾為一跋今已二十餘年猶憶其鋒鍛此本髣髴
勝之仲宗伯仲子斗皆精研博古千秋自命結社青門分余
半席苟非斯道冠蓋不入故鑒賞斯精 右錄郭允伯先生
金石史原跋此帖余於丁卯十月見於京師旋歸孟澹夫子
書畫船而兩年以來實未離余几案豈翰寶精靈於華下人
獨有所厚耶然此帖為允伯先生所藏而郭氏不能恒有余
小子生百數十年之後雖未能得而屢年把玩臨習不啻自
有清福奇緣固自有定數耳 嘉慶十四年歲次己巳二月
十二日書于保陽臬署之西齋 少華茂林脩竹居士王志

泐

王印

海幼

帖後朱靜藏鐫字句下有墨題明王弘嘉玉質觀小字弘嘉
山史先生之兄玉質其字也山史先生與余家有譜誼故得

知其詳云同日志泐又志

王芳

按帖尾尚有錢江程口借觀累日大快及吳趨口口藏胡口

口三處墨題以印蓋之不可盡辨

余幼時得曾祖舅陳以庵少京兆公所藏宋拓聖教序學之
四十年後為表井仰山取回此外尚見五六本雖皆未斷宋
榻而紙墨精工神采四溢則未有如此本之登峰造極也自

嘉慶己巳在保陽題跋後迄今已二十年去春以孟蟾師作
古向所寶藏書畫散佚乃京師友人陳崑瑜知余篤好此帖
竟為宛轉留之今年三月得為我有凡神物之離合得失原
有定數而此帖畢竟得歸於余豈二華之靈亦不忍此帖遠
去而默有以維繫之耶噫亦奇矣按聖教自前人有院體之
目孫退谷遂始終不滿而郭允伯則謂勝定武蘭亭其所言
皆過蓋聖教之有習氣在其結體若運筆之妙誠如山谷所
云字中有筆如禪家句中有眼右軍字具三眼聖教序固無
一點一畫不具三眼者也蘭亭無古本君形者久亡書家評
蘭亭聖教能以用筆結字分晰言之則孫郭異同可永釋矣
余以華人又重得此本它日携歸少華林居當春秋佳日展
對羣峰山靈必為深慰而帖中題跋諸前輩亦當從天上玉
樓中俯瞰歆羨謂余小子翰墨緣不淺也書以誌幸
七年歲次丁亥仲秋下浣書于晉陽郡齋 澹粹老人王志成

融
海幼志

民仰德仰字以真教難仰字補長契神情神字以神測未
形神字補乘危遠邁遠字以恐怖遠離遠字補承至言於之
於以至於內典之於補標凡藥於之於以微翰墨之於字補

智地玄奧、字以精窮奧業奧字補之岳之足以善不足補
足字補忽見來書忽字以忽得來書忽字補字右移補

八字乃孟蟾師續經簽出者並錄記于此

孟蟾方伯出示宋拓聖教序是郭允伯宗昌松談閣所藏後

歸米紫來漢燮者曰憶乾隆甲午歲鉞在京師見朱竹君師

西嶽華山碑亦郭公所弄公子錫庚時官於晉借而合觀之

蓋二榻相離百九十年矣留方伯齋中五閱月於其歸歌以

識之並呈方伯孟蟾嗜古精且博示我齋中特健藥唐碑

宋榻世僅存流傳有緒米宋郭摩挲紙墨醉古香拂拭簽題

發狂樂眼中昔見華山碑皮藏亦在松談閣與君此榻實驚

鮮小別兩朝太離索不固墨寶示靈異先遣主人此樓泊錫

庚羗吾卅載久目成導言二姓如媒約張公龍劍會有時樂

昌鸞鏡圓猶昨披尋跋尾嘆因緣蹤跡前塵更嗟愕懷仁序

久歸與園先百卅年到君幕是時康熙乙巳冬方伯王公記

其略君浪携來坐此席天合奇緣胡可度即如此碑亦大異

獲送吾歛黃司鐸華山碑歸王山史不如何時轉入新安為

由燕入晉巧相值如鳥求聲水歸壺雲烟過眼踈偶留結習

難忘花自著彈琴淪茗互欣賞墨色帝光相煜燭居然裝背

尚完好靈偃史明手親拓不是翻身學鳳皇且駐二喬鎖銅
雀人弓人得楚何為鹿藏鹿失夢何惡君官西秦富鑒藏豪
擲私錢恣搜摸時從歐錄補闕殘輒召桓厨賞盤礴丁彝庚
鼎峙几案漢鑑秦燈照簾箔獨持此本嘆再三不浔隻鈎更
填廓我時別有意難忘不審九歌誰手落假如妙畫不脛來
一笑髯應九原作周櫟園改中所謂九歌李伯時設色本

嘉慶庚午九月九日左田黃鉞題於太原試院

翰林

宋搨懷仁集聖教序聲價在今日蓋不啻南宋時之重定武

蘭亭此不斷本神采奕々如新剝損未過十字蠶蠟精美紙
墨傳勻每一展玩覺古色古香悅人神志恍如從成連於海

上將移我情矣郭允伯謂遠勝蘭亭相絕千里孫退谷主趙
子固之言遂目為俗其說皆溢情失當王虛舟則云蘭亭和

朗甫搨無美不臻為右軍石刻第一聖教風神朗暢過於定
武然所以不及者正在此情辭在隱約間且以後世覆本蘭

亭方之初拓聖教似亦未允是猶闢佛佞佛者闢於一堂有
人排解之曰佛現諸相互有短長而各有妙處若畫工所繪

則不逮夫真容此豈闕者所爭之是非哉佛法如是信解在
人佛固不怨闕者亦不德佞者也竊謂蘭亭是右軍極得意

書定武初榻及唐賢撫本皆觀面寫真者也故神理獨完歷
千劫而不古聖教是懷仁萃右軍剽然所為筆意章法盡美
盡善去右軍自運才一間耳如善寫真者雖未親見其人就
其遺照與惟肖之子孫從旁印證復精心結撰而追貌之者
也傳神阿堵吐、逼真今蘭亭與聖教具在身分無豪末之
損益而趙子固之言能舉者已罕更何論于孫郭諸說雖然
其書皆已行世恐見者惑於先入將執己而非人也故脩書
而附論於此蘭亭在世有日滅無日增聖教又何獨不然況
宋拓之完好似此者豈易多親我師既得鑒藏安能不拱壁
視之他日再得定武蘭亭寶愛更當何如也 甲辰十一月

七日崇恩謹識

玉牒
崇恩

舊跋數行嫌簡略撤去而更申其意如右歲月則從其朔焉
連日臨蘇九歌似有所得因以蘇法書之并就正 崇恩再
記

之何

此榻擅蠟之妙自不待言而紙性得宜墨痕悉化拓無一絲
不到神無一處不完實宋本中僅見者也 丁未除夕燈下

與葉判史同觀崇恩記

玉牒
崇恩

曩見宋榻凡七此冊而外一為外舅辛庵先生重光藏張晴

嵐本一紫瓊道人本一成哲親王本一牛空山本一孫寶嚴
撫軍本一孫文靖藏項子京本今牛孫三冊皆歸余又益以
灌園老人本錢塞庵本歟字本紀文達公本共七冊擬築七
佛同龕之室藏之就中搨手精美以慎邸本及此冊與紀本
最為明顯子京空山二本帝墨微闇然神采如生成邸晴嵐
灌園寶嚴四本稍亞六各有勝處惟塞庵本拓未精到缺字
本完非全物不能不抑之居後矣戊申元日閉門謝客靜坐
諦觀附識于此用紀欣賞 唯然居士崇恩書于溧源書院

之敬樂堂

唯然室

此冊留案頭幾兩年公餘得暇未嘗不焚香展對也別此之
日頗難為懷豈意歲杪与少珊晤于厯下又得重借飽觀並
綴三跋于後天下事莫非前定黠者巧為趨避痴者聽其自
然實則趨避徒勞而定數自在何如聽其自然之為得乎而
夜篝燈諦玩感而書此擲筆三歎新正十日玉牒崇恩題于

濟南行館

崇恩

此真無上神品北宋拓也墨光如鏡古香滿紙鋒穎畢張窪
稜盡見明牕靜翫直使古人用筆一波三折之妙宣洩無餘
吳文碑絳州夫子廟碑當退避數千由旬豈況三舍申辰嘉

平寶翁前輩出示茲冊隨喜贊歎不忍釋手齋頭尚有北宋
醴泉銘足成雙璧謹跋數語以誌欣幸立春先一日識于泮
南試院丙午六月朔重錄

曾見未斷本六一為寒家舊藏已燬於火一為周生憲曾物
是其先變堂大司空所貽一為京師琉璃廠西古畫樓物一
為牛次原學士所蓄其兩則雨於崇中丞新購諸梁谿孫氏
者也周牛本尚是贗鼎與真本細枝形模悉合神理迴殊一
雄厚一薄弱一如生龍活虎不可方物一如嚴家鉞隸意致
索然蓋真宗拓原碑未有不光芒迸露精采射人者後規
於點畫間求之所謂夏蟲不可語冰拘于墟者也

古人作書無不中鋒無不八面出鋒者故能風神透露歷久
常新然非見宋榻本不能悉其妙也近時碑石已類棱角刻
敝臨池家學其禿穎以為靜穆真豪釐千里矣

初學入門正書以醴泉為最行書以聖教為最寶翁前輩賞
鑒精確所藏多宋拓善本此與醴泉銘又為諸宋拓之冠墨
池奇遒得呂與寓目焉豈止結一重緣已耶既錄舊跋於前
復連綴三跋一孔之論有類管窺伏冀賜教吳江殷壽彭
墨香不斷能橫生老去人書鑒別精本是松談閣中物歸來

紫氣向韓城 郭允伯來紫來所藏宋拓聖教今歸寶珊方
伯余在秦中獲觀書後 道光二十九年秋九月華亭張祥

河祥河

寶珊方伯工書富收藏而精鑒賞示余未斷本聖教序神采
照人洵宋榻之善者題跋皆先哲名宿其中以翁覃溪先生
王幼海觀察二跋考覈尤精余与幼海初不相識戊子西行
於晉撫廬厚山同年座中始見幼海遂為莫逆交後每過從
輒出所藏墨寶相示佳本為多此帖其一也今歸方伯可謂
得所以世間罕觀之本二十年中凡得再見未始非翰墨因
緣也余行篋中亦携有未斷本合而校之連城砥砢矣 道
光丙午夏四月朔八十三老人牛坤拜誌于泮南省寓

秘印

三藏記六七兩行裝表參互須改正之

注見牛雪樵尚書查清華大令人漢所藏聖教俱宋拓本惟
古香古色而未能光景常新不無微憾惟海鹽陳立齋先生
呈所藏本神采奕奕為它日所不及此本寶氣洋溢經諸巨
眼鑑定數百年以來主之者非一人相承愛護歷久如新昔
人所以為是碑賀也碑今歸寶珊方伯歲丙午首夏將別濟
南時徐同年錫館薇署為公子少珊校課因得於書齋快觀

視牛氏查氏陳氏所藏本皆過之平生眼福愈進而上天假之緣幸甚爰附數語於浚海昌漁橫朱元呂識

朱呂識

內出：字它本皆泐此獨形質俱存然紕二字亦祇少損字拓之可憑巨眼之愛不釋手有以夫又識

咸豐壬子八月下旬無棣吳式芬獲觀

穀野

簽為翁覃谿先生題聖教序三隸字古厚可愛下准行楷書

郭允伯米紫來舊藏宋本覃溪題籤覃谿印

有國初山東等處提刑按察使司之印等四印旁以小隸

釋之又兩廣都轉運鹽使司印等二印亦釋以隸又山東布使使司等四印則兩舡中丞時所鈐西安府印勤伯所鈐予

亦效顰於中州蓋一河南學政閱防勤伯一跋詩箋所書未痕入茲亦未錄

外有錦函兩舡先生題曰北宋最初拓懷仁集聖教序下跋云搨手絕精流傳有緒人間至寶無上妙品也道光甲辰獲

觀既一再題跋復集碑字為讚更製囊以申愛護之意云丙午八月二日崇恩記

唐沙門懷仁集右軍書聖教序碑

北宋搨本

此冊搨法既精裝裱尤善鋒穎透露神采逼人前後無一損
殘之處亦無描潤之筆宋拓中絕無僅有之品細校筆力堅
凝與前冊有劉柔之別誠如曹秋岳所云當是拓手所致緣
字未泐及系者出字存下半紛紜二字紛字泐稍多紜字微
泐其為北宋精拓無疑裝十八開每十字字不計舊為靜海
勵氏所藏題簽曰宋拓聖教序教忠堂藏南陵居士書籤首
頁帝邊上有靜海勵氏衣園學書二印又竹香雪壑金瓶庵
鑑賞章三印帖上有王澐虛舟蔣子厚氏怡園臣世錦何溱
何元錫印六印鈐縫一圓印一葫蘆印俱剩半角下一印不
可識末頁邊上有夏氏文之滋夫隼清閣三印帖上有荷屋
鑒賞達字私記二印予得之潞河李氏後止虛舟一跋
唐時策重聖教翰林侍書輩人、數之自有院體之目於是
宋元以來罕道及者至有明弘景間士大夫始復重此碑但
得一未斷本雖搨法草略便交相矜詡目為奇違明季鼎沸
內府藏蓄往、落人間然後得見官搨佳本此冊為有明內
府物搨法精良鏗鏘畢備又內府所藏聖教之最佳者自到
京師十餘年見宋拓聖教以百數如此者僅一二遺耳至寶
難得可不自慶為平生希遇乎 雍正二年歲在甲辰夏又

四月朔之九日良常王澍觀并書

牘體

葉志說

道光甲午冬十二月葉志說借觀一月之久
昔外舅題消暑記云聖教序出自懷仁手集以為不及蘭亭
固也定武真本不可得得聖教序佳拓猶可見定武典類集
序中字足與稷帖相印證者十之二三定武不存正賴集序
一刻尚傳右軍筆法於萬一退谷翁至鄙為秦人之嗜殆沿
宋人院體一語遂有此偏論耳然此碑六日院體一語遂得
至今尚存也外舅在粵東得聖教一冊用墨濃厚為南宋精
搨余既得此二冊及真定武蘭亭每一展玩輒恨不得外舅
一見相與一繼論也

戊戌冬在京師購得退谷侍御所藏澄清堂帖三卷乃知右
軍楷法草法無不周規折矩鋒芒畢露尋常各帖中所摹一
味圓轉者皆非真面也惟宋拓聖教為能不失其意

唐沙門懷仁集右軍書聖教序碑 宋拓本 瓶麓齋舊藏

此本紙墨濃重故字畫稍細前後一律無一撓配之字紛紜
二字与前二冊同出字少避緣字已泐及絲布三與一無所

損雖覃溪先生考據以緣字系旁泐不泐定北宋南宋余審
此拓檀蠟精良未必是南宋時物蓋南宋名帖搨法雖善而
此碑淪于金域或恐無此好手前人所論絳帖權場本大抵
皆出賈人手拓多草略者也至字畫少暗乃裱手不佳用漿
過重以至墨漬非拓之過帖裝二十開每十行字不計首副
頁上有口子收藏印子孫保之杉泉書屋主人玩老老人清
玩徐善建印季標彭郡休甯朱之赤珍藏圖書鈞鰲客雲林
十印一印不盡辨帖上有朱之赤鑒賞卧庵所藏洗桐主人
癡半月潭朱氏記庵鑒賞方子宋定印六印末頁上有休甯
朱之赤珍藏圖書徐正誼方子氏吳江楊氏金石三印後副
頁跋有果齋朱之赤印梧齋鑒賞杉泉居士徐善建印朱之
赤鑒賞第一希有東南之美朱之赤印卧庵老人朝安私印
寒士精神寶祝堂徐正誼印方子別號果齋杉泉書屋神物
護持朱卧庵收藏印劉先臣符朱之赤印原名安字口安
虹月樓留畊堂印平生一片心出赤朱印之赤口庵行人三
頁上共二十七印

古人作書多肥少瘦凡碑初刻未經多搨畫深而字必肥久
而搨多画淺而字漸瘦非真相也余每嘆世人學聖教序

多作細畫不知誤學斷碑後字耳碑今在西安府學丹墀中以鉄籠之上覆以瓦余嘗手摸而讀其文搨之尚不甚剝蝕碑之斷在元末國初故今人得不斷本輒詫為宋拓寶之初不辨石理之完剝字畫之麤細希墨之高下而一切謬謂佳本非知書者也余生平所見不斷本元憲數十通未有能勝此冊者精神煜如真宋初拓本也今以歸幼子驟未知學長能學書當置青箱日臨數過慎毋輕失之也 王敬美先生跋春日書為方村老兄 高金聲 霜之聲

晉人法書真跡人間寔不易觀矣况逸少真跡當時已極欽重降及百世咸奉為師範故臨池之士既不得觀真迹得見一石刻之佳者已稱快幸如定本蘭亭棗版罔怙其精妙豈下於真跡哉今耿廷負真鑒能以此拓自寶寔有以知其微者蓋聖教一碑製文固出自文皇高宗而集字成文者悉由懷仁取唐內府所藏逸少真蹟殫竭廿五年精力搜輯以成也十二日借得王吏部所藏海內第一本与此相較同是北宋拓精本真可寶也 乾隆丁丑三月彭紹升 祝

古碑自漢魏以來鮮有集書以成者惟唐宋時始用此法集書之碑自懷仁而濫觴右軍諸跡盡萃是矣此真一字一珠

正如無縫天衣減盡針線痕跡後來集書諸碑允推此為最良觀止之嘆曷能已也 戊辰九秋丹徒魯銓識 臺

嘉定錢坫觀

錢坫私印

右軍書法卓絕千古聖教一帖雖集自懷仁然得諸真本為多故世摹榻者廣傳至今日遂購一不斷本不可得惡審其孰元孰宋耶此本墨色深黑字畫明朗為北宋李廷珪墨拓本無疑舊為樵李王氏藏本王得之梁谿譚參軍志伊者予損千得之自茲當什襲為藏永寶研席豈若辨才楔帖帖自炫俾蕭家措大得志笑人 戊子花朝前五日天都潭上樵朱之赤題於寒山旅舍 友人章奎書 鐫錄

希世之珍

光緒丁丑

八月

振甫楊慶麟購藏於瓶麓齋

慶麟

瓶麓齋

宋拓聖教序世稱金壇王氏積書巖為海內第一竹雲題跋亦自謂所見宋榻聖教凡百十本未有及此者又謂往見儼齋大司農所藏大觀帖數本墨光如鑑古香滿紙歎為帖中墨王惟余此本足相妃匹云 讀吏部諸跋想見當日品題珍重趙子固之寶藏定武蘭亭殆不是過此本據彭跋謂曾与王氏本相校同為北宋精拓又見一不全宋本有潘君名

宜者題跋云曾借王吏部藏本對校頗覺王本用墨太重筆畫稍細不及殘本之腴厚今以此本與不全本相校点如潘跋所云墨濃而筆畫稍細則此本與積書巖本相髣髴可知矣光緒丁丑八月振甫楊慶麟識

慶麟

碑凡一千九百有三字剝蝕者七微損者六餘皆完好無闕虛舟先生記積書巖本如是此本亦然彭跋謂同為北宋精拓是取兩帖勘較後定評可信其非臆斷也重陽前四日展閱又識

振甫

慶麟之印曰利考

唐沙門懷仁集右軍書聖教序碑

明初拓本

此本先大夫得于闕中搨法精工神氣完足斷痕二三分不等即世傳所謂線斷本也出字已泐紛紜二字尚存六分三與完好明拓中之最先者帖裝二十開每十行字不等外舅題簽曰聖教序精拓初斷本跋云汴翁送閩中得此偶見宋拓本借以對勘覺此本精彩動人視宋時羶蠟僅次一等耳可寶也光緒乙亥十一月廿七日楊慶麟倚裝書簽并識

覃溪先生跋聖教語附錄于後以資攷證

此本用墨雖太重而其中最得神彩處則諸本莫及也略舉

一二於此杖策孤孤字子旁上橫之下將折下處其側微
有闕痕半黍許蓋由墨本如此故上石時闕之六猶道字上
筆之闕痕也乃後來拓本竟似上橫斷住中彎另起者拓手
之失也嘗於同年紀曉嵐齋中見朝鮮國文殊院記沙門坦
然仿集聖教序書其孤字上橫斷住中彎另起詳其立石在
宋建炎四年則所臨是宋以前榻本而墨痕所掩已如此矣
今以此本驗之信是連下而原有闕痕耳然此一條猶非極
有關係者前幅云佛道崇虛此崇字即蘭亭叙崇山字也山
頭之下以之上橫列三小點然後中加大點無論定武本褚
臨本皆同惟是褚臨本支系蕃衍又兼後人屢有翻撫今之
重摹褚本山下竟無此橫列三小點矣而却尚空有一分許
之黑地試問若非原有三點則山下以之上無端空至分許是
何故哉唯定武善本三點具存武此可為辨凝而褚臨則雖極
精之舊本亦止見右邊一點有似於橫掠者其左二點則雖
極舊之字拓亦皆不可見矣今以此懷仁集聖教崇字驗之
實是如此其左二點或是原墨跡上石時太輕微致久而掩
昧歟要之其右一點則分明具在也而聖教舊拓亦多為用
墨所掩獨此一本崇字山下右點極為明白誠是褚臨蘭亭

之息壤矣又此崇字山頭三直是先左挑一筆開局甚寬然
後作中間一直此中間一直之末尖却是向左微有感起之
勢而右末小直斜注而下以見疎密迴合之章法定武本神
致渾淪其緒難尋其實定武本亦是如此惟諸本此山頭三
直最為可辨而後來翻本盡失之獨懷仁集聖教具此微妙
而後來拓本又盡失之惟此宋拓精本乃庶幾得之此一字
真至寶也故特拈出之以見宋榻聖教善本之可貴如此甲
子秋八月十二日方綱識

又論聖教序原石
晉右字口內已微泐北宋完好

潛寒形潛兩潛字下日末小橫俱長出小直外為原石
故知知字之口北宋尚好

佛道崇唐道字上二點有石子斷痕崇字山下必有右小橫
乃為原石的據

大教之興真教難仰受真教於上賢聖教歟而復全四教字
下子字皆作破筆是為原石如完好為北宋不特辨真字不
泐已也

羣生羣有兩羣字下直俱破筆為原石

紛紜二字南字已殘若完好九分者為北宋可寶
卉木木字收筆北宋未泐

聖慈兩被聖慈字南宋必泐完者北宋可寶

久植勝緣何以顯揚斯旨何以二字已殘且泐痕上連緣左

豕南字已然北宋則否

深以為愧深字左上有重點前人以為復啄筆是原石

三日內出出字南字僅存下半一小橫若得六分完好者為

北宋整字未泐者董香光時已云未得寓目

右論聖教證據尚不獨此然持此以辨斯過半矣如遇佳本

一、悉合者更須細看有無割補於日光辨其是否有填筆

至於神氣完缺又須論帝墨優劣搨法濃淡不能預定也高

明以為然否

按覃溪先生所見北字拓本尚在郭氏屬氏之前所論有一

二條尚不盡合總之辨古拓固須考前人之說以為印證六

須獨具隻眼不可悉泥也

唐歐陽通道因法師碑

明拓本

瓶麓齋舊藏

蘭臺書承家法瘦硬通神相傳一道因碑而舊拓殊少此冊
楮墨精湛字畫完好洵佳本也帖裝三十開每八行行十字
末頁五行附裝顏魯公華岳題名記七開又半每四行三
字則國初拓本也西帖中均有竟古所藏金石印

嘉慶元年秋七月鏡古購得古搨顏魯公華嶽廟題名小歐
陽道因碑數本見示皆先君子題簽曰知素為族兄所藏三
十年前余常見之先君子手臨如新而見背已十年矣覽之
泣然零涕書此以誌今昔之感云 鈇稿李東琪 鈇稿

予於乙巳初秋在濟甯市上得漢碑并此帖及二王楷書共
二十三種皆劉鏡古藏本鏡古與小松鈇橋並嗜金石精鑒
賞故所藏碑版多舊拓可觀 咸豐二年冬十月十九日楊
炳春燈下書 春炳 芸漱

唐李邕雲麾將軍李思訓碑 明拓本

是碑下半多剝泐拓碑者注遺之相傳夫人竇氏未泐者
為明拓佳本若精慮衆藝未損者尤舊并序序字未改文字
者則字本此冊文字涂去精慮四字泐而尚存竇氏二字分
明且帝墨清潤筆意具見明拓中致佳本也帖裝十七開有

半每八行行七字首頁上有春寔程氏家藏二印末頁上有
震佑印信春寔知友金石書畫印多口印四印
北海書法實開吳興惟其用筆多敲側之勢故姿態絕勝究
不能與歐褚顏柳並駕齊驅可見作書楷字極難楷法平心
尤難醴泉多寶諸碑真百世師也此碑石理不堅後拓多泐
紋此拓已有之皆用墨潤幸未描摹失真耳

唐顏魯公多寶塔碑 明拓本

此碑以鑿字未泐者為宋拓然所見宋拓醴泉銘不下十本
多寶塔則絕無僅有曩于京師見崇兩舫中丞所藏舊本帝
墨頗暗雖鋒穎較銳而氣味殊薄且不免描摹之迹未為精
本後聞春湖先生藏本用石印印出亟購歸校勘亦覺字畫
不斂少雄厚之氣恐原碑已為裝手裝裱失神矣至殷述齋
先生所藏宋本外舅曾見之隱隱尚有方格線者早為祝融
收去只可作為海上三神山矣此本先大夫在闕中所得
拓法精到神采畢露裱手尤佳字畫一絲不走雖鑿字泐有
三分未為宋拓平生所見未有勝于此者帖裝廿三開零一
行每開十行行九字尚有一不全本克嗣其業克字口內尚

未泐當在此本之先然搨手裝手均不逮此矣
此本申戌得於關中確是明時舊拓乙亥北還與舊藏本證
之均係近時不多見品也嘉平十二日汴生誌

唐顏魯公小字麻姑仙壇記 宋拓本 瓶麓齋舊藏

此小字整本計石高九寸一分濶一尺二寸六分共三十五
行行二十六字字如指頂大題曰有唐撫州南城縣麻姑山
仙壇記顏真卿撰并書麻姑山仙壇五字已泐尚可辨二行
姑字泐葛仙傳云王字六字微泐三行數字泐四五行首一
字皆泐六行神也言微泐餘雖少泐十餘字均不甚重字極
端嚴用筆与小字本頗異且真卿一字以六不常見豈書
千祿書後書耶帖首石鼓研齋希世金石二印末吳江楊氏
金石慶磨二印龍石先生簽題曰顏平原麻姑仙壇記宋拓
本後係一跋
顏平原書麻姑仙壇記傳世有大字本小字本南城原刻本
明章田重刻本此本字較南城本為大論碑帖者不鮮有及
之唯孫北海庚子銷夏記載一種謂字如指頂大者即此是

也乙巳重九前二日偶書子翁子翁撫州有魯公仙壇記字形大如指頂筆、帶有餘意魯公最

得意書也。不知何時毀壞。世無見者。余收此本。得之故恭順家。宗以前拓。楮墨精好。竄所秘惜。至行世。蠅頭小書。乃慶歷

中人偽書。載金石錄。而今舉世奉為楷模。誤矣。杭州姜滙思有宗拓大觀第九本。帖予家。正少此。乃持以損仙壇本。去今

所觀者。乃忠義堂中本耳。庚子銷夏記

按陸放翁云。魯公麻姑壇記。東坡先生徑藏。記皆有。大字小

字。而本蓋用羊牀子峴山故事。千載後。陵谷變遷。尚冀其一存耳。據此。則小字本亦魯公書。趙氏之說。未可盡信也。此

余集跋庚子銷夏記語

丁未夏六月初四日燈下揮汗錄二跋於帖尾。漱芸之命

大字麻姑壇記。余一見之。於歙縣程木庵家。其字大小如家廟碑。此則小字本也。余跋似以此本當大字本。蠅頭本為小

字本。想未見大字本。故有此傳悞耳。漱芸又記芸

初以此帖為忠義堂本。及對勘。乃非也。然昔人謂顏出於褚

觀此帖。信不虛。且拓手甚精。楮墨並舊。雖不知為何刻。而在今日。却未見有第二本可寶也。吾友振甫藏此。有年。今乃示

觀書此以志眼福咸豐初元辛亥道州何慶涵識

唐顏魯公小字麻姑仙壇記 宋拓本

此本与前一本楷墨皆同惟翦裝六開每十二行十三字
乃原石一行作兩行末頁空二行共得七十行石泐之處与
前本无異當時濡脫者也
此仙壇記小字真本也其石與大字原刻在宋末已不存故
拓本傳世絕少家藏一未割碎本祕諸枕函未嘗輕以示人
今秋廠肆骨董客有從山右歸者携得此本持以求售以舊
藏本對勘纖悉符合楷墨皆同因購得之以授伯英弥藏庶
我兩家同結此翰墨古緣同治辛未冬十月振甫麟識於石
鼓硯齋

麟振

[illegible]

澄蘭室古緣萃錄卷十八

古虞 邵 粹 輯

碑帖下

宋搨澄清堂帖

按澄清堂帖三卷載庚子消夏記退谷侍御有跋即此冊也
第一卷十四開右軍帖二十二首題澄清堂卷一王右軍甲
一王右軍帖卷一共三行楷書第二卷首題澄清堂帖卷三
王右軍丙一王右軍帖卷三共三行楷書共十八開右軍二
十九帖末一帖存一行下缺第三卷首多一行即二卷所缺
者下題澄清堂卷四王右軍丁一王右軍帖卷四三行楷書
共九開右軍十一帖內有戊五等字知為四五兩卷殘帙合
成者墨拓不甚濃厚而周規折矩筆法宛然宜為北海所寶
持也一卷首頁上有北平孫氏朱善旂印翁方綱石堂心賞
高書勳印破帖主人六湖萬卷賜書樓仕成吳雲品齋過眼

金石文字書畫印共十印帝邊上有臣天池印德畬珍秘楊
宜治印鄣江李氏文房四印又印一欽差大臣閩防末頁上
有浮石山房蘇鄰鑑藏二印二卷首頁有北平孫氏朱善旂
印高七跋仙鉄嶺世家破牀庵主臣天池印子韶審定八印
紙邊上有六湖仕成鄣江李氏文房三印又印一廣東廣西
關防末頁上有藏之海山僊館蘇鄰鑑藏二印三卷首頁有
孫承澤印朱善旂印書勲印信跋仙讓林六湖德畬秘藏鄣
江李氏文房白河漁隱九印帝邊上有臣天池印潘氏德隅
珍賞二印又鮮能知味齋大印末頁有北平孫氏杜邨六湖
潘氏德隅珍賞書生五印退谷戊戌五月七月兩跋裝牀前
上有杜邨石堂高復成印劉心宗印四印六月己亥四月兩
跋裝牀後上有書勲虛白山房杜芝閣符鉄嶺書生高字胡
靈印共五印又潘氏海山僊館一印又定軒印倒一卷首頁
邊有介皆書二行三頁邊有吳平齋跋末頁上有退谷跋末
卷末頁邊上有潘題小楷三行牀上有介春泥銀書跋二行
副頁表跋一則皆敘錄于左

澄清堂牀乃李浚王令徐侍中鉉鈞摹上石者宋太宗見而
悅之因刻淳化牀以敵之至於神骨風致固非王侍書著所

能辨耳 戊戌五月廿五日退翁記于楊村舟中 北平孫印 承澤 老人
吾行年六十始知草法日取澄清堂帖披閱覺二王帖十七

帖俱遠拜下風矣 戊戌五月廿六日泊舟河西務識 孫印
右澄清堂帖三本皆右軍書鈎摹之妙如類上益三毫帖至此

天下之能事畢矣吾一日數十展愈覺取之不盡也 戊戌
六月廿四日中伏閱於藤花樹下 退翁 北平孫承澤字 思仁號省庵

書家草法宜入規應矩力能扼腕處、傳筆為佳所謂忙中
不及作草也此法惟右軍獨據其膝而澄清堂帖悉傳其神

七月初五日退翁
澄清堂帖世不多見近見二本乃為僖父所得頗足惜惋

己亥四月記
此為羅觀察六湖所藏道光丙午季冬一日歸余海山仙館

自媿素未學書負此寶刻敢以獻之介翁師相庶名拓得所
歸云 受業潘仕成敬識 壯

吾行年六十獲此珍寶足慰生平以娛昏邁道光丙午嘉平
介春題 介春 耆英

澄清堂帖誠罕世之寶茲因籌捐軍餉能不割愛耶 癸丑
三月宗室耆英記 耆英 之印

此帖今為阮言主人所得乃墨林之星鳳也甲戌夏六月余
借讀并過時益蘭盛開覺一種幽芬与古色古香迸溢几席
欣題數語以志眼福 退樓吳雲書於金石壽世之居

題
兩雲軒款
訂金石文字

澄清堂帖傳是南唐李後主命侍中徐鉉所鑄又宋人謂為
賀鑑摹勒者陳香泉題跋中云是帖別有清真輕越之度今
觀此榻香泉之說信然所存有甲丙丁三卷餘未獲全惜世
難多購然即此亦足大觀於淳化大觀絳潭太清樓諸榻為
遠勝也乾隆癸未展重九後一日觀於破帖主人之惺默堂
錢唐義門六一表尊生

議
某花
屋

按孫後羅前近二百年只此一跋流傳之緒遂不足徵
在京師時聞李惺吾得澄清帖二冊欲注觀未果逮得此帖
惺吾已不在都無從印證不知其二冊即退翁所云為僖父
所得之二本否它日重逢定當索校一回
此帖介春先生有重摹本曾于松江耿伯齊部郎處見之對
勘尚能不失規度其石不知尚存否

前附頁上有一簽楷書二行曰南唐李氏祖拓澄清堂東晉
右將軍王羲之法帖三卷賀知章摹徐鉉刻海內祇存五卷

41 EAST 57TH STREET
NEW YORK 22

傳之其人永守勿替共四十二字無印章款識蘇鄰記為得
天司寇不知何據字多歐法却類司寇少年之筆也

澄清堂三卷目錄 附校勘 蘇鄰丙子中春記

司如法臨 淳化第六神采遠遜

淳化第二行果三行或補四行至因出均悞 二王帖一行

去之六散勢 淳化第六分行為喻出大錯有小餘神采六

遠遜

本以望一日 淳化第六末行二字分失神餘起收均笨

省前望之六 淳化第六挽弱

重重區出如法 淳化第六 薄弱分行為割裂失神 二王

法法益益有以 淳化第六 薄弱分行為割裂失神 二王

帖二行互錯情錯三行如錯三四五行分行為神遠遜

得之六梅霸 淳化第六一行系不為注三行也大錯 二

王帖二行淳錯是旁書三行直錯四行去帝錯

身有七兒 淳化第六二行為三行或錯嫩 二王帖一

行有錯一無渴筆二行為錯餘均乏神采

省之六為法 淳化第六二行坤五行為錯

之修周有孫 淳化第六結體差 二王帖一行不介錯二
行人亦志錯三行与於君字一行接連大錯

昨得臨廿六日 淳化第六首六字弱
羲之白奉告坐 淳化第六行款別送此以下驥步缺捺

二王帖送此鯉魚与羲之白相連
廿二日羲之報 淳化第六一行羲二行書甚均錯

四月廿三日羲之布 淳化第六一行書錯二行可割之
刀均錯

三月零休立 淳化第六二行第六七三行第四均錯
四月五日羲之報 淳化第六羲錯二行至下無點三行弟

一字缺
永源乃策 淳化第六策結構亦錯

右王右軍帖卷一甲
不實定何日

伏相清和士人 二王帖結構波磔均遠遜
王狀不可得 以爲此 八日華之布 乃里人亦美 二

王帖薄弱
便大觀 二王帖神韵遠遜

中仍如二王帖四行君錯通體軟俗

左癆 溶化第六氣濁

月者 去曰種不著
 十一月初四日 辭之 白 周 益 何 不 曰

瓶手家月末
不日西門二王帖有錯

古今通此定例
自不能乃佳
二王帖作兩行分行錯神亦遜

聲之白時在遠者 不害後句以永日 去波乃尔 一時
日安西六 日者 二王帖二行首一字及付字均闕神遜

為兒子書
李黃甘 二王帖一行二不能讀錯二行相承錯餘皆失

尊夫人 二王帖一行尊錯二行口錯

卷至此 先生言書 三月十六日 兩快帖 取心外亭
右王右軍帖卷三 丙

篆之拓其口五口 即豹奴帖神品 二王帖通失神
二月廿日 戲鴻翻刻起收筆俱單欠渾

源自其出 戲鴻翻刻第二行末字缺、 第五行末字缺
一 大錯必字撇穿六誤

雲家與 二王帖通體失神結構六錯分行亦大錯乃知此
帖行妙絕倫 戲鴻翻刻第三行不字誤

前至法教 戲鴻刻渴渴筆全非並缺後八字一帖
十二月六日告弟 戲鴻刻第一行不字缺半 第二行情

收筆缺留、 四行收收筆誤 八行告字止不以下缺
六字 巾字渴渴筆鋒帖大錯

右王右軍帖卷四丁
蘇鄰校勘所輯頗細俱另紙書附帖後然費苦心為之附錄
于後亦足為攷證之資帖內硃書釋文皆退谷先生筆

宋拓淳化閣帖

閣帖祖本不可見得一殘頁亦可想見全冊之古茂非它本
所能及此冊首頁題歷代名臣法帖第二然張芝書止一開

第二開乃八卷中右軍伏想清和帖後第二行桓公以下六
行運民帖二行項為此帖二行第三開乃右軍得書知向帖
後三行脩字起以下五行一昨得安西帖二行一字轉久帖
三行十一月四日帖四行不審復何以十行月半哀感四行
知彼乃尔四行一昨得安西三行如兄子書三行奉黃甘四
行尊夫人三行口五行至七開止第八開下又第二卷王
導書然在以下五行導白下四行九開王珣書平近以下三
行何如僕四行今欲出三行十開王珣書三月四日四行題
王虞知審下三行則又郝超書以下衛瓘書六行衛恒書二
行共得十一開帝墨極舊筆意尤存古樸之氣題曰真銀鉸
本以七開中有鉸痕隱可見也首頁有緝熙殿寶祕府胡
盧印又一押似正直二字一方印不辨又東卿一印帝邊上
袁桐曾觀下頁題二行二頁眉上題廿字東卿跋在帖尾泥
金小隸書第一開刀挖多處故申生題云然
物之顯晦有時榮辱亦因之此帖不幸而失其全又不幸而
落於村童俗子之手熱琴煮雀遂至於此不過有心人不
至於覆瓿糊壁者幾希丙寅八月十七日申生記
此與真迹何異譏閣帖者想未覩善本耳不足怪也

思泉
中圭

楮墨精古神采逼人望而知為宋拓非徒銀定文是左證也
雖非全璧自是奇珍 丁丑四月漢陽葉志說識于平安館

東卿
心賞

漢碑宋帖隻立千古閣帖又宋帖之祖也當時刻于禁中捐
賜宗室大臣或遇大臣登二府者始得邀墨本之賜是墨本
本已無多洎後大觀紹興屢次摹刻潭絳臨江支派日歧不
異定武蘭亭轉相鈎勒而廬山之真面隱矣孫退谷時猶及
見賜中書侍郎余深本今又二百餘年求一真本豈易得哉
此冊帝墨精妙筆意古樸細審是木非石也奚必以銀定文
作左證耶 辛卯季秋松年誌

宋匱紙精拓涪化閣帖 瓶麓堂舊藏

此殘葉止九開蟬翼拓字極腴潤第一開唐太宗書五言秋
日數庾信體六行數年來勅九行東都今年別稅草勅四行
計二開第三開下唐高宗太子無事勅三行過午將審行勅
三行卿及文瓘勅二行第四開又太宗門下中書省勅五行
數日來勅五行昨令今早勅三行卿昨日勅二行唱箭處勅
三行錢事勅一行六尚書勅三行計三開第七開下又高宗

昨日令御勅二行上多至德二日使至知勅七行今遣弘往
勅五行又大字一行計二開又半開陳長沙王書二行龍石
先生題答曰宋遺紙精拓溫化閣帖殘葉吳江楊氏金石印
上下附頁各半葉皆觀經希世宋物也

間者軒帖考云紹興中以內府所藏閣帖刻板置之國子監
首尾與閣本悉同當時御府榻者多用遺紙蓋打金銀箔者
也筆畫精神極有可觀後碑工進作蟬翼本且以厚紙覆
板上隱然為銀錠痕以惑人按此拓既以遺紙又作蟬翼即
所謂紹興國子帖耶 辛卯九秋松年偶識

宋拓絳帖

此絳帖殘葉共得十七開黃庭經四開蘭亭叙三開空半開
樂毅論海字本二開空半開曹娥碑一開缺上半大令十三
行乞假帖二開半率更道失帖五月中得足下書帖比年守
疾病帖三開半後空半開畢誠狀一開按黃庭蘭亭在絳帖
第三卷樂毅曹娥在第四卷十三行乞假帖在第六卷率更
帖在十一卷畢誠狀在第十卷此後傳十二卷帖之叙次也

此本十三行上有絳帖卷第六題字則是十二卷之舊拓本也帖上有蘇昌寅印陳氏彥謙鄧文原印越國世家珍藏等印先大夫舊藏前後均有名號邵字等印此拓紙墨濃厚筆法秀勁圓腴皆他本所不及絳帖之至精品後附舊拓戲鴻堂畫贊一種鍾紹京書李林甫奏二種共四開半尚可觀

絳帖原列二十卷至析而為二各足成十卷仍為二十卷即所稱新絳本六號二十卷此歷來言絳帖者皆然也然余所藏絳帖十二卷大令書在第六此殘本十三行上亦有卷六字未解出于何時偶閱閣帖攷正附載論帖中有絳帖別本十二卷據王佐云第五六右軍書第七八大令書則又與此本不合大約此帖二十卷者摹刻既多真贋莫辨遂擇取精華重勒為十二卷如近世所行本想沿別本卷數以模成者也然據王佐言別本十二卷歲久不完崇慶初高汝礪為節度使又補完之後復殘缺存僅五十七幅石入晉王府遂不易得頗疑此本即為殘石所出蓋此本卷第六題字已剪開兩裝或本不在此大令帖前六未可知再攷崇慶為金衛紹王年號元年壬申當宋宣宗嘉定五年則此十二卷之絳帖

當摹于南宋之初復補于宣宗之世豈其然乎此冊中小楷頗類石氏帖擅蠟之妙猶是北宋遺法即謂為得帖別本十二卷之殘石何不可丙申三月攷記略加刪改

宋拓大觀帖

此大觀帖全冊為味閒軒舊物杜林先生題簽後歸壽樂堂六世至曼如孝廉雖經兵燹不曾失落曼如保護之功大矣甲申歸里曼如以先世舊藏不欲屬之異姓持以貽余余曰得仍藏之貽安老宅六佳話也在京師知壽陽祁文端觀齋藏有大觀帖數卷為宋拓至精本北還亟詣文恪所求校通帖不在手後遂因循未果此拓帝墨甚舊惟前後題字及中間帖不免有攙配處嘗取明刻寶晉堂帖對校自覺勝之古拓流傳七八百年求其一無殘損固六難也首冊前副頁上有錢宮詹題大觀帖三隸書下款癸亥三月錢大昕題錢大昕印竹汀二印首頁上有奇觀喬氏口成大雅黃士麓印陳氏彥廉汪志伊印中丞之章員嶠真逸宋定真蹟九印末頁有仲蘇程家蔚印臣齊態印松阿居士四印餘冊同間少一

二方松阿公印祇首冊有之
石刻鋪敘云大觀初徽宗視淳化帖板已皴裂且王著標題
多誤詔出墨跡更定彙次并武帝一帖合于西晉武帝後擇
七卷後右軍帖內誤入智永書列在第五卷合首卷古帖三
段併而歸一及躋晉宣於晉武之上之類使先後次叙不紊
迨名臣法帖亦然俾蔡京書之及卷首末刻石太清樓下當
時盡出真蹟臨摹定其舛誤非若外方但因石刻翻刊間者
軒帖攷載王澐翁跋賜余深本云道君視淳化帖王著標題
多誤臨摹失真詔出真跡更命蔡京書簽刻石太清樓下其
間更正頗多如子敬授衣一帖已增淳化四十三字與秘書
郎黃伯思所辯正同此刻幾無遺憾每板前小字上題卷數
中題板數下書刻者名長短一體不煩剪裁字畫豐腴自是
一種風景而淡黃藤紙墨色深重爽々有紫光下視人間檀
蠟真輿臺爾帖考又云靖康之變新舊二刻皆淪異地有自
樵場中來者已磨去亮字矣按此帖敘次與鋪敘合晉宣一
帖誤列卷尾乃裝誤子敬授衣帖後三十餘字却無四十三
字亮字已磨去當是南宋樵場來本明晉府寶賢堂帖多由
宋拓大觀帖摹入其行數字數多同之校勘自知也

附錄翁跋三則

漢之碑宋之帖隻立千古然古今賞鑒皆祖淳化而右大觀
蓋淳化雄厚魄力極大有開國之英風後之刻者不能及也
此亦氣運使然耳惜王著選摹不精亦多訛舛此刻瘦者不
礙其雄肥者不失為清勁所以大觀穠纖得中也校核精確
亦足以正王著之失二王帖尤極精妙筆傳神儼如右軍
大令初脫腕者其神流韻間舛欲活也帖中字完善非
宋拓真本曷能若是觀此足徵徽廟之刻精能至矣前賢奉
為墨王此拓足以當之澹園先生何緣得此璵寶書以誌賀
嘉慶丁丑冬十二月八日北平翁方綱

此原石宋羅紋紙拓權場本也每卷有睿思殿印是當時思
陵訪購權場初磨去亮字之善本也末有賈似道印為半間
堂舊物無疑帝墨溫潤古香撲人每一開卷心目暢然誠天
壤間延年益壽之神物也居今日學者從此問津得以上溯
前賢蘊奧受益匪淺鮮也帖自大觀三年至今計歷七百一
十六年數易其主離而復合不知其幾矣矧今日尚能完璧
無一缺逸是大率事此帖藏之名山傳之其人凡所在處當
日有吉祥雲來擁護之也蘇齋老人又書

大觀石刻靖康之變盡為金人擄之北去開禧以後有自權
場中拓來者金人磨去庚元亮帖元亮字以避廢主之諱
此本定為權場本之明證矣紹興十一年和議成次年正月
即置權場于盱眙是時思陵訪購遺物此拓為睿鑒之本無
疑按紹興通和後置權場并盱眙為軍凡權場之法商人資
百千以下者十人為保留其貨之半在場以其半赴泗州博
易俟百物還復易其半以注大商悉拘之以俟北賈之來其
後又置場于光州棗陽安豐軍鎮而金亦于蔡泗唐鄧秦鞏
鳳翔置諸場皆以盱眙為準二十九年並罷乾道初復行之
可知和議初成之際兩國界禁方嚴此拓當是輾轉訪求獲
于敵境以進御者民間固無從見之迨宣宗以還宋金勢皆
垂弱邊防漸弛於是百貨雜陳是帖始之場肆故曹陶齋以
為來自開禧後也由紹興南渡至開禧七八十年權場尚無
此帖曾幼卿石刻鋪叙成于淳祐戊申己後開禧四十餘年
尚不知有權場本更可見不特此帖來者絕少亦如景星鳳
麟矣丁丑除夕前十日記於詩境齋翁方綱

太清樓十本裝潢精好雖略有蠹蝕處而蠶蠟腴古奕動
人翁學士兩跋書于首冊末冊有汪令聞沈歸愚潘文恭三

跋索值奇昂留觀數日還之六月廿六日振甫錄記
按此云太清樓十卷即大觀帖也以列于太清樓故名

舊拓宣和秘閣帖

此帖十卷皆全首題秘閣帖第幾未題宣和二年三月一日
奉聖旨摹勒上石十卷同第一右軍小楷及蘭亭臨鍾二表
諸帖疑缺黃庭經樂毅論海字本兩種以此中海字本類墨
池堂本也第二第三右軍書第四大令書第五王導至王恬
書十七人第六王弘至王慈書十人第七蕭子雲至懷素書
十四人第八歐陽詢至狄仁傑書八人第九褚遂良至褚庭
誨書六人第十李白至畢誠書七人通體帝墨完好拓法精
善筆意鋒芒透露氣足神完宋帖中之致佳本也首冊首頁
上有高氏口成晴嵐解縉仲壽春草堂圖書印李宗鏡印李
氏意西七印餘每種下皆有李氏意西印餘九冊首頁印同
末頁皆有李慎之印柏孫鑑賞二印著錄罕見考訂如左
宋秘閣帖前人著錄攷據極詳獨無有及宣和秘閣者此帖
得之李氏柏孫帝墨並舊神采奕奕雅近宋拓外舅瓶麓
六藏有十冊拓不及此有羊城黃中翰培芳一跋云宣和間

復集取精華別為秘閣帖十卷有宣和小平印其中所采諸王
帖較備雖王方慶所進萬歲通天帖六無其夥至錄顏魯公
張長史書又在絳帖之上而絕少流傳金石家亦少著錄云
別無攷據以證之余按石刻鋪叙云元祐續閣帖至徽宗
建中靖國元年畢工大觀初復因閣帖敘裂詔出墨跡更定
彙次刻石為大觀帖法帖譜系云徽宗既刻大觀帖十卷又
以建中靖國秘閣續帖十卷易其標題去其歲月與官屬名
銜以為後帖又刻孫過庭書譜及貞觀十七帖摠為二十二
卷為太清樓續帖夫既合大觀續閣帖二帖為太清樓續帖
是必有太清樓帖明矣鋪叙中既未詳言間者軒帖考亦只
列大觀帖續閣帖二帖續帖下又注云即太清樓後帖大觀
帖下則云以續帖十卷合大觀帖為大觀太清樓帖是不特
大觀太清樓二帖未分清晰並太清樓帖太清樓後帖亦合
為一矣惟虞舟先生閣帖攷正附有太清樓帖引曹士冕云
淳化秘閣帖雖禁中大災不存而真蹟皆藏御府徽宗朝以
御府所藏真跡奉旨重刻太清樓而參入奇跡甚多其中有
蘭亭者是也因名曰太清樓帖又引法帖譜系注云按大觀
帖大觀太清樓帖今所傳自有兩本而前人多混而為一據

此元祐所刻畢工于建中靖國元年者續閣帖也大觀中重
估閣帖更定位次者大觀帖也此祕閣帖即所謂太清樓帖
也此題宣和二年者或在大觀中刻始至是乃成相隔十年
餘刻時亦不為過久也否則果宣和二年始奉旨勒石則七
年已有禪位之事尚能刻成乎此帖刻成乃以大觀帖十卷
續閣帖十卷益以書證十七帖得二十二卷為太清樓續帖
蓋當時此刻頗為珍重加工精鋟以為實勝前帖故轉以前
刻諸帖為之續也如曹士冕所云雖未詳著其勒石之年月
及所收各帖之目而云參入奇蹟甚多有蘭亭者是則此帖
無一不合後人疑不能明只以石刻鋪叙中有大觀帖刊石
太清樓下一語將大觀誤作太清樓帖而以續閣帖為太清
樓後帖于是大觀太清混不能分孫退谷遂沿其誤未加深
攷而宣和一帖又不經見且未標題太清樓字而太清樓帖
遂佚而不傳而此宣和祕閣帖又以著錄家所未道即見之
上視為泛常無有津、而道者矣虛舟所引曹士冕數語其
為斯帖之功臣乎偶抒一得存俟續攷 丙申暮春

又按續閣帖經始于元祐五年庚午至建中靖國元年畢工
中歷十一年大觀帖必未久即續刻至大觀三年畢工帖尾

署大觀故傳為大觀帖計刻時六歷七八年此帖署宣和二
年三月一日中隔十二年自是大觀畢工後又奉旨更勒此
帖其署年蓋皆畢工之日而非奉旨之日也迨至七年金人
入寇傳位太子戎馬倥傯無復有拓帖之清典至靖康二年
二字北去石亦不知竟歸何所以故流傳絕少後人不待經
見而因有太清之目無已乃以大觀及續閣帖實之然法帖
証系固明指二十二卷者為太清樓續帖非直指為太清
樓帖則合之曹士冕所云與証系注云大觀太清自有二本
此帖定是太清樓帖無疑至譜系注中猶云大觀帖大觀太
清樓帖大觀二字尚是沿相傳之訛耳此則與此帖中說為長
或曰太清樓帖著錄家不一其說宣和秘閣帖又絕無人道
及者乃以此帖為太清樓帖未免臆斷且安知所謂太清樓
帖非即指續閣帖之有蘭亭者是譜系所云大觀帖大觀太
清樓帖自有二本其說必可據乎余曰不然曹士冕法帖証
系成于景定壬戌距南渡才逾百年其時拓本尚多不應舛
誤況一朝刻帖之緒豈有不深考者其所云必非大觀明
矣亦決非續閣帖畢工于建中靖國元年者又明矣又據寶
刻叢編書譜十七帖皆于大觀二年刊石太清樓下可見此

宣和秘閣帖未刻成時所謂大觀帖續閣帖及書譜十七帖
刻石具在直至斯帖畢工名曰太清樓帖然後合前帖總為
二十二卷為太清續帖然在景定曹士冕著誼系時已云大
觀太清二帖前人多混而為一則又何恆後人莫名太清樓
帖之為何本乎然余未觀續閣帖又烏知不更有所謂太清
樓帖它日得諸家著錄暨各帖相與參校方足以定是非固

不敢謂今日之說必無差謬也

元祐續閣帖未之見就大觀帖與斯帖詳校第一冊右軍小

楷大觀內只有宣示一表二冊右軍三十一帖大觀有十四
帖三冊右軍廿六帖大觀有十帖內有一帖誤裝十卷後四

冊大令三十一帖大觀有二十帖五冊晉十七人二十七帖
大觀有十七帖六冊晉六朝十人十三帖大觀有五帖七冊

六朝十四人十六帖大觀有七帖八冊唐八人二十帖大觀
有二帖九冊唐六人十四帖大觀有三帖十冊唐七人九帖

大觀全無以此計之與大觀復者不過十之四曹士冕謂取
御府真跡重摹而參入奇蹟實信而有徵惟七冊蕭確書與

九冊褚庭誨書文同五冊有晉侍中王彬七冊又有梁吏部
尚書王彬書文又同必有一失想當日軍書荀午奴促藏事

遂未暇細檢也。竭半日之力校竟誌此。三月望後二日兩窓無事將此帖與大觀等帖覆校一過。知此帖所收大觀所無者。律帖多有續閣帖未見。搨本無從攷。援則當宣和摹此帖時。除御府真蹟外。必多取材于潘駙馬。帖或竟詔取墨跡。撫勒亦未可知。近世所行絳帖。展轉撫刻。與舊傳二十卷者本已不符。則此中現行十二卷。絳帖所無者。又安知不即石潘駙馬原刻二十卷中乎。不然。又何以散見于戲魚堂帖中也。凡諸卷校明者。均以硃筆標明。並記總目于各卷後。大約此帖二王書除增入小楷蘭亭數種外。餘較閣帖大觀無甚新異。晉與六朝六都習見之品。所不經見者。唐人各種而已。此固宣和天子好事者所為也。異日能得續閣帖一種。互相參攷。仿籀林先生閣帖攷正輯為宣和秘閣帖考一卷。詳人所略。不足補言。宋帖家所不及。或六菴林所樂觀者乎。

大觀為閣帖之嫡派。宣和乃大觀之別支。嘗綜二帖較之大觀。多婀娜而少剛健。宣和多劉健而少婀娜。論氣韻品格。自以大觀為勝。然古茂皆不及閣帖也。余藏有銀定閣帖殘葉。賁帝拓閣帖殘葉。皆古雅可玩。若律帖十二卷。則章溪先生

所謂偽絳帖是也若臨江帖則覆本並与原刻卷數不合帖
六羅弱不足取則大觀宣和二帖當為吾齋中宋帖之冠絳
帖臨江直奴視之矣戊己間在京師復得二王帖淳熙秘閣
續帖二殘本錄于後即以媿大觀宣和耳

宋搨右軍六十帖

是帖退谷間者軒帖考慮冊古今法帖考俱不載首題右軍
六十帖末署紹興二年春摹勒上石皆隸書卷一第一行題
晉王羲之書共十八帖卷二第一行六題晉王羲之書共十
九帖計三十七帖尚缺二十三帖當是三卷佚其末卷也墨
色極厚帝色頗黃類宣和帖拓法而刻法甚圓渾饒古厚之
趣非各帖傳刻諸本所能及也六得之鉄嶺李氏卷一首頁
上有秘府自天祐之吉無不利米希之印遼左高氏伊園藏
書画印四印三頁有高氏書籍印十二頁有伊園高氏珍藏
印屬庭張保勳印三印卷二首頁印同五頁有高氏書籍印
十二頁有高氏珍藏一印相傳南宋刻有二王帖未見舊拓
全冊此殆是二王帖缺大令書又缺右軍之第三卷者

宋搨淳熙秘閣續法帖

此帖祇第一第五第七第八四冊按淳熙秘閣續帖十卷淳熙十二年被旨摹勒入石乃南渡後續得晉唐遺墨所摹目見石刻鋪叙此第一卷鍾繇王羲之十五開第五卷李白胡英李邕白居易書五帖十開又半第七卷李陽冰李德裕畢誠李商隱書九開而多孫思邈狄仁傑顏真卿書及張長史率意帖十開又半是第三卷失去歐陽詢蕭瑀褚庭誨三家併入者第八卷懷素草書廿八開是雖四卷據目錄實有五卷而有鍾繇力命表小楷卷一末又附有四卷明皇批荅裴耀卿等奏狀小楷兩開半惜僅有奏狀失去批荅五卷內顏魯公祭姪文送劉太冲序皆各帖中所不經見者帝白墨厚腴潤非常与絳帖殘本拓法相似洵宋帖中不可多得之品也第一首頁有南昌袁氏家藏珍玩子孫永保翰林學士院印錢泳私印立犀審定樹鏞宋定鄒江李氏文房共六印末頁有張氏琬玩子孫永寶二印裴奏上有袁氏翰林二印又鄭齋未有葉志說宋定記錢泳私印二印對頁上有春湖集石雨先生跋及祇良跋語均初藏強一印第五首頁南昌袁

氏翰林學士院立羣葉志說李氏等五印末頁張氏葉等三
印第七首頁有袁氏翰林二印末頁有張氏二印蘇鄰鑑藏
一印第八首頁有袁氏翰林李氏三印末頁有張氏二印立
羣錢泳蘇鄰等三印又銖沙沈樹鏞鑑藏印小山眼福扶山
審定武陵華伯子書四印葉志說一印藺石先生泥金小
楷跋語李跋在第一前副頁上

淳熙秘閣帖凡十卷是冊開第二第六第九第十共四卷各
卷亦間有散失三卷內孫思邈秋梁公張長史顏魯公諸帖
乃誤裝入第七卷後此帖近時頗罕見雖非全璧而所得過
半魏晉以來流風遺韻挹之不盡笠畊同卿鑒藏名蹟甚富
筆法駿入古知其得力深矣 道光乙酉大雪日臨川李

宗瀚觀并識

宗瀚印

曩見劉文清公所藏星鳳樓褚黃庭品為諸書第一此奏神
韻絕似之 宗瀚 宗瀚

明皇批荅雄秀絕倫絳帖集桓山頌獻之書六字駕名大令
惜此佚之香光刺之戲鴻堂亦僅收前奏不可解也尚先覓
此帖目云唐明皇批荅裴耀卿等奏而所刻者僅耀卿一疏
並未載明皇御批或原石有之此本已散失細審用筆圓厚

堅蒼却無一平筆是深得右軍書灋者較樂毅諸刻尤精采
余手摹數十通毫不能得其蹊徑行年四十有六目昏手顫
劣不成書雖臨池小技亦無可觀其他可想見良足愧夫
道光己丑正月十九日跋 斌良 斌良

祕閣續帖摹刻視淳化大觀差遜然所收特富固足以津逮
來學笠耕同鄉得此宜書之直追古人也 莆田郭尚先

舊拓右軍十七帖

十七帖刻本最夥王山史謂唐人摹刻与弓尾有勅字及解
褚勒定者為佳此冊帑墨頗舊筆意均能傳出雖未見澄心
太清諸舊本較之臨江所摹刻者特見圓腴是宋單行本之
致佳者帖裝十五開末有勅字及解褚題字正帖上無收藏

印後跋紙邊上有祖香所藏花奴秘玩二印

十七帖世侈談之出自臨本未免抵掌優孟轉摹轉勒更唐
無鹽以當西施余每喜孟遷之能書今春過宣陽觀其古硯
冬再過觀此帖孟遷蓄古人筆蹟甚廣當以此第一每思右
軍當時書名矜貴千載之下猶以搨本珍重人間其精盖有
以冒之也精光所授非其人莫取余愧前身因淺得見此二

物若有一段奇緣所獲者不偶所藏者不薄不能無嘆于孟
遷矣左披帖而右據硯雖有世玩不與易也其能書有以夫
崇禎壬申季冬月書于宣化容舍 邱園居士嘉彩 煥

十七帖述

華山王弘撰山史著

晉會稽內史右軍將軍王羲之字逸少永和十一年稱疾去
郡為文誓墓朝廷以其誓苦不復徵之此帖前人謂皆與周
益州者周名撫字道和永和三年桓溫攻成都李勢降以撫
代母邱奧為益州刺史進爵建成公征西督護進鎮西將軍
在官三十餘年有惠政卒蜀人廟祀之帖中多言蜀事又按
淳化帖有一帖云周益州送此印竹杖卿尊長或洎此今送
則此帖謂是與周者可信而中有數帖非與周語來禽帖字
僧邦詩謂與桓宣武楊用修四川志只載八帖諸君平鑒此嚴
二十有七以第一帖首字名篇故曰十七帖張彥遠法書要
錄云十七帖長一丈二尺即貞觀中內本一百七行九百四
十三字是烜赫著名帖也黃長睿東觀餘論云十七帖多臨
本永禪師虞世南褚庭誨臨字皆不甚遠故書有數本皆不
同南唐李後主勒石澄心堂者乃賀知章臨本宋魏泰家有

硬黃本淳熙秘閣續帖亦有刻淳化帖多殘缺今世所傳者雖非右軍真跡然皆出于右軍要皆不及唐人摹刻与尾有

勅字

及解褚勒定者為佳也

道光甲申首夏書於寶安官

解長白觀瑞

瑞觀

消夏記云唐文皇收右軍遺跡率以一丈二尺為一卷因首有十七字故名十七帖李後主得賀知章臨本刻之澄心堂大觀中又刻之太清樓俱精工至唐人雙鉤墨跡後有勅字者萬厯中在京師王思延家濟南邢子愿借之上石亦甚蒼勁有致不遜宋刻國變後此石不存後人恐未得見也又言李後主刻本於山東人家得之精妙如手書後有悅生印乃賈相所藏也竹雲題跋云唐摹硬黃十七帖前明神廟時藏邢太僕子愿手自摹刻于米禽館為天下十七帖第一比之世俗流傳本少一十五行蓋脫失也此宋拓全本為錫山秦氏所摹不惟与世俗流傳本天地懸隔并与唐摹本微不同如吳之為乞養之為義不之為不樓之為楊筆法全異余見十七帖不下百數米禽館刻本外惟此為最據此此本有勅字是唐人雙鉤本也又有悅生印又似李後主所刻賀知章臨本也然謂唐摹本則行數不缺且与戲魚堂本校看實同

出一源是唐人雙鉤本在宋時固早已摹刻特墨本流傳至邢子愿又刻之失却十五行耳至此本亦有悅生印是否即賀知章臨本則非得澄心堂本太清樓本合校不能證明矣丙申二月望前一日記

秋初于舊山廬見沈均初所藏秦刻十七帖殘頁後有邢子愿跋語行數字數並筆法与此皆不同然有國初諸老跋皆推為致佳本未及携歸細校審其墨法搨法近于明豈邢刻之外又有此種刻于秦中耶

宋拓博古堂帖小楷二種

第一種黃庭殘字計存六行下半五字至二字不等九行上半十一二字至四五字不等二種柳書護命經二十行全按博古堂係翻越州石氏帖此本帝墨極古無異石氏章紹先生鑒定知必与石氏帖校看而得附抗本十三行前後二拓黃庭帖上有宏農楊氏世家宏農蘇益神品繼震神奇達受之印友石經眼共七印紙邊上楊字圓印湯雨生審定書画印龍山琴隱還讀我書齋圖書又雲天滕漫仕五印護命經上有星鳳貽汾釋達受印天平玉佛庵神奇繼震友石經眼

七印紙邊上有神品江南第一風流公子楊繼震印亦復誰
能解此黃氏去塵五印十三行上有楊字方印貽汾繼震湯
貽汾印星鳳神品友石審定世松私印神奇又雲收藏十印
綾邊覃溪題洛神十三行杭本七小隸字下跋明長洲章氏
墨池堂一段又雲所藏友石經眼二印紙邊上又雲鑒定又
一蘇齋黃氏去塵三印第二種十三行上楊字方印神奇又
雲收藏神品星鳳繼震湯貽汾印黃氏去塵友石經眼九印
帝邊上蘇齋鉄雲繼振二印第一副頁有詩境蘇齋摹本六
字題簽乃覃溪先生書有蘇陸齋印又楊簡侯晉少谷潘伯
寅題簽三二頁上有覃溪手書籤曰舊拓小楷三種四本嘉
慶甲戌仲冬重裱兩旁注宋末重刻越州石氏估二種黃庭
後半護命經杭州玉版十三行一樣二本六舟和尚題簽一
係篆書又兩生蘇空宏農潯寶天涯乞食人星鳳堂楊繼振
印叔重珍賞黃氏去塵月媽妻徐所掌九印四頁上又雲題
註三帝另粘前後翁跋上有楊字方印二泉山人繼振蔡世
松印友石蓮公又雲秘笈口必里宏農又雲收藏蘇空又雲
猗歟又雲二泉山人壯夫不為古羊舌氏繼振北海蘇齋又
雲蔡友石借閱一過等印計帖四開九開翁跋又二開晉唐

數日來喜作小楷偶見此冊前有空紙輒略品定之然此三種皆非其至者

此一冊凡三帖皆稍舊之本若論書品或取柳書護命經耶此與黃庭殘字皆南宋之末不知何人從越州石氏帖重摹

上石者後來長洲文氏又依此摹入傳雲館帖

昔褚河南親定右軍書目於正楷取三種第一樂毅論第二

黃庭經第三東方畫像贊也三帖皆在宋元祐秘閣帖岳倦翁嘗嘆美之而東方贊後來所傳訖不得真黃庭惟鼎帖稍近之非此冊之本也其可彷彿追槩凡之秘者獨有樂毅耳

方綱章

文衡山精詣全在小楷故其所摹刻諸帖惟小楷最工其鐫者章氏父子又皆良工於古人用筆之妙毫髮不失傳雲館第一卷晉唐小字多是從越州石氏帖出宋越州石照明家藏石墨最富南宋之初洪文惠知越州日撰隸釋嘗假其家碑刻而石氏此帖至今世傳者絕少孫退谷鑒藏雖博亦未見之而退谷撰帖考內云宋人集諸家善本名曰博古堂帖驗其帖目則即是越州石氏帖也然則此冊內之黃庭殘字柳書護命經及樂毅論海字本洛神十三行之類是皆宋末

坊賈所重摹之博古堂帖與六可借以存石氏帖耳

鐫

按此跋非跋此帖者隨意錄之以見博古帖之由來耳
宋越州石氏帖在宋時如曹士冕法帖譜系曾宏父石刻鋪
叙載當時刻帖頗詳皆遺漏此帖惟陳思寶刻叢編有之至
宋末博古堂帖是尔日坊賈以越州石氏帖重刻孫退谷曹
倦圃皆有之而未知其為越州石氏帖所翻也文徵仲在孫
曹之前應悉知其來處然如樂毅論黃庭經全本文氏皆莫
知其來處何怪此黃庭殘本及護命經莫知來處乎樂毅論
不全本末缺三短行章仲玉猶知之以摹刻入墨池堂帖六
不告於文氏父子其由全而缺相傳付受之原委文衡山及
二承兄弟皆不知也樂毅黃庭文氏皆取不全本列於全本
之次以見其所採之博然樂毅不全者即所謂海字本也宋
時極重之文氏特未攷耳其刻此尚有裨益至若黃庭不全
本豈惟文氏所未詳攷即宋越州石氏已未著其所自來安
得以鑒藏名家所論次与坊賈共笑耶是惡得以勿辨

嘉慶乙亥春二月四日石畫軒識

翁印

銘

褚公所品黃庭經六十行與山陰道士者唐人盖有模傳之
本元祐秘閣帖有之未必出吳通微也又有首尾純七言者

董文敏謂墨池為之放光嘗見其本實在秘閣之下又有鎮海本即類井石刻中間清且涼下脫失一行廿有一字又不止在秘閣本下矣至若越州石氏帖所稱黃庭遺字即此內殘本也不特字多殘失而行次亦略有移易石氏入石時已不言所自來後人復何從而推究之所以刻古帖必詳跋其所從出之原委及入石之歲月乃為有益耳二月六日書

此黃庭殘本與柳護命經蓋宋末坊賈所勒博古堂帖

黃庭經凡六十行此殘本略存者前十四行之下半數字中

間九行之上半數字耳後有辛亥一跋倪瓚為公采題辛亥是明洪武四年雲林年七十一矣此恐是唐以後別摹者字

視秘閣本較大其第九行第十四行之末皆視原本位置稍易耳

此黃庭殘本不僅移易行次也即用筆結體亦已多有不同正與樂毅論殘本相匹對然樂毅殘本屢見稱于歐趙王順

伯諸家而此黃庭殘字未之前聞也

柳書小楷世不多見此護命經在開成二年丁巳柳諫議年六十四矣謝列本或作開米元立學柳書金剛經是會昌四年書又在此後七年則柳諫議年七十二矣

評柳書者推馮宿碑以為可擬虞書廟堂碑然尚不及李西
平碑也若神策軍碑家著稱實亦不能在柳書諸碑之上米
老雖嘗學柳而其論書頗不慙服豈其未見此護命經耶
柳公權諸葛祠碑在大楷中却能得黃庭遺意其碑陰亦

公綽書人多忽之

譚

明長洲章氏墨池堂第一卷之十三行泐勢及用筆一依此
本彼是萬歷三十年所摹勒則此在前可知章氏所題王獻
之書四字在嬉字右方者亦即此中書令下之四字雖對
驗如此然章氏所見或是宋時原刻未必是此拓也詳具後
頁

抗本洛神十三行吾家蘿軒先生息影山莊所藏石也此本
是其初拓今所罕選矣乾隆戊辰秋七月予讀書于城東育
嬰堂客坐之東軒一日陸鎮堂與同學高湛如深見過談及
楷法高湛如云所藏舊拓皇甫君碑及抗本玉版十三行明
日當持來為贈即此是也自此時臨寫此帖是時年十六
矣始知用意研習小楷至甲辰冬以講官詹事入直西苑直
廬新堊壁院吏鋪素紙為書程子四箴同直諸公謂用抗本
十三行筆意也然此十三行實尚非大令真本所摹

詳具後特

因幼時所習風味如昨是以觸緒記此非果許此為洛神十
三行定本耳 乙亥二月八日石畫軒書

方綱錄

此一本拓稍在後者尚勝近日之本
杭州姚字女鸞筆篆意也近日翻本失之此其驗也

旗即旗也杭本記木旁瓊右四未知其何以異
洛神十三行以今所見品次於左

汝帖僅五行其鐫工稍麤今泐壞全不可辨矣就宋拓驗之
亦與越州石氏本同所自出但字稍展放耳自以越州石氏

帖為正矩可以想見山陰家法宋本翻有肥瘦不同肥者又
非一本傳雲後肥本出皆越州石氏所傳此十三行上品次

則唐荆川本董文敏推為天下第一何義門以為宋臨何說
是也重摹有元晏本此為次品矣又如快雪之前一本亦荆

川所重摹又如杭州本雖有盛名當在此諸本下此其再次
品也惟快雪之後一本嘗目驗其墨跡不應入於品錄

此洛神十三行杭州本是吾家羅軒先生所購玉石刻與宋
末賈似道刻於于闐碧玉之原本形神絲忽不差向來謂此

即宋時原本也今日藝林所共賞者杭本惟此而已及後汪
孟慈篋得見宋刻本諦審豪芒公際

悅晉其日上原刻無無下二點

其下下
本原勢
混不似石矣
雖尚
女採近
旁明滑
雖珠而和
同或有子
其字骨予
圓戈力字
勢脚中
而末數著
原超右本
本原無
古本無
幼分欠潛
明字淵
今非而
此石而
趨泓字
舍今右

始知此是重刻即朱文益云其從祖四桂老人親見玉工所
鑄者也近又有翻本姚女旁誤者又不必言矣
鑄變勢重

翻大之
耳本令又
川本即董原失
東昌二地翻不董及文本此
趙氏翻本武進州推無論
石為說本
義第此
以著杭本之
原委與毘陵唐荆

晉唐小楷品次
事心相類
甲戌四月六日書示樹崐
近有

上品
樂毅論全本
元祐秘閣刻元符間訖工
又越州學舍

洛神十三行
傳雲館之前一本
越州石氏本
南宋末再刻
傳雲本

褚陰符經
越州石氏本
宋末再刻
傳雲本
鼎

黃庭經
全本
元祐秘閣刻
宋末再刻
傳雲本
鼎

帖摹刻
宋末再刻
傳雲又刻
鼎

東方畫像贊
越州石氏刻
宋末再刻
傳雲又刻
鼎

以又必十
品不是三
次是行
此之
種上
原目
委未
尚見
特古
詳招
考且
也即
至此
若三
華果
亭董
氏相
兩承
刻尚
之本
可亦

破邪論序

越州石氏本

宋末再刻

傳雲刻

以上略舉上品晉四種唐三種力命更古更在前姑以俟

次品 古拓快雪之力命又在季直下矣霜寒亦俟之

樂毅論

不全本

石氏

宋末刻

傳雲

曹娥碑

率更心經

褚西昇經

柳護命經

黃庭經

不全本

再次品

毗陵唐氏十三行

元晏本

宋末重翻樂毅論

江邨重刻

杭州本十三行

其餘若七言通幅之黃庭又如頴上黃庭又如蠻岡戲鴻

快雪之樂毅論概不入此

嘉慶乙亥春二月十一日蘇齋記

翁方綱

翁跋謂從汪孟慈處得見宋刻晉字日上無泐痕然余見杭

本拓在前者日上尚無泐痕
先生跋中謂杭州十三行即朱文盛云其後祖四桂老人親
見玉工所鐫者此說非也四桂老人所見殆翻杭本耳此杭
本殆即賈秋壑刻於于闐碧玉者此說曾質之同館費此懷
此裏並言曾見四桂老人所見重刻本後有跋語確非此杭
本此節頗關攸證不可以不辨
賈秋壑刻於于闐碧玉者何以見即此杭本予所得蘇鄰所
藏十三行兩種其杭州本上有姜西溟題簽曰武林綠石本
則碧玉本杭州本武林綠石本同為一本其為秋壑所刻無
疑也覃溪考勘偏旁數處殆所見後拓本而汪孟慈篋中所
藏乃其最初精拓者也一時未及詳宋遂疑此為翻刻而目
汪本為宋刻原石予嘗見清儀閣所藏剪本後歸楊又雲者
晉字中實未泐合字無黍米點後有大瓢蘿邨二跋又見胡
酉生藏本与之同但無後二跋想此二跋乃另石所鐫或拓
時遺之或裝時失去至後拓注無有者則疑由翁氏售出
將跋石留之亦未可知也

舊搨秘閣二王小楷七種

有翁題字惜蠹蝕不全

此即王元
黃庭殘字

此是越州
以其口口

曹娥碑

曹娥碑
吳門陸

黃庭經
而文氏

星鳳帖勒于紹聖三年是尚在哲宗時石氏帖之刻當在南
渡初則星鳳在前矣惟星鳳至南宋時又重摹余所見者皆
南宋本其原刻与元祐秘閣帖不可見故覃溪于黃庭目為
秘閣于殘字則目為石氏而不及星鳳或亦一時失攷耳
於眉士處見舊拓星鳳帖六南宋重摹者段歸細校其中小
楷与此冊各種絲忽無異並泐紋線紋亦同則此冊出自星
鳳無疑予亦得星鳳八冊獨少小楷及大令二冊以此補之
僅缺蘭亭二種暨大令廿一帖耳
黃庭全本樂毅海字本曹娥碑三種与絳帖絕相似按星鳳
小楷本出于絳亦可見當時摹勒之妙能不差累黍也
所藏宣和秘閣二冊皆無大令十三行則此冊中之十三行
殆非星鳳即絳矣

舊拓晉唐小楷八冊

此八冊兩次所得前四冊至舊後四冊次之却喜無多重複
集成亦正不易多斯記之庶便觀覽

第一冊黃庭經四開四行樂毅海字本兩開二行予定為舊
絳本拓法不甚濃厚而神氣特勝黃庭上有寧陽田氏珍藏

金石書畫之印樂毅上有長宜子孫印帖末有古吳平江路
盧世昌藏於雪舫精舍棹葉庵主陸鼎觀於墨佛龕中庚申
秋八月澄江孔昭孔旌邑湯銘同觀三行題字有盧世昌吳
郡陸鼎寶漢金金石書畫之印富貴昌宜襄古情深五印
第二冊曹娥碑兩開三行東方畫像贊兩開半又一行蘭亭
叙三開半曹娥畫贊六行本蘭亭則摹定武五字損本未詳
所出拓法亦自佳曹娥帖首有崢陽田氏珍藏金石書畫之
印末有長宜子孫印畫贊無印蘭亭上有懷古情深印帝邊
上有寶漢齋金石書畫之印

第三冊洛神十三行絳本一開又二行宣示表三開出師頌
一開半俱墨池堂帖拓極精又馬周等題名半頁三行出師
頌有寶漢金金石書畫之印在帖尾

第四冊破邪論序三開半又一行六舊絳本拓極佳筆圓
渾在停雲所摹之上墓田丙舍帖一開智永集右軍書兩開
六皆墨池堂帖精拓本魯公小字仙壇記兩開半筆意頗古
未詳所出破邪論首頁有崢陽田氏珍藏金石書畫之印長
宜子孫二印仙壇記末有楊晉子崔王閔之印三印
第五冊右軍臨鍾昨疏還示帖一開有半停雲舊拓本極腴

戎路表兩開宣示表三開戎路刻不精而有古意宣示頗嫌
不及墨池矣樂毅海字本三開則傳雲精拓也還示帖後有
朱之赤鑒定高士奇圖書印玉堂清暇田鎮平生真賞四印
戎路表下有辛巖珍賞南昌袁氏收藏二印宣示表上有曾
經卓觀樓藏印及袁氏一印樂毅前有田鎮一印末有袁氏
及田鎮平生真賞二印而處文衡山印則偽也

第六冊曹娥碑三開半未詳所出拓近舊而刻不精未免有
俗韻也畫贊四開一行墨池堂本拓亦舊而不及第四冊之
丙舍帖集右軍書矣曹娥碑前有真賞辛巖珍賞二印末有
南昌袁氏收藏武進費氏兆銀之印畫贊下有朱之赤鑒定
玉堂清暇田鎮平生真賞三印

第七冊黃庭經八開墨池堂本拓与前冊畫贊略同十三行
二開傳雲精拓本黃庭前有真賞辛巖珍賞二印末有南昌
袁氏及田鎮二印十三行帖尾有朱之赤鑒定田鎮平生真
賞二印

第八冊率更心經二開傳雲本裴度西昇經八開疑玉烟堂
本心經前有真賞辛巖珍賞二印末有費兆銀印石賓田鎮
三印西昇經前有田鎮平生真賞印末有曾經卓觀樓藏印

右晉唐小楷八冊皆山右田氏所藏前四冊同治辛未所得越三年甲戌復得後四冊雖不及前四冊之精六皆是舊拓蓋一家之物仍屬一家也計得晉十八種唐四種重者六種而非一本所出前人裒輯之勞良非易余既彙此八冊復多方搜羅更集為八冊題曰蘭雪齋集晉唐小楷以多為貴不能十分精擇其中佳拓心復不少物聚於所好諒哉

舊拓鍾王小楷五種

裝四小冊一冊薦季直表四開力命表三開二冊樂毅論全本十一開半三冊黃庭經十四開四冊曹娥碑六開此拓与傳雲所摹小楷相近初頗疑為博古堂帖及細校不能盡符審其帝墨雅近宋拓刻法亦頗饒古拙之意又非明人所能季直表下有悅生胡廬印彭城開國印力命表下有文府寶傳胡廬印台州口房務抵當庫記及紹興小璽知此帖必出南宋人手品格當在博古之上也季直表前有大觀清監長嘯松石齋四印末有成郭之印子青成氏真賞秋筍山房四印力命表前有大觀清監郭字三印末有成郭之印秋筍山房成氏真賞成氏之印四印樂毅前有李字大觀成氏真賞

清監勤伯鑒定五印末有成郭之印蕭乘鸞印茂苑韓氏園書三槐堂印清監五印對頁上子孫寶之一印黃庭前四印同季直表多成氏真賞一印末有子青成子渤三印蕭韓三槐三印同上曹娥前有大觀清監郭字三印末有秋筍山房成氏之印成氏真賞成勃子青珍玩五印各冊上副頁皆有性存堂印

附錄覃溪先生樂毅論攷

樂毅論二種其全文者元祐秘閣本也其不全者高紳學士家藏石所謂海字本也秘閣本是梁唐所摹南宋初越州學舍有重刻石視原本稍瘦未能傳其神理至南宋末此本又重勒石有人用絹素臨之依其行次結構而筆法稍變此墨蹟為吳江邨所得刻石于餘清齋董文敏邢子愿王庶舟皆歎賞推為定本惟張米庵知為宋後臨本耳此是元祐秘閣本學舍本遞傳之派也海字本者舊刻石已殘闕後半僅剩三短行末一行止存一海字石被人取為砧高紳學士奉使道中聞砧聲清遠因買得之其石傳至無錫徐氏至南宋末名已泐損不可拓矣惟有越州石氏帖所刻是此海字本之真影至宋末又有博古堂帖以越州石氏本重勒石筆意稍

近方板精神微遜之矣然尚在吳氏餘清齋之上也其後博古堂本又失去末三短行長洲文氏遂據以刻入傳雲館帖之第二本自此竟莫知其為海字本矣章氏墨池堂所刻乃是越州刻海字原本為可信也然傳雲館之前本全文實自越州學舍本摹出筆意纖豪具備最能傳古本之真意傳雲館此石後未又屢經重翻則又去之千里矣大約樂毅論全文莫善於傳雲之前一本其不全者莫善於章氏墨池本惟賴此二本足舊蹟之券耳餘清齋本雖亦有足擇而古法因之一變矣至於懌岡齋戲鴻堂快雪堂諸本甚至末加褚公系銜有貞觀六年奉勅審定之語不知褚公貞觀十年以後方出仕豈有貞觀六年已封河南郡公之事其帖之偽不待言耳 偶錄拙撰帖考嘉慶丁丑十二月朔八十五叟方綱

宋捐佛遺教經

此冊摹勒精妙墨光如漆鋒芒透露元氣渾淪看似平常臨寫時一筆不能似宋拓宋刻無疑也帖後無跋不待攷其所自来李氏謂為墨池祖本校勘非也帖裝十一開又半首頁有小茶祕玩傳之子孫李氏家藏三印絹邊上有一衍子印

末有李氏意西小琴眼福田壩之章三印緝邊上有田壩印
樸谷二印張跋在前副頁李書數語泥金在末頁帖上
右軍書如鸞翔鳳翥似奇反正不可仿弗董思翁云楷法以
黃庭為宗然予酷嗜蘭亭敘章法為古今第一不特字入
法而天真爛熳波態橫生儼乎化矣真神品也此本乃宋人
搨本既得正平更追險絕不少山陰矩度亦足寶耳余學書
近二十年初學晉人中間復入唐室數年比來又愛宋人愛
博而情不專愈雜愈拙成野狐禪學者能守此帖而細參之
自得正法眼藏矣 雍正八年庚戌六月廿又八日題于廟
子灣權舍山陰情田農張機之印 度省
此冊的係北宋拓本章氏墨池堂刻即從此摹得然氣韻之
古厚遠不逮此

舊搨佛遺教經

此搨帝墨頗類舊藏絳帖小楷錢葉筆意虛含圓融渾厚必
非後來所摹各種楷帖能及右軍典型可想見也與墨池摹
本然忽不差其為祖本不必疑也帖裝十開有半內缺一開
自遠離至有智十二行二百二十四字首副頁上有文休承

泥金小楷心經一篇係磁青帝惜金色已褪又解坦居士畫
尊者像一開首頁上有能坦氏純白之表楊紹和鑒定字存
畫室四印末有東郡楊氏海源閣珍藏一印

右軍小楷若黃庭若樂毅各帖中皆有摹刻本獨佛遺教經
只墨池玉烟有之宋帖中皆未之見也即所傳越州石氏帖
博古堂帖專收小楷者亦未之前聞然細審筆法在黃庭樂
毅間疑非後人所能偽為也若以年代久遠真蹟難憑則黃
庭經猶有謂為吳通微書者樂毅論猶以為王著偽作者此
佛遺教經更不足信矣虞舟先生議論極好謂論晉唐小楷
于今日但須問佳惡不必辨真偽但得古雅純質不失右軍
筆法雖目為右軍可也吾於此帖亦云是帖予凡藏六種李
氏宋拓本為上此海源閣本次之墨池堂本又次之玉烟本
軟濃墨池本板另一本字畫拙滯自鄒以下矣
覃溪先生攷訂晉唐小楷極詳而獨不及佛遺教經章氏刻
之墨池堂亦不言所自來遂令後人無可考究此拓實致佳
本為墨池祖本無疑轉折圓處時露趙法遂有疑為松雪所
書者然其結構古厚非水晶宮所及也

北宋搨真定武蘭亭叙五字殊字未損本

曩得字拓醴泉銘聖教序常念定武蘭亭不知尚有真本在世否己丑之秋果得此卷于粵東何氏審知崇兩於中丞舊藏帝墨古雅流傳有緒雖價重連城足慰生平志願矣趙子固落水蘭亭松雪跋謂五字已損者與獨孤本無異此乃五字未鏡並殊字未損證之姜堯章偏看考及章溪先生蘭亭攷一、符合誠希世之珍也帖高八寸八分長二尺三分未剪共二十八行後空一行自文公以下題識皆佳惟前後年次多紊特略叙其次錄之印識尤多併記于後而以題首題

登冠于前焉
天際神龍隸書

宋旭題
名門

北宋拓五字未損真定武蘭亭叙
巢翁老兄屬題
西陂

宋華
宋華

宋拓定武蘭亭帖卷
殊字未損本
脩亭藏
德潛題

宋拓定武蘭亭卷
蘭亭為真行之祖定武為石本之聖此

卷流傳有緒真冠世之寶也
咸豐丁巳閏五月廿八日覺
羅崇恩題
南

世傳王羲之書蘭亭敘惟定武所藏石刻獨得其真乃歐陽詢所摹刻之唐內府者也熹嘗見三本紙墨不同而字跡無異縉紳題者剖析毫末議論紛然大約奇秀渾成無如此拓陳舍人至淵東極論書法携此本觀之看來後世書者刻者不能及矣亦可為一嘖云 淳熙壬寅歲淵東提舉常平司新安朱熹記

朱熹之印

至順辛未夏五之望河東張翥觀

張翥之印

定武古本騫然如蛟虬變態燦然耀采楮墨間觀者眩目晦

翁先生跋令人追仰前脩凜然興敬

丁未春三月渭漁出

此示觀

東里王冕題

王冕子元章子孫

昔坡公題德州士人家藏東方畫贊有云畫贊世多本唯德州者第一君所藏又為德州第一今觀此定州本稷帖真右軍血嗣後有宋賢朱文公題語按歲月迄今已一百八十六年矣文辭筆墨燦然如新而捐工蠶蠟豪鋸畢現又是今世所傳定武真本第一予於是帖豈敢妄言哉即以坡公題畫贊之語移贊斯帖歸之渭漁應不笑為溢美也 至正二十

七年四月十五日

揭泌識

泌

右定武蘭亭惟北宋慶厯間拓本五字未損最為可貴此本

南宋時藏陳舍人家當時蘭亭諸刻雜出無有能及之者朱
文公論之當矣予按南宋紀淳熙八年八月太子侍讀楊萬
里疏舉公等六十八人於宰相王淮之前故公於九月授提
舉浙東常平茶鹽而公題帖在壬寅歲是淳熙九年也此本
自宗元以來諸賢題觀皆稱定武的本而文公手澤尤足以
動人感嘆欽慕之不已也今南村俾予題識拜書於後

洪武壬戌二月陳文東

陳印

蘭亭以定武古本為上朱文公謂率更所摹蓋緣唐太宗取
得右軍真蹟命善書諸臣摹拓分賜諸王近臣當時惟歐臨
奪真因刻石留禁中一時在外鉅搨者皆它石耳故禁中石
流徙至宋慶厯間猶完善如初竟為李學究得之繼經宋景
文守定時遂其子取石置于庫此本的是當時所搨未經薛
氏手故五字精完若是而字、變化道勁超常正如鳳鳥河
圖不多出見於世者也今歸南村藏弄真冠世寶哉 辛未

秋七月廿三日王紱識

王紱

端

弘治元年歲在戊申春二月六日許志仁觀

弘治戊午春三月既望徐霖觀

徐霖

子京所藏蘭亭甚富以此本為連城宜子孫永寶勿替 太

原王穉登觀餘題記

穉登印

余先宗伯於萬歷甲戌曾得韓侂冑所藏定武蘭亭時余尚未生及余既長篤好法書遂蒙見賜臨玩最久寢食與俱崇禎庚午又購得榮芝所藏本二卷皆嚴氏物榮芝本有項子京印識余閱此本與余所藏榮芝舊本同一手搨出帝墨奇古神采勃發卷內有朱文公手題前後六有項子京印識可見項氏藏物之富如此甲子解組歸田心厭煩囂復得觀此合余藏二卷同校於半山草廬三卷同是定武真刻六百餘年神物今得並來同聚一室大是奇緣眼福良厚矣喜書其後

半山老人韓逢禧

逢禧

崇禎甲戌二月金汝礪觀

汝礪印

崇禎辛巳新鄭高瑞隆謹閱

南軒

己卯六月廿二日與高德元同觀

南陽耕夫樊士寬書

樊氏

蘭亭自昔已多刻本土大夫家輒得一本又復別立一石而赫、稱道者莫若定武本也真定武本筆、沈著圓勁不露鋒穎無限天真後來諸刻所不及也此本是定武原石拓出無疑歷傳精好宗賢而下品題殆遍迨明季為通政使侯峒曾所藏時遭革故公在籍集眾守城乙酉秋初大兵克嘉

定公父子三人俱殉國難是帖為公土人拾得予極力搜訪
三四十年来至今冬得之竊思是帖經公秘惜今宛然如故真

有神靈呵護也 乙丑小雪前二日冒襄

是本慶厯舊拓蘭亭真跡既殉則行世者賴有臨本臨本少

則賴有石本石本雜則賴有定本當北宋慶厯時定武稱為

世寶非貴游交舊不可得矧今日乎此帖經前賢朱文公鑒

定及元明諸公品題遞代傳寶玩此筆力雄勁姿態絕倫的

是山陰矩度世多刻本皆弗及也我生嗜古有癖每於定武

蘭亭常寤寐相通今一旦見於巢民先生處足慰平生歡喜

昔陸務觀跋蘭亭云龍乘雲氣而上天鳳皇翔于千仞吾見

舊定本蘭亭其猶龍鳳耶務觀所評如此信為賞鑒家之知

言也夫 吳綺拜題 墨綸

巢民先生近得定本蘭亭水繪庵中又增一秘玩間示同好

爭欲竒絕予附諸君子之後得以縱觀何其幸也 金壇張

大心拜手謹題 張印 大心 放元

昔於杜茶村齋中見一楔帖云是褚氏臨本真神物也余快

然興歎愛賞久之今余與巢民結忘年交數載茗盃詩筒時

與唱和吟詠之外追話疇昔如昨日事曰述所見諸臨楔帖

於巢民之前而巢民欣然出此定武真本見示喜見是本筆
法雄渾比之褚氏專以姿媚取勝者有秦岳邱垓之異巢民
得此豈以風流文采冠絕一時而是帖乃歸之乎桐雨初晴
午窓多暇援筆記之 王士禎 書

定武蘭亭海內寶也巢民風雅士跌宕文酒五十餘年尤喜
作擘窠書今以暮年而得是帖示吾飲觀竟日因書此為巢

民娛老誌慶

康熙戊辰秋西陂宋華

華臣

冒巢民先生負鴻博才荐而不仕敦孝友喜法書常與海內

羣公怡情觴詠隱于家園焉家藏定武蘭亭秘惜甚謹今出
以相賞先生謂余曰先賢朱文公手題之本至明季為侯峒

曾所珍撫今追昔文公注矣而峒曾以死節稱嗚呼先賢忠
義之士固為百世敬仰况是寶今存吾家豈不更動人流連

寶惜耶余觀畢喟然歎曰是寶為先生所得幸會也亦墨緣
也今先生既知所寶可謂賢矣 康熙己巳八月 樸村張

雲章

瞻漢
章雲

康熙丁酉夏月吳門陳震借觀于壽石齋中

陳震
之印

丁亥閏七月下泮梁谿顧光旭觀
癸卯正月朱承漢觀

漢承

壬寅之秋玉峯精舍觀定武蘭亭帖與江邨高氏所藏更勝
止可下真迹一等因鹿：酬應未能借撫今得觀此頓還舊

觀 癸卯八月鄒轍記 清
後學顧贇觀 贇印

甲寅桂月雪川吳斯治拜觀 斯
康熙五十二年夏五月廿三日汪士鋐觀

乙丑仲春三原王焯觀 焯
小華劉澤溥潤生獲觀 潤生

河東李猶龍雲起拜觀 雲
沙麓張鴻佑敬觀 鴻佑

嬾雲山人顧銜舍觀于水繪庵中 銜
田居龔翔麟摩挲展玩竟日

此真定武蘭亭乃逸少行押神品用筆圓潤之中猶存篆隸
骨韻足為學書者百世師也迨唐代歐虞褚薛皆賴以取資
焉而歐虞得之為多餘不過一技一節耳蓋定武本出自歐
臨其九成化度一道一樸實從此而出余觀此本因用油素
准鈎一通並朱文公題跋而藏于家聊慰中心懸系矣題此
還之士榮先生以期他時不作漁父入桃源可也 乙巳冬

山陰潘室 潘室

乾隆九年重九日稽留山中民馬之裕觀燕山俞其光後至

亦得同觀

淮陰張紹力臣觀于砥齋 砥齋

仁和周元理拜閱 調印

己丑夏五嵇璜拜觀

乾隆四十七年仲夏漳浦蔡新觀

金匱秦蕙田觀 蕙田

乾隆庚戌五月四日程瑤田審定 審定

壬子六月且圃借來魏景奩飲觀竟日因記小香黃畹 畹

是卷蘭亭之在世間名未甚顯然趙子固之落水本早已烜

赫藝林蓋以子固心務三四十一年之久而終歸所有費券半

萬及歸至雲溪山風逗帆覆舟其它不顧而獨持蘭亭一卷

以出其為千古獨癖如此所以傳之悠久也予往亦見於京

邸紙墨亦極昏暗然已翦開數處此本幸未剪裁仍是宋季

用濕墨所拓惟字畫獨得其真舉此皆勝落水蘭亭也豈易

得哉漫識數語以還曹辛甫文學善藏之異時或能遇落水

本同此相較以證斯語可也

嘉慶紀元秋九月廿八日廿

泉江藩

解子

此文公題詞語真簡古而典雅後賢難及觀此如見其人令人遠想千古道統之微皆賴以興實駕漢儒而上之此天之意也久矣今觀公書肅穆渾古遒勁端重周旋中禮如王者端冕而有德威六七百年至今尚令人追仰其風範不置懔然興敬蓋公潛心孔子之學蹟探冥索卒至於道其詞章字畫實有不暇留意者弇州山人亦謂公書無意求工而點畫波磔無一不合書家矩矱也即此一為傳播天壤又豈但與右軍蘭亭互相映發而已哉

丙辰十月朔日後學江藩

敬識

屏子

道光壬午秋斯澤假此見示得觀生平未覩之寶亦何幸也姚元之記

姚元之

宋搨定本蘭亭以此為極非具正法眼藏亦難以識其微也癸未春杪

李宗瀚記

李瀚

蘭亭帖刻本雖多各具一體有如人之面焉孫退谷謂昔人評蘭亭如聚訟不知蘭亭之有定式如衆星之有斗羣峰之有嶽也余最服膺斯語今得此未剪真本世間寡二居今日不啻魯靈光之歸然獨存也余家舊存蘭亭數十本得此而

後餘無足觀矣戊申己酉往來秦中曾在書估中買得油素
畫鈎六帑案之實從此本出跋尾印識俱如一後欲刊傳不
果咸豐丁巳入覲歸來息將返山左乃購得此都中好事
咸驚詫深妬余得此本余亦未以示人也惟願從吾所好玩
而老也斯亦幸矣此卷楊蓉舫太守謂相傳巢民藏其殽
後歸山左曾學海侍御秘不示人乾嘉間為穆相國所得今
歸余嘉孚堂如對名師益友又可作名山勝水觀以窮其標
渺高深之致作絕世佳人觀以挹其幽嫺淵靜之神造化貺
我何厚哉丁巳閏五月廿六日覺羅崇恩謹誌
蘭亭為右軍最得意書唐太宗愛右軍書藏至三千六百紙
終以未得蘭亭為憾遂命蕭翼以計取之於右軍七世孫僧
辨才者太宗喜復命褚遂良韓道政馮承素趙模諸葛正湯
普澈等摹拓以賜諸王近臣各一本後歐薛諸家亦相繼臨
撫以歐臨為家肖遂刻石禁中未幾耶律氏興歸中道又棄
之殺虎林慶厯間為李學究所得李殽于妓家其子負官緡
時宋景文帥定武以金代輸得此石藏庫中熙寧間薛師正
出牧定武為求者日衆乃別刊一石以應求者後其子紹彭
又復刻一石以易原本又鑱損流帶右天等字時已摩拓既

久字口六不甚佳由是定武已有三石矣大觀中詔取古石
刺置宣和殿南渡後古刻已無聞焉余家藏有高江邨手跋
薛師正本与此真本相去超絕此本極斌媚而古厚黃山谷
云品古人書以質厚為本旨哉斯言也此本帝墨有寶光古
色照人其中字畫轉折拖絲豪鉅畢現無一點一畫不極可
人意者按之姜白石偏有攷翁覃谿閣學蘭亭攷一、悉合
此非人力所能偽者此真古刻定武原石無疑也是本未經
覃谿目覩翰墨之緣亦有定哉 仰之憲

平生最嗜右軍蘭亭遂先得懷仁集右軍書聖教序字拓凡
六本唐搨一本作七佛同龕之室以弄之後又得宋搨四本
共藏十一本皆世所希有者也如此聖教序一帖可謂躊躇
滿志惟夢寐此帖整本者三十餘年今一旦得之曰得後
凡格間以觀山陰真面目其快何似 趙松雪獨孤本余昔
年曾得見之今猶在目中其流帶右天等字已損字跡將近
模糊失真心如百戰老将體無完膚失血過多暮年遂致羸
瘠設非早入淩雲圖畫亦孰知其英姿爽颯懍若天神哉此
本神采如生極娟秀而翔舞其一種雄偉之氣橫掃千軍也
余品為天下法帖第一右軍法書第一香南精舍古墨第一

默尊者王牒崇恩三題此間五月廿八日崇恩私印印識分段錄記不復敘其次題首上有香南居士秘笈銘心

絕品崇恩私印平野墨緣三印帖前綾邊上家在雲臺之畔

沐陽呂士淳字小澹印忠孝傳家穆彰阿印韻翁冀野喬炳

增印平陽汪氏藏書印鄂庭子孫永保子京父印項子京家

藏項墨林父秘笈之印甲字印下神品王氏敬美謝節從義

室佛庵主坤遠園書項元汴印墨林秘玩正華嘉興吳鎮仲

圭書畫印共九印一半鈐帖上帖首上有崇恩香南載揚趙

氏子印偽岳珂項元汴印馮標志公王氏藏書室印元之共

十印帖尾上有英蘇私印志珠女史臣朱世印金傳聲印榮

樞之印汪舫讀仰之玉牒崇恩漱。仙館九印斯文政和璽
偽養心快目項子京家珍藏舍文堂印三印半鈐帖上帖後
綾上孫均曾觀上元弟子元孫歸六陳氏曉嵐日臻赤子久
番東賜吳台朗印武政之印朱。之印培章之印劉郎鳳鈞
都遐年印十三印跋前綾上五印重四一小竺氏跋上水繪
廣珍藏王穀私印樊氏子厚聲印黃載功記沈耀文印蕙田
之印。南小隱颺西樵者九印餘八印七半印重文公首行
跋下有敬美聯珠印跋末有周之冕少谷曹學海印葛山清

芬館西堂六印又二印不可識餘六印重高題下陸莊之印
樊題下三印重揭跋項氏三印重徐題下仲宣審定一印項
印重綾上翁松庵意口省三又號健秋三印陳跋前有潘宣
子番氏錫爵鶴慶堂二口五印餘二印二半印重跋後周元
理印壽和樓印二印冒跋前子京水繪庵鈐縫三印重跋項
氏二半印重吳跋前二印重二半印重王跋下一印重張跋
前項氏鈐縫二印重崇跋下接縫處項氏三印重凡兩鈐印
有極佳者亦有惡俗不堪者未免為斯帖玷備記之以存一
時鴻亦云尔

按定武蘭亭有落水本獨孤本經二趙強藏題跋久已烜赫
于世此卷韓跋中有韓侂胄本榮芭本繆太史寓意錄載榮
芭落水兩種外尚有宋仲溫藏本據半山老人跋言此本曾
與榮芭本對校同為五字未損真本如一手招出而宋仲溫
本周伯琦跋亦言筆勢中勁外圍八法具備大氏五字未饒
損者蓋未歸薛氏之前本是皆勝于落水獨孤二本也榮芭
仲溫二本尚見于寓意錄此卷竟未見著錄物之遇不遇亦
有幸有不幸耶丁酉之歲既倩吳郡陳伯玉撫勒于石置之
于蘭雪齋復於此錄中詳其跋語並各家觀款印章冀此卷

榮芝仲溫各本並垂天壤不使落水獨孤二本專美于前吾其為是卷之知己也耶

此卷列坐其次次字末筆是一捺有迴鋒縮入兩見定武覆本俱作一點姜翁偏旁攷中均未及之又永和永字一概略有帶上一趯一捺微有批法具見隸意各種覆本盡失之不獨書處茲筆微折轉也此二條似可補入偏旁攷中

夏日於城南觀章覽庵所得蘭亭內有一種與此一絲無異當必由此本或榮芝本所出惟不著摹刻姓氏亦無歲月可稽細校後半精神尚不及伯玉摹手 癸卯嘉平既望

舊拓顏井蘭亭敘思古齋黃庭經合裝

此石據筠廊偶筆云明嘉靖中顏工人得于古井中前有思古堂石刻五篆字下有唐臨絹本四楷字蘭亭後有永仲墨妙筆精二印識者定為褚河南筆竹雲題跋云顏上本董宗伯目為米臨正恐未然米雖天才超軼而一種清和廣大韻度故當遠遜前賢良非河南妙腕焉能到此其說是也此拓蘭亭上有蘭亭敘唐臨絹本七楷字黃庭上失去思古齋石

刻五篆字至蘭亭後尚有張登雲一跋此六剪去附錄于後
備攷帖裝四開首頁上有文起堂珍藏張穀百鑑賞二印綃
邊上有武進費氏兆錕之印朱氏子青三印末頁綃邊上有
大鄴觀款黃庭裝五開首頁綃邊費朱三印全末頁綃邊上
葦間跋三行其帖之妙處前人具言之無待贅言也

二帖右軍真迹不傳惟虞永興諸潭州歐陽率更臨本盛傳
使而寢遠寢贗如真賞齋傳雲館諸刻不足觀此刻久塵
上學宮相傳學址舊在城南外闕因民間掘井得石洗而視
之迺出此焉然穎上勘鏡古者歲月澶漫不可攷余索而諦
識風神道勁大近褚筆蓋唐文皇以館閣摹本散置蠻貊間

疑其一云

龔邱張登雲跋

康熙丙子正月廿二日

山陰楊賓觀

齋

黃庭真榻舊留穎上近為上官徵東其縣人掇碎之有摹本
在鎮海縣余向時所見皆鎮海者去歲從慈仁廟市購得穎

上一本取鎮海本校之皆用反鋒乃知原榻之可貴也此六

鎮海本

西溟

此本果出鎮海与否余不能辨但就生平所見當以此為最
若葦間所得慈仁本余曾見於京師邸舍雖六似褚筆恐未

能出此本上記此以問葦間不識以余言為何如也 耕夫
楊賓 子思阿

同治元年清和望後古雍朱子清觀 朱氏
同治十二年五月五日購於京師廠市之論古齋武進費兆

銀書以識幸 續

大瓢先生世稱楊孝子觀其題跋在康熙三十五年至今已
三周甲子矣無論帖之佳惡即此真迹數行亦當什襲藏之
况又有西溟妙墨耶 光緒丙子正月廿二日銀又書并

潁井蘭亭黃庭余凡藏三冊一為家傳本蘭亭与此冊相似
黃庭搨在此前其一冊俱拓在此後矣尚有殘石一冊為碎
後所拓存字無多四冊相較確為一石特此冊濡脫甚精耳
竊謂神龍真本不可見如鬱岡快雪渤海名種諸臨本皆重
摹者惟潁井尚可見諸臨妙蹟度舟謂一種清和廣大韵度
誠有非它本所能及者此為宋刻原石無疑葦間一時失考
目為鎮海大瓢辨之是也取覆本對勘自見

舊搨蘭亭集勝六種 瓶蘇竺舊藏

第一種何氏蘭亭即東陽本也原委具見何張二跋中雖非
定武原石亦非定武覆刻之二本然宋刻無疑松雪謂石列
既亡江左好事者注家刻一石者也此本拓至精所藏數
本无無能及之者石在金華府有以拓本見貽者疑經磨洗
刊鑿無復真面矣

何氏蘭亭石前十八行欣悅起猶不止是一石後十行能不
起隨化止又一石兩石拓出將界線截斷硬接成一紙此段
原委惟山陰楊大瓢先生曾言之諱究如翁閻學覃谿先生
未之知也十年前曾收得一本下接十行之首有隨化終字
猶未割去可證大瓢之言非虛同年呂定子所藏何氏蘭

亭後有先大夫題識手蹟敬錄於此 慶麟
按近拓前一石至向之所止欣悅一行在下 一石第一行下

缺猶不二字間字泐處較此轉少細宋確是重摹此一行以
補者豈前石缺失末一行以後石所餘一行刻之耶

第二種江都本此本不多見傳聞後有松雪跋謂与所得獨
孤本無異此則不然或是覆刻非江都原本也羣字一豎竅
無理与頴上本同崇無三小點中一點一豎却有微斷之勢
歲似有點却与中橫相連中与定武真本合者雖字無點聽

字右十有一曲点字四點第二攬字見上多一筆它覆定本皆不若是

第三種顏井本原石舊拓

顏井本有其武并翻刻本纖毫畢肖幾令精鑒者為之目眩

原石碑後翻本六復見重于時此則原刻精拓也 振甫

按真顏本氣字末末一點与气彎處不連和暢之暢日外有

一小帶筆却不相連遊字走折處迴一小圈精拓皆可見覆

本盡失之以此辨真贋百不失一

第四種國學本即退谷侍御未見柯本以前所最服膺者也

又曰天師庵本此拓極先字多腴潤近拓字畫磨滅僅存形

似耳以時露趙法頗有疑為松雪所摹者余以為宋刻之一種耳

定武真本目所未觀若國學本之淵懿肅穆其氣息自在諸

刻之上俗此舊拓近亦不易多觀也 振甫

第五種關中本六曰秦藩本是由定武五字未損本摹勒者

其与定武小異蘇米齋蘭亭攷已詳辨之規模具備特乏雄

厚之氣殆明時刻法已与宋異矣

關中本明秦藩取內領定武本摹勒上石故覺典型尚在前

刻右軍聖教序舊在西安武廟聞原石近亦不存矣
同治壬申十二月初旬偶游廠肆購得此冊雖種數無多而
歐褚兩派居然具備東陽國學兩種楮墨並舊可寶也
南楊慶麟識

第六種上黨本六稱長治本定派而兼有褚臨風韻未刻董
跋勒不甚精又有程一敬隸書題識兩行董跋後又有咸陽
程一敬杏牧藏石于寶蘭山房六隸書後附閩中本拓較精
湛而不及前一種之神韻蓋拓已在後矣

此即退谷銷夏記所載長治本與潁井本並稱為宋刻者也
筆意婉妙如落花依草翩可愛
振甫識

退谷翁銷夏記謂此本與潁井無異今觀兩刻殊不相類長
治之虛和婉妙大異於潁井之峭逸道勁也董跋幾目此唐
刻而韋谿閣學復以潁井本為脫胎於神龍疑出自米老之
手昔人聚訟之誦豈不信然
振甫

簽題蘭亭五種東陽江都潁井天師庵秦藩類蘭石先生書
蓋後二種續得裝入者故重一闕中本也東陽本前有家磨
印帝邊上有綠云巢玉環飛燕誰能憎牧詮審定三印末有
一片冰心在玉壺播州太守二印江都本前有汪喜孫印帝

邊上結翰墨綠澄清墨妙之室二印又玉環一印末有祕書
外監子紱真賞二印一印不辨帝邊上書畫傭一印頗井本
紙邊上有綠云玉環二印末有焦氏墨泉印天師庵本帝邊
上綠云玉環二印末有子穀印紙邊只恐誤落俗人手一印
秦藩本前有墨泉印紙邊綠云玉環二印前後副頁俱有澄
清妙墨之室印

舊搨摹定武蘭亭鑱損五字本

蘇米齋蘭亭考謂潘氏祖本崇字僅見右一點旁注云即世
所行偽絳帖之第二本此冊崇字存右點與絳帖之第二本
同而招手精良鋒穎畢露其潘氏之祖本款中斷計缺室之
內下一行曰寄所存半字當其欣微損帝有簾紋細潔可愛

帖首有陳字圓印尾有稚彭印

蘭亭石刻甚夥前人聚訟紛紜：此刻宛然定武實是佳本不

必在針孔金龜九脩八潤也可孫嘉慶丙寅小春嘉善錢
樾觀并識

錢樾
五印

蘭亭定武祖本既不可得翻刻之本無慮百十種皆謂之定
武此本五字已缺而石復中斷實定武肥本也玩其精神結

撰光采奕々不可多得之品矣遠愛其珍藏之
秋室拜
觀附識於尾
秋室

是冊蘭亭初得未嘗細攷嗣得真定武本校之乃知此種確
由五字損本摹勒在定武本中精品也無恆撫棠秋室而先
生俱極稱之關中本僅存骨幹自不及此之骨月傳勻不淨
真定武即此亦可略見一斑矣
段曾氏八種蘭亭內有此種錢樸溪跋謂石藏吳門謝氏乾
隆庚戌秋石燬于火拓本遂鮮則與緯帖中第二本非出一
石可知已

舊拓撫定武蘭亭鏡損五字本

此拓帝墨極舊字畫甚肥覺雄渾古厚實勝前本惟未詳所
出与前種合藏亦可號一瘦本一肥本也與它本異處崇字
三點俱全雖字無點六字四點皆與真定武合帖上柳覽二
印疑偽綃邊上有餘讀盒、西園所藏二印帖尾有愛吾廬
周氏鑑定任氏子明世襲一等忠勇公之印子孫永宗
用娛清書屋七印尚有二印不盡可辨

舊拓蘭亭頴上學宮本神龍本二種

學宮本殊拓大致與頴井無異惟永和九年一行前題頴上
學宮本五楷字山左陳壽卿太史跋三行書其下引為廊偶
筆云：是誤為頴井本北平李氏後二跋亦引張登雲跋並
畫禪室隨筆云誤為頴井豈陳李皆未見頴井本前題唐臨
緇本者耶是可怪也帖中氣字米一點不連暢字日外亦有
小彎游字拓漫一圓不可見而類字下又筆云與頴井同特
神韻不足殊遜于頴井也
神龍本凡藏四本此本為最舊筆意飛翔動宕有不可捉摸
之勢豈即覃谿先生所稱四明范氏石本為豐南禺刻于烏
鎮王氏者耶帖前有陳奕禧印後有曾為平壽陳介祺藏北
平李氏所藏口伯子鑑賞三印曾見翁考神龍本數條附錄
于後

予所見神龍本皆有貞觀神龍開元大觀諸印惟王秋坪所
藏本致佳而無前後諸印予既為手摹入石矣四明范氏石
本即豐南禺刻于烏鎮王氏者亦有神龍諸印而筆法勝諸
本不啻倍蓰矣治亭宗伯得一舊拓乃無諸印而圓潤又在

范氏石本之上蓋宋刻宋拓耳

王斯秋文下本六無褚氏印

二冊來看此褚臨在申集之

首即治亭所得本也

頤園所收蓋雜取宋人秘閣諸刻摹成者即以此褚臨蘭亭

細對視四明本無一處不同而神理圓渾淵雅勝四明遠矣

第六行強之脚底縮上二分許

本四明

十一行末仰字針眼尚具

四明本無之

以上翁攷天一閣褚氏蘭亭諸跋節錄者據後二則此神龍

本雖有神龍等印而強脚不縮仰有針眼實勝于四明本矣

舊拓姜氏蘭亭前一本

此即王虞舟目為集聖教蘭亭也石藏姜氏葦間據跋稱一

石刻西面此其前面一種也筆意洒脫圓潤別有一種風趣

帖前帑上有清涼坐書屋竹南州堂臣瑩章映山珍藏三年

以上東西岳獨馬全游內外邊五印末有爵林章雨園伯子

二印跋末負有寶沙堂陳氏收藏印

蘭亭是右軍書第一此本是蘭亭拓本第一趙子固所得蕭

千岩藏本未知視此伯仲何如耳此王阮亭跋林鹿原藏本語也張青雨携示寓坐余出此本較視之雖帖式各別而點畫毫髮不少異此亦拓本之佳者耶 康熙庚辰七月七日

抱雪咎茹芝識

時寓都門 萬佛寺 替茹芝

此姜太史甲子冬贈余者其時同客都門情懷甚契憶出此贈余時蓋不勝愛惜踟躕久而卒以見贈知友朋之愛更有甚于愛此者矣此義結於中者將二十年今太史已物化每一繙翫不禁愴然太史名宸英字西溟慈谿人其曾祖與余曾王父金谿公有譜誼云七夕後二日謹識于萬佛寺之西廊 茹芝 七替

此石今猶藏太史家太史世精書法有由來矣又識 替 潘松陵云宋時蘭亭有百七十種今不得見余所收有二十餘種此種得翻刻本前有賜潘貴妃四字御筆後有朱晦翁及東屏僧跋宋榻未有題跋 元考

聖教序所集大半用此此果右軍真蹟耶抑定武本乃歐陽率更所臨此出虞褚輩手耶東屏跋語戒其徒世守勿妄示人趙子昂入都嘗假諸東屏不得獨孤長老定武本作十人跋頗致恨于東屏蓋此本與定武本絕異云抱雪 盟替 咎

余同年友姜葦間家藏蘭亭石刻二種其一與高麗撰文庫
本無二其一則此本是也云俱是褚登善所摹余曾以宗榻
廟堂碑帖貽葦間易此二本手自裝帙後為俗子取去其人
已化為異物不可復得而余老友亦亡矣今於抱雪處獲觀
此冊不禁潸然而有感也高麗本葦間得之於納蘭君上有
撰文庫竊中間興字下畫有燦筆較此本尤飛動然此本亦
是近今第一抱雪其寶藏之庚辰冬十一月汪士鋐記
西溟館丈向曾詒余蘭亭一冊最所珍賞今見此本不獨神
情高古倍覺過之而其中如賢字踪字痛字亦字之類結構
尤絕不相同豈其家藏有兩石耶侯官林吉人所藏善本今
夏曾於隱綠軒中見之果與此豪髮不爽余將從何處購之
得與兩君成鼎足之勢乎 涇陽劉灝識 峯

西溟先生所藏馮摹蘭亭舊而古已足珍翫以此帖較之尤
覺神氣完足自別是一本無疑其有舊處亦正其古處真可
寶也惟舊則古吾於西溟先生不禁有感焉而並以誌吾友
之不忘舊交其古道逼人云 北平有德識 薄邱 修

唐人書虞歐稱神品褚河南則行以八分源於篆籀米顗推
論之至云顏出於褚然要其寔無不從會稽奪胎觀仁壽宮

夫子廟堂及長安馮翊聖教可見矣所謂昭陵永閔千年蹟
定武猶存幾樣碑者蓋真跡之難如此也茲冊為西溟太史
藏本持以贈抱雪長兄者鋒畫逸朗町畦絕無李北海曰學
我者拙似我者死較諸家摹傳如萬馬奔騰驕獨先豈可
以形似擬乎抱雪為吾曾大父年友哲裔与余兄弟有世誼
偶游下里酒酣耳熱出以相示且悲太史之九原不可作也
斯文淪喪共為感慨者久之 壬午花朝瀾中左輔邵陽康
乃心

乃心
乙太

米襄陽以畫易蘇耆家藏蘭亭評其率意落筆真是褚法王
弇州常謂歐本竄得右軍嚴正氣歐褚天分二公鑒別至審
余向自西溟獲此搨勢絕飛動信出登善嗣又得何氏斷本
骨古神道驚出信本自許雙璧抱雪今冊与余所得出一胎
褚臨奚疑再購何氏歐拓百世寶之雖與日月爭光可也
天泉汪瀾

夢泉
汪瀾

蘭亭自渡江後世有數百本知書法者但辨其神氣腕力鐵
筆之精即為佳本若必其流傳所自點畫異同此第二義也
此本神氣完足波折自如與聖教初本同一筆法非虞褚輩
高手不能臨也然必命之為虞為褚吾亦未敢自信耳 鵷

觚遷客吳門張翬識

壬午二月客邵陽縣署董二尹以何氏斷本見贈果如天泉
太史所云骨古神道快玩弥月謹內行笥比即有小札遠報
天泉也戲

此褚河南臨本也想見古人臨摹古蹟在得其神骨至於本
來面目則斷不改耳 乾隆十有三年戊辰閏七月婁東

沈起元識

沈印

好

嘉慶壬戌春二月購藏於竹南草堂海昌查瑩識

映

余得此冊後復見周荇農年丈藏本与此拓皆同後有方南
堂先生跋夢樓先生四跋錄此冊內方跋云：確有可據遐
想懷仁集聖教用定武者七字褚本者三十七字二本可通
者十有四字果如宋金華言此種蘭亭在唐初早與歐褚二
種鼎峙懷仁得以一併集入聖教後人不得徑見轉謂之集
聖教蘭亭不知仍是聖教集蘭亭也惜不得起虛舟先生而
質之方王跋語附後
永禪師以書法名梁陳間法書要錄東觀餘論法書攷書品
諸書止言其寫千文未嘗言其臨蘭亭此帖前後亦未嘗標
識永師名字惟曩於京師見舒檢討大成所藏搨本與此本

同出一石後有宋金華跋云智永臨蘭亭澄心堂物也後歸王晉卿米襄陽謂下真跡一等遠出馮湯諸人摹本之上時有周惠明工於刻字遂摹勒上石世所謂洛下本也宋公博聞廣見言必有據但觀此本全是聖教筆意不似蘭亭出於唐人或嫁名永師耳使果為永師手臨則懷仁衣鉢固有由來矣 乾隆癸未三月廿二日貞觀識

香光論書語：皆從實脩實證而出不倚考據不拘成見余最服膺獨謂聖教為懷仁自書且訓集為習此論未公吾不憑也試觀聖教中凡蘭亭所有之字何一不採羣字一豎中空迄字迴鋒向左尤其信而可徵者然則蘭亭似聖教復何疑哉

習大王書者能從聖教悟入蘭亭不使蘭亭流入聖教便是力爭上流法正不必過抑聖教也

細觀此帖與聖教大相逕庭聖教鋒銳迅捷大類褚法此則金和玉粹純似永興凡觀書必臨撫後始知未可以皮相論也此帖臨之數過乃知與永興積時帖相似世傳永興得筆法于永師益信而有徵矣 乾隆四十三年夏四月丹徒王文治獲觀並借臨

舊拓玉枕蘭亭敘

相傳蘭亭鐙影縮本始于率更後世所行玉枕本則賈秋壘
命廖為洲所摹刻之靈璧石者在秋壘當日或曾藏有率更
鐙影本重摹入石抑因鐙影本不可見特取定武縮摹以仿
為之均未可知納芥子於須弥誠足為蕝林中增一番攷據
也余留意搜訪鮮有善本後得丁南羽白描蘭亭圖卷後粘
有此帝字畫道勁得率更法其刻法樸厚亦近宋人所為特
無印記可徵難以臆斷耳後附易如所藏綠筠亭本筆多圓
潤雅似定武前有右軍像並賈似道印知由靈璧石所出也
綠筠亭本為中書大母所藏求拓不可因重刻之不知閨閣者
也是本原石為閨閣所藏求拓不可因重刻之不知閨閣者
何所指也亦有右軍像賈似道印後章璧庵亦貽一本頗類
徐刻無右軍像石前下角已有泐紋而種摹刻皆不精略存
形似耳

余搜集蘭亭約四十種獨少開皇只一影本耳真定武為
蘭亭墨王此下茲錄所載凡十二種首顏井者真神龍不得
見諸本當以顏井為最古最妙次何氏江都天師庵秦藩上

黨中斷本肥本皆定派也。穎上學宮神龍兩本皆褚派也。若姜氏玉枕此蘭亭別種不能不抑之於後矣。拓雖不能盡古要皆單行善本。餘散見于各帖及明以後所摹者皆不以蘭入焉。

舊拓玉版洛神十三行二種

第一種白玉本也。龔定庵學海談龍云：雍正八年庚戌漁人得于西湖葛林園，亦有舊痕不及碧玉本之肥古，而以神采勝。童氏得之以歸制府李衛，進于朝。在童氏才十日，李五曰：人間拓本皆此十五日中幸而留出者，其石至嘉慶三年乾清災毀於火，此拓筆意虛和，與碧玉有剛柔之別，非以神采勝，直以神韻勝耳。舊痕與碧玉不盡合，棄字中直一貫，惟此本為然。剪裝三開，第一開帝邊上有王澐印，鄭江李氏文房二印，尾上汪心農珍藏，蘇鄰鑑藏印，二帝邊能靜經眼印。第二種碧玉本，即杭本也。晉字略有墨污，實未中泐，拓雖稍淡，筆意宛然。所藏四本中，此為最先。六裝三開，首頁帝上有李氏文房印，末三印與上一種同上。黏簽曰：武林綠石本十三行，湛翁印，蓋第間筆也。

此武林綠石本今世推為諸刻中第一然筆法方整頗類松雪豈即其摹刻耶昨出余所勒鈎唐臨墨跡與楚萍道兄鑒賞之不覺咨嗟歎絕惜楚萍猶未見其真本古人墨跡日就零落雖刻本之善者將不多得則楚萍之寶愛此帖未為過也

戊寅八月六日姜宸英記

湛翁書

世傳洛神玉版十三行有二一白玉本一綠玉本皆希遠之物試硯齋兼得之而裝成一冊洵勝觀也毘陵唐荆川所藏本董文敏亟稱之以為晉人小楷宗極大抵荆川本起忽綴宕不可思議二玉版皆渾厚圓妙各擅所長臨池家宜參觀之晉唐風格不外於斯矣

嘉慶三年戊午中秋前三日丹

徒王文治觀并記

王氏

夢樓先生題二卷內曰玉版十三行二種試硯齋收藏佳本

外曰玉版洛神二種試硯齋收致佳本有王氏禹卿夢樓印內有心農秘玩印

陸冰修先生云賈秋壑得子敬洛神十三行鐫於于闐碧玉萬厯間或從葛嶺所地獲之歸泰和令陸夢鶴朱文盛云此非宋刻也乃錢塘洪清遠所刻余從祖四桂老人親見玉工鐫字是二說者向未知其孰是甲申三月於維揚吳禹聲家

見宋拓本与此纖豪無異但我字戈法尚細宣和印宣字尚
全耳始信宋時已有此刻若洪氏本亦於維揚杜氏見之妍
媿不啻霄壤文蓋後聞四桂老人之言遂誤認為一不知其
又以此本翻出也至陸說予亦未敢深信蓋此刻獨有宣和
印而無悅生長字印又無米友仁印跋與容臺所載秋壑家
晉時麻牋不同豈秋壑所刻非麻牋耶抑此玉不刻于秋壑
而刻于宣和耶自泰和後又經觀橋葉氏王氏數年前轉入
京師主者意欲向售予謂同里諸公曰此吾浙舊物也豈忍
使之流落于此蘿軒先生則替學嶺南貽予墨拓數本且屬予考其源
閩中蘿軒先生則替學嶺南貽予墨拓數本且屬予考其源
涿曰為述所聞見如此若夫字之秀勁圓潤行世小楷無出
其右者趙文敏題曹娥卷云親見呂仙聞吹玉笙予於此刻
亦云康熙四十五年正月八日山陰大瓢山人楊賓跋
右帖圓勁瘦硬運腕靈活剝蝕之餘弥見精采其為宋刻無
疑非近代所能規摹也得吾友可師論定益信癸未之春持
節嶺南携之行篋至丙戌立秋日謝任蕭然無事以端州一
片石識其本末後人其慎守之毋忽白沙山樵翁嵩年謹書
予謂碧玉本十三行當以大瓢山人所攷為定論白玉本當

以龔定庵學海談龍一則為的據不等虛無懸擬之詞餘說
紛紜概可芟除惟杭本後拓者多失去楊翁二跋後人將不
得知也特錄于右備攷至白玉棄字一直不斷傳說已久未
知所本得此證之知其言之不誣也

精拓杭本洛神十三行

此本拓稍後而極精為吾齋杭州玉版五種之一裝三開首
有羊舌楊繼震二印第四開上止一和字上有媛又雲祕笈
又雲收藏蘇陸齋四印有冬心先生題簽曰十三行稽留山
民題記後附粘印石上鐫張燕昌所書十三行并沈宗騫畫

洛神拓本極精

雲帥神光宛洛川砥硃小枕想同鐫白麻真影依稀在不數

當時寶刻編十行先見戲鴻妙腕驚鴻白

韻士名王等色絲謂秋壘正見却怪師臣無隼思不將

采穎兒瓊姿瑪瑙莊荒蔓碧蕪記拈羶蠟問瑠琚過子曾兩

不憑甲遺跡今宵妮古重開卷蟋蟀寒階月下初辛酉八月

題朱雪田舊本碧玉十三行三絕句今歲八月更得此本付

僮成為文因聞課杜寫三什于冊後同治乙丑古重易日又

翁記又翁

舊歲購得林未文清儀閣所藏玉版洛神十三行二冊一整

標一割裂割本本聯楊翁二刻藏不其舊最為心賞今得茲

冊偏苟完泐一如張氏割本較之蘇齋藏蛻似無不及用蓄

為吾齋第五本又翁蘇齋

按楊氏玉版十三行五本予得其三整本為楊後邨前輩得

割本未見據跋與此本無異余得李氏文房二種及裝入音

唐小楷一種六得碧玉五本

宋拓智永真草千字文

張升未跋永師千文謂當時行世甚多皆已不存存者惟大

觀一刻耳相傳此石珠稱夜光一行明初拓已泐一道無泐

即宋拓末尾薛跋下有姪方綱摹四字小字不模糊者宋拓也

明初拓已模糊矣後並無此四字又傳舊拓本四小字下尚

有李壽永壽明刊六字与方綱摹四字並列此本珠稱夜光

一行無泐痕薛跋下有姪方綱摹四字不甚模糊惜以下割

去李刊六字不見審其楮墨濃厚筆意腴潤雖略有剥泐當

是南宋之季拓本帖裝二十二開末有劉氏家藏瑞楠子健

三印跋後有孫漢之印雖無題跋不失為舊本也
所見真草千文帖雖極舊拓立字無不潤點者向嘗疑之後
閱宋廟諱始祖立朗則立亦字諱也其中匡字讓字皆闕筆
則立字缺點無疑矣惟朗字此本缺後拓乃不缺或為後人
添鑿又若敬字恒字殷字却皆不缺則又何也

初拓安刻孫過庭書譜

唐人能傳晉人草法者孫過庭書誣一種而已太清樓拓本
未之見傳雲館刻尚覺神氣未完惟國朝安刻乃由墨跡
摹勒墨跡又子鋪有陳香泉先生釋文一卷最為精善此冊
得之江右彭氏拓法精良筆意盡見祇下墨跡一等耳曾經
回祿每頁下角略損一二字嗣又得一冊雖完善不及此損
遠甚矣

或云安刻書譜金陵有一翻本神理畢肖可以亂真惟第九
開五行第二字書為之書小有異同予未之見記此以待賞
鑒家審別也

舊拓傳雲館晉唐小楷六種

傳雲小楷摹刻最精殘失亦最早蓋經待詔父子鑒定經營
悉取古搨善本得章簡父細意摹勒清勁樸茂獨出冠時全
石後歸寒山趙氏繼分藏武進劉氏常熟錢氏後為畢弇山
購全簿錄又入桐鄉馮氏構貶雲居置之然黃庭樂毅兩帖
已覆刻充補矣余收一全冊其小楷一卷悉是覆刻充補者
是所殘又不止黃庭樂毅也是冊始為四種黃庭殘字曹娥
碑洛神十三行靈寶度人經外舅昇以陰符經一種後有龍
石先生石綠題字又得破邪論序一種合裝一冊致為精美
嗣得一殘帙內有樂毅全本畫像贊臨丙舍帖宣示表護命
經晉唐小楷八冊內有樂毅海字本宣和十三行心經臨昨
疏還示帖又得一黃庭全本計十種止少仙壇記陀羅尼兩
種而已

右傳雲館凡四種小楷信都王偉亭藏本也摹拓並佳而曹
娥碑尤為精妙近今如此者殆不可多得矣甲戌五月五日

武進費兆銀識

費氏
未刻

甲戌冬伯英購得此冊擅蠟之妙不減宋拓向藏褚書陰符

經亦是傳雲館舊拓本他日當檢出同裝則傳雲帖中精華
萃是矣振甫觀於瓶麓齋并識

慶辰

此傳雲館精拓本學小楷之津梁也庚戌九月七十老人識
侍詔工書紹晉賢傳雲楷法手親鐫抱殘莫笑真癡絕一冊
相依廿五年照明石墨人間少博古終須遜一籌幸有傳
雲殘拓在晉唐風格至今留戊戌冬日展玩偶題

舊拓墨池堂二王小楷兩種

摹勒小楷之妙無過于傳雲墨池兩帖然傳雲猶可見墨池
直不可得癸未之春曾見一冊有黃庭樂毅數種為崇兩於
中丞舊物議值未就為人易去十數年來留心搜訪僅得此
冊雖止兩種而二王之楷法具在黃庭經六開有半前有裴
崇錫印名辛二小印末有綠野舊堂跌宕文史二印又吟餘
閣筆聽曉鳥讀罷推窗數落花一印最精十三行兩開下有
裴崇錫印此外尚藏有佛遺教經一冊趙陰符經道教經二
種皆墨池原石至行世之墨池全本皆是覆刻即晉唐小楷
中所集各種不過覆刻之至精者有此規模無此神韵矣
墨池黃庭得渾樸之神傳雲黃庭得疏宕之致秘閣石氏帖

外當推此二種摹刻最為近古後來各帖鐫勒雖極精工不能及矣

光緒二十有九年歲在癸卯嘉平立春前一日寫畢



曩在京師談金石者道州何緩容太原溫琴舫獨山
莫子德吳縣潘伯寅順德李仲約華亭沈均初會稽
趙樞林數君者皆重碑而不喜帖南歸後見貴西
齋所收漢碑宋帖無非古拓歎為絕倫今又見

伯英編修此書其精且博與貴君等而區碑帖為
四卷又與鄙意適同夫有宋諸刻縱多雜糅然
山陰筆法賴以津逮今乃於北碑南帖強為軒
輊不已偏乎吳氏筠清館帖鑑程氏南村帖考皆
鈔傳本 覃谿先生題跋集中所載不及三四此

編出即作帖鑑帖者觀可也滄海橫流疆場日蹙
好太王關特勤等碑將淪於大漠沙漠中求如
權場墨本而不可得矣書以志慨


光緒癸卯歲除松禪居士同龢記



甲辰春仲偶游春申江上花朝之夕於江南烟雨樓
遇一客焉美脩髯丰姿絕俗年可四十許口操蜀音
心異之相與酬答各道姓氏似曾識予者若次縱談
時事與中西學問兼及書畫碑版所論畫中肯綮
間謂予曰君精鑒別富收藏能一窺清秘否予謝不
敏曰何以知則曰耳君名久幸得相見耳予行篋適
携此錄翌日約至旅舍晤之客一披覽贊嘆欲絕
詢近得割蹟否予謂天下尤物聚于一家易為造物
忌十餘年來不復向津矣倘得知音尚欲分贈公之

同好客愕然曰信耶予曰是不作誑語敢相欺客有
意耶曰初相逢安可割人愛予曰無妨也明珠忌暗
投公巨眼尚何患任所擇可客迺據目標識得百數
十種居數日歸虞客與俱即所標者出之欣賞累
日不合客意者三五種耳乃別玄所酬頗豐予四十
年精力所聚雖一旦舍之未免憮然而既欣名蹟之
得所復喜買山之有資非僅鼓雲林故事以自鳴高
也自序有云有緣而聚緣盡而散真語識矣因亟
付石印編跋同好以見予固寓意于物而不滯于物

者益夏浩佛日息居士跋



跋後復贅三絕附錄于左

半生喜與古為緣名跡按羅四十年留得一
編鴻爪在不教過眼等雲烟

聊為古人好護持強分彼此竊堪嗤不忘瓶
麓齋中語曠達胸懷是我師

什襲權留秘篋珍偶然脫手亦前因雲林一
去風流歌六百年來無此人

翌日息盦又題



定日息金大要

去月息金大要

和息金大要

其息金大要

其息金大要

其息金大要

其息金大要

其息金大要

其息金大要

1575-467

